

## AUTU O SU'ESU'EGA O LE KUATA E LUA 2020

1. **O Le Uiga Ese Fa'apitoa o le Tusi Pa'ia—*Mati 28-Aperila 3***
2. **O Le Amataga ma le Uiga o le Tusi Pa'ia - *Aperila 4-10***
3. **O le Va'ai a Iesu ma le au Aposetole i le Tusi Pa'ia - *Aperila 11-17***
4. **O Le Tusi Pa'ia, o le Pogai ma o lo tatou Talitonuga i le Atua - *Aperila 18-24***
5. **Na o le Tusi Pa'ia Lava - *Sola Scriptura* - *Aperila 25-Me 1***
6. **Aisea e Mana'omia ai le Fa'aliliuga o le Tusi Pa'ia- *Me 2 - 8***
7. **O Gagana, Mau, Ma mea o Tusia i ai - *Me 9 - 15***
8. **Foafoaga: Avea Le Kenese o le Fa'avae - *Vaega 1* - *Me 16-22***
9. **Avea Le Kenese o le Fa'avae - *Vaega 2* - *Me 23-29***
10. **Tusi pa'ia pei o se Tala Fa'asolopito - *Me 30 - Iuni 5***
11. **O Le Tusi Pa'ia ma le Valo'aga - *Iuni 6 - 12***
12. **Fetaia'i ma Faitau Faigatā - *Iuni 13-19***
13. **Ola i le Afioga a le Atua - *Iuni 20 - 26***

**Tusi Tala o le Lesona - Frank ma Michael Hasel**

**Fa'atonu - Clifford R. Goldstein**

**Fesoasoani Lagolago - Soraya Homayouni**

**Fa'aliliu - Manua P. Maui'a**

## E FA'APEFEA ONA FA'AMATALAINA MA FA'ALILIUINA LE TUSI PA'IA

O le avea o i tatou o tagata Aso Fitu o le toe Afio mai, ma o i tatou o Porotesano, o lona uiga ua tatou talitonu i le *sola Scriptura*, na o le Tusi Pa'ia lava ma ua na o lea le fa'avae moni o lo tatou fa'atuatuaga ma a'oa'oga. A e fa'apitoa lava lona aogā ma lona tāua i taimi o le i'uga, e pei ona fai mai Elena Uaita, o lo o i ai tagata o le Atua i lalolagi o tumau pea i le Tusi Pa'ia, na o le Tusi Pa'ia lava, o le tapula'a o a'oa'oga ma o le fa'avae o suiga uma."-*The Great Controversy*, p. 595.

O le mea moni, ua le na o i tatou e ese mai i le au Porotesano i le fa'apea mai "ua na o le Tusi Pa'ia lava" o le fa'avae o lo tatou fa'atuatuaga, e ui lava o le to'atele o lo o i ai le manatu e talitonu i mea ia e pei o le Ulua'i Aso (Aso Sa) ia sui tulaga i le Sapati Aso Fitu o le Feagaiga Fou; o le agaga ola pea, o le mu i le afi e fa'avavau i e ua leiloloa; e oo lava i le sau fa'alilolilo lea o Iesu e aunoa ma se leo pe a toe afio mai i le lalolagi lenei ma se'i ese atu lē ua fa'aolaina a o isi o le a tu'ua ma manatu pe fa'apefea e i latou ia ona mou atu.

O le isi fa'aupuga, o le i ai o le Tusi Pa'ia, ma fa'apea e talitonu i ai, o le isi lena mea, e tāua e pei ona i ai. Peita'i, o le fa'atuputeleina o a'oa'oga sese (fa'apea e aumai uma mai le Tusi Pa'ia) o lo o fa'aalia ai, tatou te mana'omia fo'i ia iloa pe fa'apefea ona fa'amatalaina ma fa'aliliu sa'o le Tusi Pa'ia.

O le mea lea, o le mataupu o le Ta'iala o le Su'esu'ega o le Tusi Pa'ia o le A'oga Sa a tagata Matutua mo le kuata lenei, "E fa'apefea ona fa'amatala ma fa'aliliu le Tusi Pa'ia." O totonu, tatou te amata mai ai ma le manatu o le Tusi Pa'ia, o le Afioga a le Atua, o le "fa'aaliga lē masese o lona finagalo" ma o le "tapula'a o le amio, o se iloiloga o mea ua oo i ai, o le pule o lo o fa'aalia mai ai a'oa'oga, ma o le tusi tāua o fa'amaumau ai galuega a le Atua i totonu o le tala faa'solopito." - *Seventh-day Adventists Believe...2nd ed.* (Nampa, Idaho: Pacific Press Publishing Association, 2005), p. 11. O le Tusi Pa'ia, o le fa'avae ma le puna o le upu moni o lo o tatou talitonu ma folafola atu i le lalolagi. E pei ona fai mai le Tusi Pa'ia, "O Tusi Pa'ia uma lava e mai le Agaga o le Atua ia, e aoga fo'i ia e a'oa'o ai, e a'oa'i ai, e fa'atonu ai, e fa'apoto ai fo'i i le amiotonu" (*2 Tim. 3: 16*). "O Tusi Pa'ia uma," o le mea moni lava o Tusi Pa'ia uma lava - e oo lava i se Tusi Pa'ia atonu tatou te lē manana'o ai, ma soli i o tatou vae, ma fa'aaogaina i se auala fa'apitoa, atonu e le o sa'o.

Ma o le manatu amata lenei, o le a tatou su'esu'eina ai le auala e a'oa'o mai ai le Tusi Pa'ia ia i tatou i le fa'amatalaina lea e le Tusi Pa'ia o ia lava. O lona uiga, tatou te le o i isi tusi o fa'amatalaina mai ai e pei o le poto fa'asaienisi, filosofia, ma le tala fa'asolopito (pe afai e fa'aaogaina sa'o, e mafai ona avea o se fa'amaniuaga), tatou te sa'ilī ina ia susu'e mai totonu o mau o le Tusi Pa'ia ia mea faigaluega o lo o fa'aalia ia upu moni sili o lo o maua i ona laupepa pa'ia. Ua ta'u mai ia i tatou o "tagata pa'ia o le Atua na tautala mai e pei ua osofia e le Agaga Pa'ia" (*2 Pet. 1: 21*. Ma tatou te talitonu o mea o fai mai ai

tagata pa'ia o le Atua o le ki lea e fesoasoani ai ia i tatou i le fa'amatalaina po o le fa'aliliuina o le Afioga a le Atua.

O se fa'ata'ita'iga, na fa'apefea e Paulo ma isi na tusia evagelia ona fa'amatalaina le Feagaiga Tuai? Afai o le mea lea na latou tusia na osofia ai i latou e le Agaga o le Atua, ona mautinoa ai lava lea o mea ia na latou faitauina ma fa'amatalaina le Tusi Pa'ia e mafai ona avea o se fesoasoani fa'apitoa ia i tatou ina ia tatou a'oa'oina mai ai ina ia fai le mea lava lea e tasi. A e na fa'apefea e Iesu ona ia fa'aaogaina ma fa'amatala le Tusi Pa'ia? E leai lava se isi mea tatou te maua mai ai se fa'ata'ita'iga e sili atu i le auala e faitauina ai le Tusi Pa'ia nai lo Iesu.

A o le taimi lava fo'i lea, tatou te iloa ai lava mea o tatou mafaufau i ai ma manatunatu i ai fa'atatau i mea o lo o tusia ai, i le gagana, o le aganu'u, ma le tala fa'asolopito pe fa'apefea ona a'afia i latou faitau ma malamalama i le Afioga a le Atua. E fa'apefea ona tatou fa'amatalaina fa'ataoto, o valo'aga, ma le tala fa'asolopito o tusitusiga pa'ia, fautuaga, ma pesega o vi'ivi'iga, fa'aaliga fa'avaloa'aga, ma miti-ma tusitusiga pa'ia atoa uma o i totonu o le Tusi Pa'ia?

O le mau fesili uma nei o le a e silafia ma iloa i le kuata lenei, e pei o a'oa'oga e pei o le afi e mu e fa'avavau, po o le fa'aalia o le pa'ia o le Aso Sa (Sunday), ma talitonu i le Tusi Pa'ia e lē lava lea. E ao lava ona tatou iloa fo'i ona fa'amatala ma fa'aliliu le Tusi Pa'ia.

*O Frank M. Hasel, PhD, o le Fa'atonu fesoasoani o le vaega o lo o faia su'esu'ega o le Tusi Pa'ia (Biblical Research Institute (BRI) i le Aumatutua Sili a le Ekalesia Aso Fitu o le Toe Afio Mai. O Michael G. Hasel, PhD, o le Porofesa o le Religion i Southern Adventist University ma o le Fa'atonu o i latou i le vaega a le Institute of Archaeology and the Lynn H. Wood Archaeological Museum.*

## LESONA 1

## MATI 28 - APERILA 3

# O le Uiga Ese Fa'apitoa o le Tusi Pa'ia

## AOAULI O LE SAPATI

**FAITAUGA MO LE SU'ESU'EGA O LE VAIASO:** *Teu. 34: 45-47; Ken. 49:8-12; Isa. 53: 3-7; I Kor. 15:3-5, 51-55; Rom. 12: 2. .*

**MATUA TAULOTO:** “**O lau afioga, o le sulu lea i o'u vae, ma le malamalama i lo'u ala**” (*Salamo 119: 105*).

O le tu'u fa'atasia o tusi e 66, ma tusia i tusi i le faitau tausaga e sili atu i le 1,500 i ni konetineta se tolu, (Asia, Aferika, ma Europa) e tusi tala e sili atu i le fa sefulu, lea ua uiga ese ai lava le Tusi Pa'ia. E leai lava se isi tusi pe pa'ia pe fa'ale-lotu, la te tutusa. Ma e leitioa fo'i. Lea ua ta'uai o le Afioga a le Atua.

E sili atu i le 24,600 ulua'i tusitusiga o le Feagaiga Fou o lo o i ai nei mai ulua'i senetusi e fa ina ua mavae atu Keriso. O ulua'i tusitusiga a Palato (Plato), e fitu, a e 8 Herodotus, ma Homer Lliad e sili atu i le 263 kopi o lo o i ai nei. Ma o lo o ia i tatou ia ni fa'amaoniga sili ona maumaututu le sili o mau o le Feagaiga Fou.

O le Tusi Pa'ia o le tusi muamua lava lea na ulua'i lauiloa na fa'aliliuina, o le tusi muamua fo'i lea i le itu i Sisifo na tusia ma lomia i le fale lomitusi, ma o se tusi muamua fo'i lea na sili ona salalau ma tufaina atu i le tele o gagana ina ia mafai ona faitauina pe a ma le 95 pesene o le faitau aofa'i o le lalolagi i le asō.

E uiga ese fo'i le Tusi Pa'ia i mea o lo o i ai ma le fe'au o i ai, o lo o taula'i atu i le galuega fa'aola a le Atua i le tala fa'asolopito. O le tala fa'asolopito lea na soso'o fa'atasi ma le valo'aga, e pei o lo o ta'uai mai ai le lumana'i o fuafuaga a le Atua ma lona malō e fa'avavau. O le Afioga Ola a le Atua, ona o le Agaga lava lea e tasi o le Atua lea na osofia ai le Tusi Pa'ia (*2 Tim. 3: 16, 17*) na folafolaina mai i le au fa'atuatua i le asō e ta'ita'ina ai i tatou i upu moni uma lava a o tatou su'esu'eina le Upu (*Ioane 14: 16, 17; Ioa. 15:26; Ioa. 16: 13*).

*Su'esu'e le lesona o le vaiaso lenei e saunia ai mo le Sapati, Aperila 4*

**O LE AFIOGA OLA A LE ATUA**

O upu aupito i sili ona tāua e masani lava o ni upu mulimuli lava ia e tautala mai ai se tagata. O Mose, o le tusi tala o tusi autū lava nei e lima o le Tusi Pa'ia, o lo o ia peseina ai se pese i le nu'u a o le'i maliu (*Teu. 31: 30-32: 43*).

**Faitau le Teuteronomie 32:45-47. Na fa'apefea ona fa'amatala e Mose le Afioga a le Atua ma lona mana i soifuaga o sa Eperū ina o le a ulufale atu i le Nu'u o le folafolaga?**

---

O upu fa'ai'u nei a Mose ua o se fautuaga ogaoga. Ina ia fa'atumauina o latou loto i upu na fetalai mai ai le Atua ia i latou e ala ia te ia. Na mana'o Mose ina ia fa'amamafa atu i tagata ina ia taula'i pea la latou va'ai i le Atua ma lona finagalo mo o latou olaga. O le a'oa'oina o upu nei ia latou fanau, e pasi atu ai e tupulaga ta'itasi o le a tutupu mai le fuafuaga o le feagaiga a le Atua i le fa'aolataga. Ia maitauina latou te filifilia po o a upu, peita'i ia va'ava'a'i ma tausia ma usiusita'i "i upu uma o le tulafono lenei" (*Teu. 32: 46*).

O le fa'ai'uga o le tala fa'asolopito o le lalolagi, o le a i ai lava tagata o le Atua o le a tumau pea i le fa'amaoni i Tusi Pa'ia uma, o lona uiga e tausi i poloa'iga a le Atua ma le fa'atuatua ia Iesu (*Fa'aa. 12: 17*). O tagata nei o le a latou tumau pea i le fa'amaoni i le a'oa'oga a le Tusi Pa'ia, ona e le gata e mautinoa le olaga sili i le lalolagi a o le i'uga e fa'avavau i le aiga o lo o saunia e Iesu mo i tatou (*Ioane 14: 1-3*).

**Faitau le Ioane 1:1-5, 14 ma le Ioane 14: 6. O a mea a mau nei o a'oa'omoai ai i tatou e uiga ia Iesu ma le ola e fa'avavau? Na fa'apefea e le Upulea na liu tino tagata ona feso'ota'i i le fa'aaliga ma agaga o lo o fa'aosofia ai le Tusi Pa'ia?**

---

O Iesu o lo o taula'i ma o le autu o Tusi pa'ia uma. O lona afio mai i le tino tagata i le Mesia o le fa'ataunu'uga lea o folafolaga o le Feagaiga Tuai. Ona talu ai na soifua, ma maliu, ma ua toe tu mai, ua le gata ona tatou fa'amaonia i le Tusi Pa'ia peita'i, e sili atu fo'i, le folafolaga sili o le ola e fa'avavau i lona va'aiga fou.

**Toe faitau le Teuteronomie 32: 47. E fa'apefea ona e iloa e oe lava le upu moni fa'atatau i le usiusita'i i le Afioga a le Atua ua le o se mea fai fua mo oe? Aisea e le fa'atuatua ma le usiusita'i i le Atua i lana Afioga e le se mea e fai fua?**

**O AI NA TUSIA LE TUSI PA'IA, MA I FEA?**

O tusitala ese'ese, o mea na nonofo ai, ma o latou tala'aga ua na saunia se molimau uiga ese fa'apitoa le galue o le Atua e feso'ota'i atu i le tala fa'asolo ma lana fe'au i tagata e pei ona ese'ese o aganu'u e pei o e fa'alogologo ai.

**O a mea a mau nei o ta'u mai ia i tatou e uiga i tusi tala o le tusi Pa'ia ma le mea e o mai ai?**

---

O le Tusi Pa'ia na tusia e le to'atele o ituaiga tagata e ese'ese le mea e o mai ai ma mea ese'ese na oo i ai. O nisi na latou tusia mai totolu o maota o tupu, o isi mai le fale puipui, o nisi i le tafeaga, ma i ai nisi i le taimi o a latou malaga fa'amisionare le tufatufaina atu o le tala lelei. O tagata nei e ese'ese a latou a'oa'oga ma a latou galuega. O nisi, e pei o Mose, na tatau lava ona tupu pe fa'apei fo'i o Tanielu, na faigaluega i se tulaga maualuga. O isi o ni leoleo mamoe e masani ai. O nisi e talavou ma isi ua matutua. E ui lava na i ai ese'esega nei, a e na i ai le mea na tutusa uma ai lava i latou nei: na vala'auina i latou e le Atua ma na fa'aosofia e le Agaga Pa'ia ia tusi fe'au mo ona tagata, po o le lava le taimi po o fea fo'i na latou nonofo ma soifua ai.

E le gata i lea a o nisi o le au tusi tala na va'ai lelei lava i mea na tutupu ia na latou toe faitauina mai. A o isi na latou su'esu'eina ma le fa'aeteete mea na tutupu po o lo latou fa'aaogaina fo'i ma le fa'aeteete mea na fa'amaumau ma tusitusia (*Ios. 10:13, Luka 1:1-3*). Peita'i o vaega uma lava o le Tusi Pa'ia o lo o osوفia e le Agaga (*2 Tim. 3:16*). O le mafua'aga lea na fai mai ai Paulo "po o a lava mea ua tusia...na tusia e a'oa'omoai ai ia te i tatou, ina ia tatou maua le fa'amoemoe e tupu mai i le onosa'i" (*Rom. 15:4*). O le Atua na ia faia gagana a tagata na te mafaia tagata ua filifilia ina ia feso'ota'i atu manatu ia ua osوفia e le Agaga i se auala e fa'atuatua ma fa'alagolago i ai i upu a tagata.

"Na fiafia le Atua e feso'ota'i lana upu moni i le lalolagi e ala i le tagata, ma ia lava e ala i lona Agaga Pa'ia, na te fa'aagava'aina tagata ma mafai ai e i latou ona faia lana galuega. Na ia ta'ita'ina le mafaufau i le filifilia lea o le tala e tatau ona tautala atu ai ma le mea e tatau ona tusi. Na tu'uina atu le 'oa i tagata o i le fa'alelalolagi, a o le fe'au e sau mai le lagi." -Ellen G. White, *Selected Messages*, book 1, p. 26.

**E to'atele le au tusi tala ese'ese, e tele taofi ese'ese, a o le Atua lava e tasi na latou fa'aalia mai. E fa'apefea e le upu moni lenei ona fa'amausalī mai mo i tatou le fa'amaoni o le Afioga a le Atua?**

## AVEA LE TUSI PA'IA O LE VALO'AGA

E uiga ese lava le Tusi Pa'ia mai isi galuega e pei ona lauiloa ai tapua'iga ona talu ai e sili atu i le 30 pasene o mea o lo o i ai o valo'aga ma tusitusiga fa'avalو'aga. O le tu'u fa'atasia o valo'aga ma lona fa'ataunu'uina i lea taimi e ogatotonu lava i le va'ai a le lalolagi i le Tusi Pa'ia, ona o le Atua o lo o galue i le tala fa'asolopito na te silafia fo'i le lumana'i ma fa'aalia i ana perofeta (*Amos. 3:7*). O le Tusi Pa'ia ua le gata o se Afioga ola, pe o se tala fa'asolopitoa-a o le Upu *fa'avalو'aga*.

## E fa'apefea e mau o i lalo ona fa'aalia le auili'iliga o le oo mai o le Mesia?

Ken. 49: 8-12

Sal. 22:12-18

Isa. 53:3-7

Tan. 9: 24-27

Mal. 5: 2

Mal. 3: 1

Sak. 9: 9

E le i lalo ifo o le 65 valo'aga fa'atatau tonu i le Mesia i le Feagaiga Tuai, pe sli atu fo'i pe afai e fa'aopoopo atu fo'i i ai ata ma mea fa'afa'atusa ma sauniga e pei ona ta'ua i le Feagaiga Tuai, na fa'atatau ia Iesu, (typology). O valo'aga nei na feso'ota'i atu i mea fa'apitoa e pei o le "lē avea le to'oto'o ia Iuta" (*Ken. 49:10*), e fanau mai o ia i Peteleema i Iuta (*Mik. 5: 2*); ua "inosia ma tu'ulafoa'ina o ia e tagata"; na fa'asauaina o ia, ma tu'ua'ina pepelo, a e le tautala mai o ia (*Isa. 53:3-7*); ua tu'ia ona lima ma ona vae, ua latou tufatufa ona ofu mo i latou (*Sal. 22:12-18*).

O le mea moni lava o valo'aga nei o le Feagaiga Tuai ua fa'ataunu'uina ma fa'amaonia i le soifua, maliu, ma le toe soifua mai o Iesu na molimau i le fa'aaliga ma le musumusuga fa'alelagi. O lo o fa'ailoa mai ai fo'i o Iesu o ia lava, atoa fo'i ma molimau a isi e uiga ia te ia. Na mulimuli Iesu i le au perofeta anamua ma valo'ia mai lona maliu ma lona toe tu mai (*Luka 9:21-22; Mat. 17:22, 23*), o le pa'ū o Ierusalem (*Mat. 24: 1,2*), ma lona afio fa'alua mai (*Ioa. 14:1-3*). Ma o le liu tino tagata, maliu, ma le toe tu na valo'ia mai e le Tusi Pa'ia, ma lo latou fa'ataunu'uina e mautinoa ai le fa'alagolago i ai.

**O a ni mafua'aga o e manatu ai i lou talitonuga ia Iesu ma lona maliu mo i tatou? Fa'asoa i le vasega i le Sapati, ma fesili: Aisea e le fa'amaoniga lenei ona sili ona a'afiaga?**

## AVEA LE TUSI PA'IA O LE TALA FA'ASOLOPITO

E uiga ese lava le Tusi Pa'ia pe a fa'atusatusa atu i isi tusi "pa'ia" ona talu ai e aofia i ai le tala fa'asolopito. O lona uiga o le Tusi Pa'ia ua le na o ni manatu e su'esu'eina ai le atamai o le tagata (e pei o le faia'oga o Confucious po o Puta), peita'i o lo o ia fa'amaumauna galuega a le Atua i le tala fa'asolopito a o aga'i atu i le sini fa'apitoa. O le tulaga o le Tusi Pa'ia i autū po o sini ia (1) o le folafolaga i le Mesia ma (2) o le afio fa'alua mai o Iesu. O le gaoioiga lea o se tulaga uiga ese lava i le fa'atuatuaga Kerisiano Iutaia, i le fa'atusatusa atu i le tāua o taoff o isi tapua'iga mai Aikupito anamua i tapua'iga i le taimi nei.

**Faitau le 1 Korinito 15:3-5, 51-55; Roma 8: 11; ma le 1 Tesalonia 4: 14. O a mea o a'oa'o mai ai faitau nei e le gata i le upu i le tala fa'asolopito o le toe tu mai o Keriso a o le uiga ia i tatou lava ia?**

---



---



---

O le molimau a Evangelia e fa ma Paulo na maliu Iesu, ma tanu, ma toe tu i lona tino na maliu, ma fa'aali i tagata ese'ese. E fa'amaonia e i latou na va'ai i ai na latou tu'uina ia i totonu o le tu'ugamau ma iloa mulimuli ane ua avanoa le tu'ugamau. Molimau na pa'i atu ia Iesu, ma a'ai fa'atasi ma i latou. O Maria Matalena, o Maria (le tinā o Iesu), ma isi fafine na latou va'ai i ai o le Keriso ua toe tu mai. Na talanoa ma le au so'o i le ala i Emau. Na fa'aali Iesu ia i la'ua ma le poloaliga sili. Na tusi e Paulo pe afai o le molimau o le Tusi Pa'ia ua te'ena, ona fa'aleaogaina ai lea o le laugaina atu i lo tatou fa'atuatuaga (*1 Korinito 15:14*). Fai mai le tasi fa'aliliuga "ua soloia ma ua gaogao'i" po o le lē aogā. Fai mai le au so'o, "E moni" ua toe tu mai le Ali'i" (*Luka 24: 34*). O le upu Eleni o le *ontos* e fa'atatau i se mea moni na tupu. Na fa'aliliuina, "e moni, e mautinoa, ma e fa'amaoni. Na molimau i ai le au so'o o le "E moni ua toe tu mai le Ali'i".

O le ata fo'i o Keriso o "mea fa'apolopolo po o ulua'i fua" (*1 Korinitos 15: 20*) o i latou uma na maliliu. O le mea moni o lo o tusia i le tala fa'asolopito o Keriso na toe tu mai i le tino mai e na oti ma o lo o soifua i le asō o le fa'amaoniga sili lava lea o i latou fo'i o le a toe tutu e pei ona toe tu mai o ia. O le au amiotonu uma lava o le a soifua ia Keriso (*1 Korinito 15: 22*). O le faitau o lo o i inei e mafai ona fa'atatau i le galuega foafoa i le lumana'i, pe afai o le a toe fa'atutuina i latou o ia Keriso ma tumau fa'amaoni ia te ia, i lona afio mai (*1 Korinito 15: 23*) "i le ilia o le pu fa'auma" (*1 Korinito 15: 52*).

**Aisea e tāua tele ai le folafolaga o le toe tu i lo tatou fa'atuatuaga, aemaise ina ua tatou malamalamo o e ua oti o lo o momoe?**

**O LE MANA E TOE FA'AFOU AI O LE UPU**

**Faitau 2 Tupu 22: 3-20.** Aisea le pogai na saeia ai ofu o le tupu o Iosia? Na fa'apefea e le mea lenei na maua ona suia e le gata ia te ia a e fa'apea fo'i le malō uma o sa Iuta?

---

I le 621 B.C., ina ua 25 tausaga o Iosia, na maua ai e le faitaulaga sili o Hilikia le "tusi o le tulafono", lea na manatu o tusi muamua lava ia e lima a Mose, aemaise lava le tusi o Teteronome. I le taimi o le nofoa'iga a lona tamā o Amoni, ma le tamā o lona tamā na sili ona amio leaga o Manase, o le tusi ta'ai lenei na leiloa mai totonus o le mea na fai ai tapua'iga ia Pa'ala, Asaira, ma "au uma a le lagi" (*2 Tupu 21:3-9*). Ina ua fa'alogi Iosia i aiaiga o le feagaiga, na ia saeia ona ofu ma fa'ailoa atu lona fememea'i, ona ua na iloa le mamao tele o ia ma ona tagata i le tapua'iga i le Atua moni. Na ia amataina loa se fa'afouga i le nu'u atoa uma, ma soloia i lalo mea maualuluga uma ma fa'aumatiatia fa'atusa o atua ese. Ina ua mae'a, na totoe ai lava lea na o le tasi e tapua'i ai i Iuta: o le malumalu lea o le Atua i Ierusalem. O le mauaina o le Afioga a le Atua na latou iloa ai, ma salamō, ma le mana na liua ai. O le suiga lenei na amata mai ia Iosia ma i'u atu i le salalau atu i itu uma o sa Iuta.

**Na fa'apefea ona fa'amautinoa mai e le Tusi Pa'ia ia i tatou le mana e suia ai o tatou olaga ma fa'ailoa mai le ala o le fa'aolataga? Faitau le Ioane 16: 13, Ioane 17:17, Eperu 4: 12, ma le Roma 12: 2.**

---

O se tasi o molimau e sili ona malosi i le mana o le Tusi Pa'ia o le sua lea o le olaga o le tagata. O le Upu lea na te tipi eseia le agasala a le tagata ma le amio leaga ma fa'aalia lo tatou natura tagata moni ma lo tatou mana'omia o le Fa'aola.

O le ituaiga tusi uiga ese lenei e pei o le Tusi Pa'ia, o se vaega o le tala fa'asolopito, o le valo'aga, ma le mana e toe fa'afouina ai le olaga, e le gata i lea a e tatau ona fa'amatala i se auala fa'apitoa. E le mafai ona fa'amatala e pei o se isi tusi, ona o le Afioga *ola* a le Atua e tatau lava ona fa'amalamalama i le Keriso o lo o soifua lea na ia folafola mai o le a auina mai lona Agaga e ta'ita'i i tatou "i upu moni uma" (*Ioane 16:13*). O le mea lea, o le Tusi Pa'ia, o le fa'aaliga o le upu moni a le Atua, e ao lava ona i ai lona lava tulafono fa'avae e fa'amatalaina ai. O tulafono nei e mafai ona maua i le su'esu'eina pe na fa'apefea e le au tusi tala ona fa'aaogaina le Tusi Pa'ia ma ta'ita'ina ai a o fa'atagaina le Tusi Pa'ia ia fa'amatala e ia ia lava.

**SU'ESU'EGA FA'AOPPOPO:** Faitau Elena Uaita, "The Scripture a Safeguard," pp. 593-602, in *The Great Controversy*, "Let Not Your Heart Be Troubled," pp. 662-680, in *The Desire of Ages*.

E to'atele ua maliliu i lo latou taofī mau pea ma tumau ma le fa'atutatua i le Afioga a le Atua. O le tasi o i latou o Dr. Rowland Taylor, o se faife'au Hadley i Egelani na ia te'ena le auai i le misasā ma a'oa'oga a le ekalesia Katoliko i le taimi o le nofoa'iga a le masiofo o Bloody Mary. Ina ua uma ona tulia ma le ekalesia ona o lona usiusita'i i le Tusi Pa'ia, na ia talosaga i le epikopo o Winchester, o le ali'i sili o Egelani, peita'i na lafoina ia i le falepuipui ma na fa'ai'u i le saisai i le pou ma susunuina. Muamua a o le'i maliu i le 1555, na ia tautala mai i upu nei:

"Tagata lelei! ou te le'i a'oa'oina outou i se tasi lava mea a o le Afioga a le Atua, ma o lesona ia na ou avatua mai le tusi ua fa'amanuia i ai le Atua, o le Tusi Pa'ia. O lea ua ou sau ai i inei i le asō ina ia fa'amauinā i lo'u toto." -John Foxe, *The Neww Foxe's Book of Martyrs*, na toe tusia ma toe fa'aolaolaina mai e Harold J. Chadwick, N.J.; Bridge-Logos Publishers, 1997), p. 193. Dr. Taylor na fa'alogoina o ona toe faia mai le Salamo 51 a o le'i talalī le afi, ma tu'uina atu lona ola ma oti ai.

O le fesili ia tatou fesili ai nei: Pe tatou te tumau ea o ni tagata fa'amaoni ina ia taofi mau i le upu moni i le Afioga a le Atua? Ua le o pine pe mulimuli ane fo'i, i le finauga fa'ai'u, e oo mai ai le iloiloga lea. A o le taimi e tatau ona sauniumi ai mo le mea lenei, o le taimi nei.

**FESILI MO FELAFOLAFOA'IGA:**

- 1. O le a se auala o fa'amaonia ai e le valo'aga le amata mai o le Tusi Pa'ia? Na fa'apefea ona fa'ataunu'uina valo'aga nei ma fa'atumaunā lo tatou fa'atuatua?**
- 2. I le faitau i le fesili i le fa'ai'uga o le su'esu'ega i le Aso Lua, aisea ua sili atu ai ona mamana le fa'amaoniga o Iesu le Mesia?**
- 3. O Iesu ma le au aposetolo na latou fa'atinoina le fa'atuatua e le fefo'ifo'ia'i i le fa'alagolago i le pule a le Tusi Pa'ia. Mo se fa'ata'ita'iga, e fa'afia ona liliu Iesu i le Tusi Pa'ia ma le moni i le tatau ona fa'ataunu'uina le Tusi Pa'ia? Mat. 26: 54, 56; Mar. 14: 49; Luk. 4: 21; Ioa. 13: 18; Ioa. 17: 12.) O le mea lea, afai na tau'aveina e Iesu lava ia le Tusi Pa'ia aemaise lava valo'aga ua fa'ataunu'uina, o le a la se mea e tatau ona i ai la tatou amio, i le Tusi Pa'ia?**

# O le Amataga ma le Uiga o le Tusi Pa'ia

## AOAULI O LE SAPATI

**FAITAUGA MO LE SU'ESU'EGA O LE VAIASO:** 2Pet.1: 19-21; 2 Tim. 3:16, 17; Teu. 18: 18; Eso. 17:14; Ioa. 1: 14; epe. 11: 3, 6.

**MATUA TAULOTO:** “O le mea lea matou te fa'afetai ai i le Atua, o i matou lava e le aunoa, auā na talia e outou le afioga a le Atua na outou fa'alogo mai ai ia i matou, ua le talia e outou o le upu a tagata, a e peita'i o le upu a le Atua, ua matuā galue fo'i lea i totonu ia te outou o e fa'atuatua” (1 Tesalonia 2: 3).

O la tatou va'ai ma le malamalamaga i le amataga ma le uiga o le Tusi Pa'ia na sili ona a'afia ai tele le vaega a le Tusi Pa'ia o lo o faia i o tatou olaga fa'apea fo'i le ekalesia atoa. E fa'apefea ona tatou fa'amatalaina le Tusi Pa'ia o se mea tāua ma o se uiga tosina i lo tatou malamalamaga lea i le fa'aaliga ma le musumusuga a le Agaga Pa'ia. Pe afai tatou te fia malamalamama sa'o i le Tusi Pa'ia, o le mea muamua lava tatou te faia ai fa'atagaina le Tusi Pa'ia ina ia faia ona tulafono e faitau ai ma malamalamama ai i fe'au. E le mafai ona tatou su'esu'e i le matematika pe o le numera i le auala o lo o fa'aaogaina i le su'esu'eina o vaega o le tino po o fa'alapotopotoga o tagata. E le mafai fo'i ona tatou su'esu'eina mea fa'asaienisi i le fa'aaogaina o mea faigaluega lava ia e tasi o lo o fa'aaogaina i le su'esu'eina o le tala fa'asolopito. O le auala lava fo'i lea e tasi, i upu moni fa'aleagaga o le Tusi Pa'ia o le a le mafai ona iloa ma malamalamama sa'o i ai i auala a tagata e le talitonu e i ai se Atua e su'esu'e ai le Tusi Pa'ia e foliga mai e le o i ai se Atua. Peita'i, o la tatou fa'amatalaina o le Tusi Pa'ia e mana'omia ina ia tatou manatu mamafa i ai i le itu fa'alelagi o le Afioga a le Atua. O le mea o lo o mana'omia mo le fa'amatalaina sa'o o le Tusi Pa'ia o lo tatou su'esu'eina lea o le Tusi Pa'ia i le fa'atuatua a e le o se auala po metotia o i ai masalosaloga.

O le vaiaso lenei o le a tatou va'vai ai i nisi o vaega fa'avae i le amataga mai ma le uiga o le Tusi Pa'ia e a'afia ai la tatou fa'aliliuga ma le malamalamama i ai.

*Su'esu'e le lesona o le vaiaso lenei e saunia ai mo le Sapati, Aperila 11.*

## O LE FA'AALIGA FA'ALELAGI O LE TUSI PA'IA

**Faitau 2 Peteru 1: 19-21.** Na fa'apefea e Peteru ona fa'amatalala lona iloa ma lona lagona e uiga i le amataga o le fe'au fa'avalو'aga a le Tusi Pa'ia?

O le Tusi Pa'ia e le pei o se isi tusi. A e tusa ai o le manatu o le aposetolo o Peteru, na musumusuina le au perofeta e le Agaga Pa'ia i se auala fa'apea o le fe'au lava na aumai mai le Atua. E le o se mea na tupu mai ia i latou lava. Po o tala o le "vavau ua fatua ma le poto" (2 Pet. 1:16), o le fe'au fa'a-perofeta a le Tusi Pa'ia e mai le lagi, ma fa'amaoni ma talitonuina. O tagata pa'ia o le Atua na talatalaina mai ina ua osofia mai e le Agaga Pa'ia" (2 Pet. 1:21). Na galue le Atua i le fa'aaliga, lea na fa'aalia ai lona finagalo i e na filifilia.

O le feso'ota'iga i le va o le Atua ma le tagata fa'apitoa o se fa'amaoniga lē ma'alofia lea o le Tusi Pa'ia. O le mafua'aga lea e fa'apitoa ai, le pule fa'alelagi, ma e tatou te mana'omia ina ia tatou manatunatu i mea fa'alelagi pe a tatou fa'amatalaina ma fa'aliliu le Tusi Pa'ia. A o lo tatou Atua pa'ia lava o le pule silisili, o tusiga pa'ia ua alagatatau ai lava ona ta'ua o le "Tusi Pa'ia" (Roma 1: 2, 2 Tim. 3: 15).

Na tu'uina mai fo'i ina ia tatou fa'atinoina. E aogā e a'oa'o ai, e a'oa'i ai, e fa'atonu ai, e fa'apoto ai fo'i i le amiontonu, ina ia fa'aaupegaina tagata o le Atua mo galuega lelei uma" (2Tim. 3: 16, 17).

Tatou te mana'omia fo'i le fesoasoani a le Agaga Pa'ia ia fa'aaogā i o tatou le mea ua fa'ailoa mai e le Atua i lana Afioga. E tusa ai o le fa'amatalaga a le aposetolo o Peteru, o le fa'amatalaina o le Afioga fa'aalia mai le lagi a le Atua e lē faia i ai ni o tatou manatu. Tatou te mana'omia le Afioga a le Atua ma le Agaga Pa'ia ina ia malamalamama lelei i lona uiga.

Ua fai mai fo'i le Tusi Pa'ia, "E le faia lava se mea e le Ali'i o Ieova, a e fa'aalia lona finagalo i ana auauna o perofeta" (Amo. 3:7). O le ta'u a le Tusi pa'ia i le upu "fa'aaliga" (i so o se itu) o lo o fa'amatala ai se manatu i se mea na natia muamua a o lenei ua fa'aalia ma ua lauiloa ma ua fa'aalia. O i tatou o tagata, tatou te mana'omia le mea lea ina ia fa'aalia, po o le fa'aaliga, ona o i tatou o tagata agasala, ua tete'aese ma le Atua ona talu ai a tatou agasala, ma o le mea lea ia tatou fa'alagolago ai ia te ia iloa lona finagalo.

**E matuā faigata lava ona usiusita'i i le Tusi Pa'ia e tusa lava pe tatou te talitonu i lona amataga mai. O le a se mea e tupu pe afai pe a tatou lē fa'atuatua ina, ma tatou fesilgia le amataga lea fa'alelagi?**

**O LE LA'ASAGA E FA'AOSOFIAINA AI**

Ona o lo o fa'aaogaina e le Atua se gagana e fa'aalia ai lona finagalo i le fanau a tagata, ua mafai ai ona tusia le fa'aaliga fa'alelagi. A ona ua uma ona tatou va'ai i ai, i le Tusi Pa'ia o le fua o le upu moni ua fa'aalia e le Atua ia i tatou e ala i le galuega a le Agaga Pa'ia, lea o lo o ia tau'aveina ma puipuia. O lana fe'au na fa'aaogaina ai le tagata o ana mea faigaluega. O le mafua'aga lenei ia tatou tulimata'i ai i le tasi o le fa'avae o lo o va'aia i le Tusi Pa'ia e mai lava i le Kenese i le Fa'aaliga (*o se fa'ata'ita'iga, Ken. 3: 14,15 i le Fa'aa. 12:17*).

**Faitau le 2 Peteru 1: 21; 2 Tim: 16,17, ma le Teuteronome 28: 18. O le a se mea o fai mai ai mau nei i le fa'aosofiaina o le Tusi Pa'ia?**

---

O le Tusi Pa'ia atoa uma lava o le musumusuga fa'alelagi, o ona vaega uma lava na tutusa lava le musumusuga e le Agaga ina ia faitauina, e oo lava i le fa'aaogaina mo i tatou i le asō (o le fa'ata'ita'iga, o vaega e fa'atatau i tausamiga a Sa Eperū, na musuia e le Agaga e ui lava e le o mana'omia ina ia tatou tausia i le asō), A e tatou te mana'omia ina ia a'oa'oina mai tusitusiga pa'ia uma, e oo lava i vaega ia e faigata ona faitau ma malamalama ai pe le o fa'atatau ia i tatou i le taimi nei.

E le gata i lea, e le o mea uma i le Tusi Pa'ia fa'apea na fa'aalia fa'alelagi sa'o mai lava. O nisi taimi na fa'aaogaina ai e le Atua le au tusitala ma latou su'esu'eina ma le fa'aeteete po o le fa'aogaina o isi fa'amaumauga na i ai (*Ios. 10: 13, Luk. 1: 1-3*) ina ia feso'ota'i i ai lana fe'au.

O Tusi Pa'ia uma lava na osofia e le Agaga (*2 Tim. 3: 16*). O le mafua'aga lea na fai mai ai Paulo "o mea na tusia" na tusia, ia a'oa'o mai ai ia te i tatou ina ia tatou maua le fa'amoeome e tupu mai i le onosal'i" (*Roma 15: 4*).

Na fa'ailoa atu e le Tusi Pa'ia o le Atua na ia tusia, a e na tusi e le tagata i ona lima; ma le ese o lona fa'atulagaina ma le ese'ese o tusi o lo o ona ta'u maia uiga ese'ese o tusitala ese'ese. O upu moni ua fa'aalia "na tu'uina mai uma lava e le Agaga o le Atua (*2 Tim. 3: 16*), o lo o fa'amatalaina i upu a tagata." - Ellen G. White, *The Great Controversy*. p. 7.

**E to'atele le au atamamai o le Tusi Pa'ia o lo o latou fa'afitia tusitusiga fa'alelagi i le tele o vaega o le Tusi Pa'ia, e oo lava i le tele o a'oa'oga tāua ma le aogā - Foafoga, Esoto, o le Toe tutu - o lo o fa'afitia. Aisea e tāua tele ai lo tatou lē tatalaina o le faitoto'a - e oo lava i sina mea itiiti? O tatou fa'amasinoina ea le Afioga a le Atua?**

**O LE AFIOGA TUSITUSIA A LE ATUA**

"**Ona fetalai mai ai lea o Ieova ia Mose, Ia e tusi nei upu, auā ua ou osia le feagaiga ma oe atoa ma Israelu e tusa ma ia lava upu**" (*Eso. 34: 27*). Aisea na fetalai atu ai Ieova ia Mose ina ia tusi i lalo upu nei a e le ta'u sa'o atu loa ia te i latou? O le a se mea e lelei ai le Afioga Tusitusia?

---

O le Atua na fetalai na faia le gagana a le tagata ma mafai ai e tagata filifilia ona feso'ota'i atu upu moni fa'alelagi ua fa'aalia ma manatu fa'alelagi ua osofia e le Agaga i se auala e fa'atuatua ma fa'alagolago atu i ai. O le mea lea, e le o se mea e ofo ai le iloa ia le Atua na poloa'i atu muamua i le au tusitala o le Tusi Pa'ia ina ia tu'uina atu ana fa'atonuga ma lana fa'aaliga e ala i tusitusiga.

---

**O a mea o a'oa'o mai ai mau o i lalo e uiga i le fa'aaliga tusitusia?**

*Eso. 17: 14, Eso. 24: 4*

---

*Ios. 24: 26*

---

*Ier. 30: 2*

---

*Fa'aa. 1: 11, 19; Fa'aa. 21: 5; Fa'aa. 22: 18, 19.*

---

Aisea na poloa'i ai le Atua o lana fa'aaliga ma ana fe'au na osofia e le Agaga ia tusia i lalo? O le tali mautinoa lava ina ia aua ne'i galofie ai ia i tatou. O upu tusitusia a le Tusi Pa'ia o se fa'amaumauga faifai pea lava na te ta'ita'ina tonu atu i tatou i le Atua ma lona finagalo. O fa'amaumauga tusitusia e masani lava ona puipuia lelei ma e sili atu le fa'alagolago atu i ai nai lo fe'au e tu'u gutu atu, auā e mafai ona ta'u atu ma toe ta'u atu. O le Afioga Tusia, e mafai ona fai kopi e fa'apea fo'i ona maua e le to'atele o tagata nai lo na ona ta'u atu. O le mea mulimuli, e mafai ona tatou tautala atu na o ni nai tagata fa'atasi i se nofoaga, peita'i o le tusitusia i lalo e mafai ona faitau e le anoano o tagata i so o se nofoaga ma konetineta, ma tele ai fa'amanuiaga i auga tupulaga o mulimuli mai. O le mea moni afai e le mafai e le tagata ona faitauina, a o isi e mafai ona faitauina fa'aleotele atu tusiga ua fa'amaumauina ia te i latou.

## MEA E TUTUSA AI KERISO MA LE TUSI PA'IA

Faitau Ioane 1: 14; Ioa. 2: 22; Ioa. 8: 31, 32; ma le Ioane 17: 17. O a ni mea e tutusa ai o e iloa ia Iesu, ma le Afioga a le Atua ua liu tino tagata, ma le Tusi Pa'ia, o le Afioga Tusia a le Atua?

---

O lo o i ai le mea e tutusa ai le Afioga a le Atua, lea ua liu tino tagata (Iesu Keriso), ma le Afioga tusitusia a le Atua (o le Tusi Pa'ia). E pei lava o Iesu na fa'avavega le fanau mai i le Agaga Pa'ia a e na fanau mai i le fafine, o le Tusi Pa'ia fo'i na amata mai le lagi a e na tu'uina mai i le tagata.

Na liu tino tagata Keriso Iesu i le taimi ma le nofoaga fa'apitoa. Peita'i o le mea lenei na tupu e le'i ave'esea ai lona itu Atua. Ua na o ia lava le Fa'aola mo tagata uma, i le lalolagi uma i taimi uma (*Gal. 4: 12*). E fa'apena fo'i le Afioga Tusia a le Atua, o le Tusi Pa'ia, na tu'uina mai fo'i i se taimi fa'apitoa aemaise lava i le taimi o aganu'u na i ai. E pei lava o Iesu Keriso, o le Tusi Pa'ia e le fa'apea na tu'uina mai e fua i le taimi na i ai (o lona uiga e i ai le taimi e gata mai ai ma le nofoaga e gata mai ai); a e o lo o tumau le i ai pea mo tagata uma o le lalolagi atoa uma.

Ina ua fa'ailoa mai e le Atua ia lava, na afio mai ia tutusa ma le tulaga na i ai le tagata. O le natura tagata o Iesu na fa'aalia ai fa'ailoga uma o le tulaga o vaivaiga o le tagata ma le a'afiaga o o le aga'i i lalo i le 4,000 tausaga ua mavae. A e na aunoa lava ma se agasala. E tutusa lava, ma le gagana a le Tusi Pa'ia o le gagana a le tagata, e le o se gagana e atoatoa fa'apea e leai se isi e le mafai ona tautala ai pe malamalamaga ai fo'i. A o i ai le mea e pau mai ai so o se gagana lava, a o le Foafoa o tagata uma, o ia lava o le foafoa na ia faia le gagana a le tagata, e atoatoa ma mafai ona feso'ota'i atu lona finagalo i tagata i se auala fa'apitoa e aunoa ma le ta'ita'ina sese ai i latou.

O le mea moni lava, e i ai lava le mea e pau mai ai so o se fa'atusatusaga lava. O Iesu Keriso ma le Tusi Pa'ia e le tutusa. O le Tusi Pa'ia e le o le Atua lea ua liu tino. O le Atua e le o se tusi. O le Atua o lo o ia Iesu Keriso na liu tino tagata. Tatou te alolofa i le Atua ona tatou te tapua'i i le Fa'aola o lo o fa'ailoa mai i ona laupepa.

O le Tusi Pa'ia e ese ma e fa'apitoa ma e le mafai ona ese mai le feso'ota'iga fa'alelagi a le tagata. Na iloa e Elena Uaita ina ua ia tusi e fa'apea: "O le Tusi Pa'ia ma upu moni uma ia ua tu'uina mai ai e le Atua o lo o fa'amatalaina i le gagana a tagata, o lo o tu'uina mai ai le so'o fa'atasia o le Atua ma le tagata. O le ituaiga feso'ota'iga lenei o lo o i le natura o Keriso, o le Alo o le Atua ma o le Atali'i o le tagata. Ma e sa'o ai le Tusi Pa'ia, e pei ona i ai ia Keriso, ua liu tino tagata le Upu, ua mau ma i tatou, Ioane 1: 14, - Ellen G. White , *The Great Controversy*, p. 8.

## MALAMALAMA I LE TUSI PA'IA I LE FA'ATUATUA

Faitau le Eperu 11:3, 6. Aisea e tāua tele ai le fa'atuatua i le malamalamaga i le Atua ma lana Afioga? Aisea e faigata ai ona fa'afifia le Atua e aunoa ma le fa'atuatua?

---

O le a'oa'oina moni lava o lo o i le fa'atuatua. E pei lava o le fa'atuatua o le tamaititi i ona mātua e mafai ai e le tamaititi ona a'oa'oina ia mea fou. O se mafutaga na te ta'ita'ina le tamaititi ia a'oa'o le fa'avae ma uiga ese'ese o le olaga ma le alofa.

O le auala lava lea e tasi e taina ai e le faipese lelei ia le nota pe a oo i le taimi ua na maitauina ai le atamaia fa'apitoa e fesoasoani ai i se tagata ina ia taina se musika e fa'apea fo'i pe a oo i le taimi na te fa'ailoa atu ai le fiafia i le musika, ma le fai pese, ma le ituaiga musika o fa'aaogaina. O le auala lava fo'i lea, tatou te le o malamalamaga lelei i le Tusi Pa'ia pe afai tatou te faitauina ma le uiga masalosalo ma fa'alotolotolua, a ia faia ma le agaga o le alofa ma le fa'atuatua. Na tusia e le apostolo o Paulo: "A aunoa ma le fa'atuatua e le mafai ona fiafia mai le Atua" (*Epe. 11: 6*). O le mea lea, e mana'omia tele ai lava le faitauina o le Tusi Pa'ia ma le fa'atuatua, ma ia iloa lona amataga mai le Atua, nai lo le va'ai i le Tusi Pa'ia ua na o se tusi e masani ai.

O le ekalesia Aso Fitu o le toe afio mai o lo o latou fa'amatalaina le manatu lea i le tulaga fa'alelagi o le Tusi Pa'ia i le talitonuga fa'avae muamua lava o le ekalesia Aso Fitu o le toe afio mai, o lo o fai mai ai: "O le Tusi Pa'ia, Feagaiag Tuai ma le Feagaiga fou, o le afioga tusia a le Atua, na tu'uina mai i le musumusuga fa'alelagi. O tusitala na osوفia ma latou tautala atu ma tusia a o musumusuina i latou e le Agaga Pa'ia. O le Upu lenei, na avatu ai e le Atua le poto e mana'omia mo le fa'aolataga. O Tusi Pa'ia o le pule silisili, ma o se fa'ailiga lē masese o lona finagalo. O le tapula'a o le amio a le Atua, o le iloiloga o mea na tutupu, o le fa'ailiga sili o a'oa'oga, ma o fa'amaumauga tāua o galuega a le Atua i le tala fa'asolopito. (*Sal. 119: 105; Fa'at. 30: 5, 6; Isa. 8: 20; Ioa. 17: 17; 1 Tes. 2: 13; 2 Tim. 3: 16, 17; Epe. 4: 12; 2 Pet. 1: 20, 21.*)"

**O le a se mea o misi e tagata i lo latou malamalamaga i le Tusi Pa'ia pe afai latou te le faitauina le Tusi Pa'ia ma le agaga o le fa'atuatua? Aisea e le mafai ai ona tauaso le fa'atuatua lenei? O lona uiga, o a ni mafua'aga tatau e tatau ai i le fa'atuatua lenei ma aisea fo'i e mana'omia ai le fa'atuatua lenei pe afai e talanoaina upu moni i le Tusi Pa'ia?**

**SU'ESU'EGA FA'AOPPOPO:** Read the following pages from the document “Methods of Bible Study”: “2. Presuppositions Arising From the Claims of Scripture,” part a “Origin” and part b “Authority.” (“Methods of Bible Study” can be found at [www.adventistbiblicalresearch.org/materials/bible-interpretation-hermeneutics/methods-bible-study](http://www.adventistbiblicalresearch.org/materials/bible-interpretation-hermeneutics/methods-bible-study).)

E pei lava ona tāua e pei o le Tusi Pa'ia i lo tatou talitonuga, e matuā leai lava se tāua fa'aleagaga ia i tatou pe a aunoa ma le Tusi Pa'ia pe afai e le i ai le Agaga Pa'ia i o tatou loto ma o tatou mafaufau a o tatou faitauina ma su'esu'eina le Tusi Pa'ia.

"Ua tu'uina mai e le Atua i tagata le poto ma le malamalama i tagata e mana'omia mo le fa'aolataga. E tatau lava ona taliaina le Tusi Pa'ia o le pule, o le fa'aaliga e lē masesē o lona finagalo. O le tapula'a o le amio, o le fa'aaliga o a'oa'oga, ma le iloiloga o mea tutupu....A o le mea moni lava o le fa'aalia e le Atua o lona finagalo i tagata e ala i lana afioga, e le fa'apea o le a tatou lē mana'omia ai le fa'atasi ai o le Agaga Pa'ia ma lana ta'ita'iga i o tatou olaga. O lona ese'esega, na folafolaina mai le Agaga e lo tatou Fa'aola, ina ia tatala atu le upu i ana auauna, ina ia fa'amalamalama ma fa'aaogaina ana a'oa'oga. Ma talu ai o le Agaga o le Atua o lo o ia osofia ai le Tusi Pa'ia, e faigata ai e le a'oa'oga a le Agaga ona mafai ona ese'ese ma le upu."-Ellen G. White, *The Great Controversy*, p. 9.

#### FESILI MO FELAFOLAFOA'IGA:

(1) Aisea na fa'aali ai le Atua lava ia ma lona finagalo ia i tatou? Aisea tatou te mana'omia ai le fa'aaliga?

(2) O nisi o le au popoto o le Tusi Pa'ia o lo o latou tete'eina le tele o a'oa'oga o le Tusi Pa'ia, o lo o va'aia e i latou ua na o ni tala fatu. O a'oa'oga e pei o le tala i le Foafoaga, o Atamu ma Eva e moni lava, o le Esoto, ma le tala ia Tanielu ua na o nai fa'ata'ita'iga ia (mai le Feagaiga Tuai) o a'oa'oga ua le o i ai e pei lava e leai se mea a o tala fatu na faia e a'oa'o ai upu moni fa'aleagaga. O le mea lenei ua tupu pe afai e fa'amasino e le tagata le Afioga a le Atua. O le a se mea o ta'u mai ai e le mea lenei ia i tatou e uiga i le afaina o ituaiga uiga nei?

(3) Ua fa'aalia mai e le Atua lona finagalo i se auala mamana i le Tusi Pa'ia. Peita'i o lo o fa'anaunau le Atua i lau fesoasoani i le fa'asalalauina o lona finagalo ma le tala lelei o lana fa'aolataga ua na o Iesu Keriso. Pe afai e va'ava'ai mai tagata ia te oe, o le a le ituaiga Atua latou te iloa ia te oe ma lau amio?

# O Iesu ma le Taofi o le Au Apostetolo i le Tusi Pa'ia

## AOAULI O LE SAPATI

**FAITAUGA MO LE SU'ESU'EGA O LE VAIASO:** Mat. 4: 1-11; Mat. 22: 37-40; Luka 23: 13-35, 44, 45; Luka 4: 25-27; Gal. 4: 24-26

**MATUA TAULOTO:** “Ona tali atu ai lea o ia, ua fa'apea atu, Ua tusia, E le na o mea ai e ola ai le tagata, a o afioga uma e tūlei mai i le afioga a le Atua” (Mataio 4: 4).

O se tulaga fa'anoanoa i tupulaga o lo o mulimuli mai, ona ua fa'alliuina le Tusi Pa'ia i le malamalama o le poto ma le atamai fa'a-nei ona po ua fesiliga ai le fa'aosofaina e le Agaga ma lana pule. O le mea moni, o le Tusi Pa'ia ua pei ua na o ni manatu o le tagata o soifua ma ola i aganu'u ma e le o malamalama i le lalolagi o lo o tatou i ai i le taimi nei. A o le taimi lava fo'i lea, o mea fa'alelagi ua fa'aitiitia lona tāua e oo lava i le ave'esea mai lona ata telē, ma liliu le Tusi Pa'ia o se fa'amaumauga, ua le o le taofi ma le finagalo o le Atua i le fanau a tagata, a ua avea o le taofi o le tagata i le Atua. Ma o lona i'uga, ua avea ai le Tusi Pa'ia i le to'atele o tagata ma le poto fa'aona po nei ua leai sona tāua.

A e ui lava i lea, ua tatou matuā te'ena lava le tulaga lea. Peita'i i le Feagaiga Fou, ua mafai ai ona tatou va'aia se auala ua fa'aosofia ai ina ia tatou va'ai i le Tusi Pa'ia atoa e ala lea i le su'esu'eina o le auala na malamalama ai Iesu ma le au apostetolo i le Feagaiga Tuai, auā ua na o le pau lava lea o le Tusi Pa'ia na i ai i lea taimi. A e na fa'apefea ona feso'ota'i atu i tagata, nofoaga, ma mea na tutupu e pei ona fa'amatalaina mai? O a mea na latou manatu i ai ma metotia na latou fa'amatalaina ai le Tusi Pa'ia? Ia tatou mulimuli ia i latou ma lo latou malamalamaga, ma fa'atusatusa atu i le malamalamaga sese o tagata e le'i osofia e le Agaga Pa'ia, o latou manatu na o le ta'ita'i atu ai i le masalosalo ma le fa'alotolotolua i le Afioga a le Atua.

*Su'esu'e le lesona o le vaiaso nei e saunia ai mo le Sapati, Aperila 18.*

## UA TUSIA

O le papatisoga o Iesu e Ioane le Papatiso na fa'ailoga aloa'ia ai le amataga o le galuega a le Fa'aola, na mulimuli mai ai le ta'ita'ina atu o Iesu e le Agaga Pa'ia i le vao matua o Iutaia, i le mea na oo mai ai le tulaga vaivai o le tagata, na fa'osoosoina ai e Satani.

**Faitau le Mataio 4: 1-11. Na fa'apefea e Iesu ona puipuia mai ia i fa'osoosoga a Satani i le vao? O le a se mea e tatau ona tatou a'oa'oina mai ai e uiga i le Tusi Pa'ia mai le tala lea?**

---



---

Ina ua fa'osoosoina i le fia 'ai, na tali atu Iesu: "Ua tusia, "Ua le na o mea ai e ola ai le tagata, a o afioga uma e pa'u mai le fofoga o le Atua" (*Mat. 4: 4*). Na fa'asino i tua e le Atua i le Afioga ola ma lona taunu'uga, ma e aumai mai le lagi. O le auala lenei, na ia fa'amauasal'iina ai le pule a le Tusi Pa'ia. A ina ua fa'osoosoina i malo o le lalolagi ma lona mamalu, na tali atu Iesu, "Ua tusia, "E te ifo atu ia Ieova lou Atua ma ua na o ia lava e te auauna i ai" (*Mat. 4:10, Luk 4: 8*). Ua fa'amanatu mai e Keriso ia i tatou o le tapua'iga moni o le tulimata'i atu lea i le Atua a e le o se tasi lava, ma o le gaua'i lea i lana Afioga o le tapua'iga moni lea. A e fa'ai'u i le fa'osoosoga i le mana'o i mea o le olaga ma mea o i ai, na tali atu ai Iesu, "Ua toe tusia fo'i, "Aua e te tofotofo i le Ali'i lou Atua" (*Mat. 4: 7, ma le Luka 4: 12*).

O fa'osoosoga ia e tolu, na tali atu ai Iesu i upu, "Ua tusia." O lona uiga, ua alu tonu lava Iesu i le Afioga a le Atua a e leai lava se isi mea o fa'afetaia'i ai le o lo o fa'osooso mai ma taufa'aseseega a Satani. E ao lava ona avea o se lesona malosi mo i tatou uma, o le Tusi Pa'ia, na o le Tusi Pa'ia lava, o le fa'avae ma o le tapula'a lea o lo tatou talitonuga.

O le Tusi Pa'ia na o le Tusi Pa'ia lava o le auala lea a Iesu na puipuia mai ai i osofa'iga a le fili. O Iesu o le Atua, a o le puipuia mai o ia mai ia Satani o lea na gaua'i atoatoa atu ai lava ia lava i le Afioga a le Atua.

Ua le na o se manatu po o se taofi, e le o se mea fo'i e le o va'ai toto'a i ai, e faigata, e le o i ai ni upu e faia i le ita, a o upu tāua o le Tusi Pa'ia. O le Tusi Pa'ia i le manatu o Keriso o se pule aupito i silisili ma o se malosi silisili. O le auala la lea, na amata ai lana galuega i se fa'avae mautinoa ma fa'aauau ai pea lava le fausia a'e i le fa'atuatuaaina o le Tusi Pa'ia.

**E fa'apefea ona tatou a'oa'oina ina ia amiontonu pea a o fa'alagolago atu i le Afioga a le Atua, ma gaua'i atu i ai.**

---

## O IESU MA LE TULAFONO

**Faitau le Mataio 5: 17-20; Mataio 22: 29; ma le Mataio 23: 2, 3. O le a se mea o fai mai ai Iesu i tusi nei?**

---



---

Na a'oa'o e Iesu ona so'o i le usiusita'i i le Upu a le Atua ma le tulafono. E le'i i ai lava ia te ia sina masalosalo i le pule po o le tāua o le Tusi Pa'ia. A o lo o aumaia le Tusi Pa'ia o le puna o le pule fa'alelagi. Ma na ia fa'apea atu i le au Satukaio, "Ua outou sese lava, ina ua outou le iloa upu o Tusi, ma le mana o le Atua" (*Mat. 22: 29*). Na a'oa'o e Iesu o sina malamalamava i le Tusi Pa'ia ma ona a'oa'oga e le lava lea ia iloa ai le upu moni, ma e sili atu fo'i ona tāua, ina ia iloa le Ali'i, e ona le upu moni lea.

**O le a se mea a le Mataio 22: 37-40 e uiga i le manatu o Iesu i le tulafono a Mose?**

---



---

O le faitau lenei i le faitulafono, na taaofa'i ai e Iesu le Poloa'iga e Sefulu, na tu'uina atu ia Mose pe a ma le 1,500 tausaga mulimuli ane. E tatau lava ona iloa le auala na taula'i ai le va'ai a Iesu i le tulafono i le Feagaiga Tuai ma si'ilta i se tulaga maualuga. E to'atele le au Kerisiano na latou fa'ai'u seseina fa'apea o le Poloa'iga fou lenei na tu'uina mai, ma ua suia ai le tulafono o le Feagaiga Tuai i le tala lelei o le Feagaiga Fou. Peita'i o le mea moni lava o mea ia na a'oa'oina e Iesu e fa'avae mai le tulafono o le Feagaiga Tuai. Na susu'e e Keriso ma fa'aalia atoatoa le tulafono ina ia mafai e Poloa'iga nei e lua (o le taaofa'iga o Poloa'iga e Sefulu, o Poloa'iga muamua e fa e taula'i atu i le va o le tagata ma le Atua, ma o le ono lona lua o lo o taula'i i le va o le tagata ma le isi tagata) e fa'alagolago i tulafono uma ma le au perofeta" (*Mat. 22: 40*). O le auala la lenei, na si'ilta ai fo'i e Iesu le Feagaiga Tuai atoa uma ina ua ia fetalai mai, "O le tulafono ma le au perofeta, ona o le auala pu'upu'ua lea e liliu ai i le tulafono, ma le au perofeta, ma tusitusiga, po o vaega uma ia e tolu o le Feagaiag Tuai.

Na fa'asino atu e Keriso i Tusi Pa'ia o se pule e le fesiligia, ma e tatau fo'i ona tatou faia le mea lava fo'i lea e tasi. E tatau lava ona tu'uina atu le Tusi Pa'ia o le Upu a le Atua silisili, i le fa'ai'uga o le finauga tele ma le fa'avae o le fa'atuatuauga uma." - Ellen G. White, *Christ's Object Lessons*, pp. 39, 40.

**A fa'apefea pe afai e i ai se isi e fa'atautavā na te ave'esea lou agaga gaua'i i le Upu a le Atua?**

## IESU MA LE TUSI PA'IA ATOA UMA

**Faitau le Luka 24: 13-35, 44, 45. Na fa'apefea ona fa'aaogaina e Iesu le Tusi Pa'ia ia a'oa'o ai le au so'o i le fe'au o le tala lelei?**

---



---

Ina ua mae'a le maliu o Keriso, na le iloa e ona so'o se mea a fai ma masalosalo. Na fa'apefea ona tupu lenei mea? O le a lona uiga? O le mataupu lenei o Luka, na tatou iloa ai na fa'aali fa'lua Iesu ia i latou, muamua i le to'alua i le ala i Emau, ona soso'o ai lea ma isi. E lua mea ese'ese, na fa'amatala e Iesu le fa'ataunu'uina o nei mea uma mai valo'aga o le Feagaiga Tuai: "Ona fa'amatala ai lea e ia ia te i la'ua o mea ua tusia ia te ia i Tusi uma, ua amata mai ia Mose atoa ma le au perofeta uma, na ia fa'amatalaina atu ia i la'ua mea uma o i le Tusi Pa'ia mea e fa'atatau ia te ia" (*Luka 24: 27*).

E le gata i lea i le Luka 24: 44, 45, ua fetalai mai, "O a'u upu nei...i mea uma ua tusia e uiga ia te a'u i le tulafono a Mose ma le au perofeta ma salamo e tatau ona fa'ataunu'uina." Ona fa'ailoa atu lea e Iesu i o la'ua loto ina ia malamalama i tusi".

Maitau le si'itaga fa'apitoa i le Luka 24: 27 i "tusi pa'ia atoa uma". O le mea lenei o lo o toe fa'amamafa i le faitau lona lua lenei e pei o le "tulafono a Mose ma le au perofeta ma salamo" (*Luka 24: 44*). O le mea lenei na amata ai ona manino o Iesu, ua liu tino tagata le Upu (*Ioane 1: 1-3, 14*), fa'alagolago atu i le pule a le Tusi Pa'ia e fa'amatalaina ai mea nei na ta'ua i le faitau selau o tausaga ua mavae. O le liliu atu i le Tusi Pa'ia atoa, na a'oa'o ai e Iesu le au so'o i se fa'ata'ita'iga. A o latou fa'asalalauina atu le fe'au o le tala lelei, o i latou fo'i e tatau ona tatou fa'ailoa atu ia Tusi Pa'ia ina ia aumaia le malamalama ma le mana i tagata fou na liliu mai i le lalolagi.

Ia maitauina fo'i e fa'apefea e le Mataio 28: 18-20, na fetalai ai Iesu i ona so'o i lea taimi (ma i tatou fo'i i le taimi nei) ua "tu'uina mai ia te a'u le pule uma lava i le lagi ma le lalolagi". Peita'i o lea pule o lo o tumau le fa'amausalfina e lona Tamā ma le aiga Atua atoa uma, auā na ia fetalai atu ia i latou, "Ia outou o atu e fai nu'u uma lava ma so'o, papatiso atu ia i latou i le suafa o le Tamā ma le Alo ma le Agaga Pa'ia". Ona oo mai loa lea o le faitau autū: "a'oa'o atu ia i latou ia tausia mea uma ua ou fai atu ai ia te outou". O a mea o a'oa'o e Iesu ma poloa'i mai ai? O ana a'oa'oga o lo o fa'avae i Tusi Pa'ia uma. O lo o i luga o le pule fa'avaloa'aga a le Upu na ia Afio mai ai, ma o lo o i ai le fa'ataunu'uina o valo'aga o le Tusi Pa'ia na ia tu'uina atu i lona Tamā.

**Afai ua talia e Iesu Tusi Pa'ia uma, aisea la e tatau ai ona tatou faia? E le gata i lea, e fa'apefea ona tatou a'oa'oina ia talia le pule a le Tusi Pa'ia atoa uma, e tusa lava po ua tatou iloa e le o mea uma e mana'omia pea le fa'aaogaina mo i tatou i le asō? Aumai lau tali i le vasega i le Sapati.**

## IESU MA LE AMATAGA MA LE TALA FAASOLOPITO O LE TUSI PA'IA

Na a'oa'o e Iesu o le Tusi Pa'ia o le Upu a le Atua i le tulaga lea o le mea e fai mai ai e tutusa lava ma le mea o fetalai mai ai le Atua. O lona amata mai o lo o i le Atua, ma o le mea lea, o lo o i ai le pule sili a le Atua i taualumaga uma o le olaga. Na galue lava lea Atua mai le tala fa'asolopito ia fa'aalia lona finagalo i le fanau a tagata e ala lea i le Tusi Pa'ia.

O se fa'ata'ita'iga, i le Mataio 19: 4,5, na ta'ua ai e Iesu le si'itaga na tusia e Mose. Peita'i na fetalai mai Iesu i le faitau lenei ma fa'apea mai, "o lē na faia tagata i le amataga....fai mai, "O le mea lea e tu'ua ai e le tane lona tamā ma lona tinā." A ua le o fai mai ua fetalai mai le Tusi Pa'ia, a ua fetalai mai Iesu, O Lē na faia i la'ua i le amataga...ua fa'apea mai, e fa'atatau i upu a le Foafoa i le mea na ta'ua mai e le tusitala o le Kenese. E moni lava o le Atua, o lo o finagalo i inei o le tusitala o le faitau lenei, e ui lava na tusia e Mose.

**Faitau mau o lo o i lalo. E fa'apefea ona malamalama Iesu i le tala fa'asolopito o tagata ma mea tutupu o le Tusi Pa'ia?**

*Mat. 12: 3, 4*

*Mar. 10: 6-8*

*Mar. 10: 25-27*

*Luka 11: 51*

*Mat. 24: 38*

O lo o tausisi pea Iesu i le faia lelei o tagata o le Feagaiga Fou, o nofoaga, ma mea tutupu e pei o le upu moni i le tala fa'asolopito. Na fa'atatau Iesu i le Kenese 1 ma le 2, o Apelu i le Kenese 4, na ai e Tavita le areto, ma Elisaia mai isi tala fa'afa'atusa o le tala fa'asolopito. Na ia ta'ua pea le puapuagatia o le au perofeta anamua (*Mat. 5: 12, Mat. 13:57, Mat. 23: 34-36, Mar. 6:4*). O le fe'au o le lapata'iga, na fa'amatala ai fo'i e Iesu le taimi po o aso o Noa: "na latou a'ai ma inu, faiaiā ma faaavaga, se'ia oo i le aso na ulu atu ai Noa i le va'a, na le iloa fo'i e i latou ina se'ia oo i le lolot, ma ave'esea i latou uma, e fa'apea fo'i pe a sau le Atali'i o le tagata. (*Mat. 24: 38, 39*). O lo o i ai ia fa'aaliga o mea uma lava na ta'ua e Iesu i le galuega sili lenei i le fa'amasinoga a le Atua ua avea o se mea na tupu i le tala fa'asolopito.

**Ona o Iesu lava ia na fa'atatau i tagata nei i le tala fa'asolopito i lona moni a'ia'i, o le a la se mea na fai mai ai e uiga i le malosi o le mana taufa'asese o Satani ona o le to'atele o tagata i le asō, e oo lava i le au Kerisiano, e masani lava ona latou fa'afitia lo latou i ai? Aisea e le tatau ai ona tatou pa'u'u i lea mailei?**

**O LE AU APOSETOLO MA LE TUSI PA'IA**

O le auala fo'i lava lea o lo o va'ai i ai le au tusitala o le Feagaiga Fou e pei ona faia e Iesu. I le mataupu o a'oa'oga, ma tulafono e a'oa'o mai ai le amio, ma le fa'ataunu'uina fa'avaloga, o le Feagaiga Tuai mo i latou o le pule lea i le Afioga a le Atua. Ua leai se mea tatou te maua ai, i se mea lava, i le mea ua fai mai ai tagata nei ia po o latou lu'itaunia fo'i le pule ma le mausalī i so o se vaega o le Tusi Pa'ia.

**O a mea a faitau o i lalo o a'oa'o mai ai i tatou e uiga i le malamalamaga o le au apostolo i le pule o le Afioga a le Atua ?**

Gal. 4: 24-26

Gal. 13: 32-36

Roma 9: 17

Gal. 3: 8

Ia maitau i faitau nei i le vavalalata o le feso'ota'iga ma le Tusi Pa'ia o le si'ufogoga o le Atua lava ia. O le Galuega 4, a o le'i fa'atumuina e le Agaga Pa'ia, na viv'i a'e ai le au so'o i le Atua mo le lavea'iga o Peteru ma Ioane, na latou alalaga, ma fa'aeaea i le Atua o le Foafoa i le tautala atu e ala ia Tavita lana auauna. O lona uiga o upu a Tavita o upu ia a le Atua. I le Galuega 13: 32-36, na toe si'itia mai ai fo'i Tavita e Paulo, peita'i o ana upu e fa'atatau i le Atua, ona o le faiupu e 32 fai mai: "i le mea o lo o va'ai ai i le Atua o se autū, na fa'aaogaina ai e Paulo le faitau "Auā ua fa'apea mai le Tusi ia Farao, o le mea moni o lo o fa'apea mai, "Ua fetalai mai le Atua ia Farao." A o le Kalatia 3: 8 i le mataupu o le "Tusi Pa'ia" na fa'aaogaina e sui ai le tulaga o le Atua, o lo o fa'aalia ai le latalata o le feso'ota'iga o le Afioga a le Atua i le Atua.

O le mea moni lava, O tusitala o le Feagaiga Fou na tasi lava lo latou fa'alagolago atu i le Feagaiga Tuai o le Afioga a le Atua. E oo i le faitau selau si'itaga i le Feagaiga Fou mai le Feagaiga Tuai. O le tasi o tagata poto o le Tusi Pa'ia na ia tu'u fa'atasia ia si'itaga i se lisi e 2,688 ia si'itaga fa'apitoa: 400 mai le Isaia, 370 mai le Salamo, 220 mai le Esoto ia ma isi lava. Afai e fa'aopoopo i ai se isi mea i le lisi lenei ni faitau e fa'amanatu mai ai, o autū, o mafua'aga e fai ai, e mafai ona fa'ateleina le fainumera. Ua fa'atumuina le tusi i tusi si'i mai i valo'aga o le Feagaiga Tuai e ta'ua fa'atasi ma le faitau, "ua tusia" (Mat. 2: 5, Mar. 1:2, Mar. 7: 6, Luka 2:23, Luka 3: 4, Roma 3: 4, 8: 36, 9:33, I Kor. 1: 19, Kal. 4: 27, I Pet. 1: 16). O mea uma lava nei o lo o fa'amausaliina ai o Tusi o le Feagaiga Tuai o le fa'avae o lo o fausia i luga o a'oa'oga a Iesu ma le au apostolo.

**O a mea o a'oa'o mai ai i tatou i le mata'utia o so o se manatu e fa'aitiitia ai lo tatou fa'atuatua i le pule a le Tusi Pa'ia?**

**SU'ESU'EGA FA'AOPPOOPO:** Faitau Elena Uaita, "As a Child," pp. 68-74, ma le "Temptation," pp. 114-123, in *The Desire of Ages*.

"O le manatu o tagata fai mai e popoto atu nai lo le afioga a le Atua, e sili atu fo'i i le Atua, ma ua le o tutu o latou vae i le fa'avae e lē maluelue, ma aumaia mea uma ia iloilo i le afioga a le Atua, na latou iloiloina le upu i o latou lava manatu i le natura ma le poto, ma e foliga mai e le o ioe ia latou manatu fa'asaienisi, na lafoa'ia o se mea e le aogā i le talitonuga."

-Ellen G. White, *Signs of the Times*, March 27, 1884, p. 1.

"O i latou o e masani ma le poto ma le fuafuaga a le Atua e pei ona fa'aalia i lana afioga, ma avea o tagata e lelei ma malolosi o latou mafaufau; ma e mafai ona avea o ni faigaluega ma le faia'oga sili, o Iesu keriso....Ua tu'uina atu e Keriso i ona tagata ia upu o le upu moni, ma ua vala'auina i latou ina ia galulue i se vaega i le fa'ailoa atu i latou i le lalolagi...E leai se olaga fa'apa'iaina e ese mai le upu moni, o le upu lea. Ma o le a se tāua e tatau ai ona malamalamo o tagata uma!"-Ellen G. White, *Fundamental on Christian Education*, p 432.

**FESILI MO FELAFOLAFOA'IGA:**

(1) **Pe afai o Iesu o le tusitala o Evagelia, a e avea e Paulo tusi o le Feagaiga Tuai o le Afioga a le Atua, o le a se mea o ta'u mai ai ia i tatou e uiga i le tele o taofi i ona po nei e sese ma aisea e tatau ai ia i tatou ia aua ne'i tatou pa'u'u i nei manatu tusa lava po o ai na te a'oa'oina i latou?**

(2) **Na ona avatu ai i tagata se manatu i le tele o tagata atamamai o le Tusi Pa'ia i ona po nei o i ai le masalosalo, o nisi nei o mea o lo o fa'afitia e le to'atele o tagata atamamai i ona po nei. O lo o latou te'ena ia aso e ono o le Foafoaga, a e talia le faitau piliona o tausaga o le fa'a-evolusi. Na latou te'ena Atamu e leai sana agasala i le lalolagi e le'i pa'u. Ua latou te'ena le lolo na tupu i le atulaulau. O nisi ua latou te'ena le i ai o Aperaamo. O nisi ua latou te'ena le tala i le Esoto. O nisi o vavega a Iesu, e aofia i ai le toe tu a'e i le tino. O nisi ua latou te'ena le manatu i valo'aga ua valo'ia mai, lea o ta'ua ai e perofeta le lumana'i, o nisi taimi e faitau seneturi e oo lava i le faitau meleniuma. O a mea ua ta'u mai ai ia i tatou i le mea e tupu pe afai e masalosalo le tagata i le pule ma le mausalī o le Tusi Pa'ia? E le gata i lea o a ni auala e fesoasoani ai i ituaiga tagata ia ina ia malamalamo lelei i le upu moni?**

(3) **I le tali i le fesili i le fa'ai'uga o le su'esu'ega i le Aso Lua, e fa'apefea ona tatou malamalamo pe fa'apefea e Tusi Pa'ia uma ona osofia e le Agaga Pa'ia, e oo lava i vaega e le o fa'atatau ia i tatou i le asō?**

# Tusi Pa'ia- Pogai O lo Tatou Talitonuga i le Atua

## AOAULI O LE SAPATI

**FAITAUGA MO LE SU'ESU'EGA O LE VAIASO:** *Mareko 7:1-13; Roma 2: 4; 1Ioa.2:15-17; 2Kor. 10:5,6; Ioane 5: 46, 47; Ioane 7: 38.*

**MATUA TAULOTO:** “**Ina sa'ilii ia i le tulafono ma le mau, afai latou te le tautala e tusa ma ia upu, ua leai lava se malamalama ia te i latou”** (*Isaia 8: 20*).

E leai lava se eklesia Kerisiano na te le fa'aaogaina le Tusi Pa'ia e lagolagoina ai lona talitonuga. A e o le vaega ma le pule a le Tusi Pa'ia i le talitonuga i le Atua e le tutusa ma eklesia uma. O se mea tāua lenei a o mataupu lavelave fa'ato'a tatou maua pe afai tatou te su'esu'eina ni mea tāua ese'ese se lima e a'afia ai la tatou fa'amatalaga o le Tusi Pa'ia: o le tu, o le mea ua masani ai, aganu'u, pogai po o le mafua'aga, ma le Tusi Pa'ia lava ia.

O mafua'aga po o pogai nei o lo o latou faia se vaega tāua tele i so o se talitonuga lava i le Atua ma so o se eklesia fo'i. O i tatou o se vaega o tu ma aganu'u e a'afia ai i tatou. Ua tatou iloa uma lava o le mafaufau lelei e mafai ona a'afia ai lo tatou malamalamaga. E i ai uma lava o tatou mafaufau e manatunatu ai ma si'itia ai mea. Tatou te faitauina uma lava le Tusi Pa'ia ma fa'aaogaina mo lo tatou malamalamaga i le Atua ma lona finagalo.

O le fea o mafua'aga nei, po o le tu'fa'atasia o i la'ua, o i ai le pule i le auala e fa'amatalaina ai le Tusi Pa'ia, ma e fa'apefea ona fa'aaogaina i le feso'ota'i atu o le tasi i le isi? O le fa'amuamua e avatua i so o se mea lava po o se mafua'aga e ta'ita'i atu ai i se mea o lo o fa'amamatafaina ma i'u ai i le itulagi i lo tatou talitonuga atoatoa i le Atua.

*Su'esu'e le lesona o le vaiaso lenei e saunia ai mo le Sapati, Aperila 25.*

## O TU (UPU TU'U)

O le tu lava ia e le leaga. Na te aumaia galuega ua toe faia i o tatou olaga i aso ta'itasi o se ala e mautinoa ma lona fa'atulagaina. Na te mafaia ona fesoasoani ia i tatou ina ia feso'ota'i pea ma o tatou a'a. O le mea lea, ua le o se mea e ofo ai ona o le tu o lo o ona faia fo'i se vaega tāua i le tapu'iga. Peita'i o lo o i ai nisi o afaina o lo o feso'ota'i atu i tu ma aga.

**O le a se mea a le Mareko 7: 1-13 o a'oa'o ai i tatou fa'atatau i le mea na faia e Iesu i nisi o tu ma aga i lona taimi?**

---

O le tu na fesaga'i ma Iesu na tu'uina atu ma le fa'aeteete i fa'apotopotoga Iutaia mai le faia'oga se'i oo atu i tamaiti a'oga. I le taimi o Iesu, na manatu ai i le nofoaga e o fa'atasi ma le Tusi Pa'ia. O le Tu o i ai le agaga ina ia ola i se taimi umi lava, ma o lo o ia tu'ufa'atasia le tele o le mau mea e le o ni vaega na amata mai ai le Afioga a le Atua ma lana fuafuaga. O tu nei ma aga a tagata-e ui lava na fa'amaonia e toeaina na fa'auluulu i ai (*Mar. 7: 3, 5*), o se fa'ata'ita'iga i ta'ita'i o tapualiga i le fa'apotopotoga o tagata Iutaia-e le tutusa ma poloa'iga a le Atua (*Mar. 7: 8, 9*). O tu a tagata, ma i'u atu ai lava ina avea le Afioga a le Atua ua leai sona aogā (*Mar. 7: 13*).

**Faitau le 1 Korinito 11: 2 ma le 2 Tesalonia 3: 6. E fa'apefea ona tatou ta'ua le ese'esega o le Afioga a le Atua ma le tu a tagata? Aisea ua sili ai ona tāua ona faia le ese'esega lenei?**

---

O le Upu o lo o ola i le Afioga a le Atua o lo o amataina ia i tatou le amio mata'u ma le fa'amaoni. O le fa'amaoni lenei na mafua ai se tu fa'apitoa. O lo tatou fa'amaoni, e ui lava, e mana'omia ina ia ava i le Atua soifua, o lo o fa'aalia lona finagalo i le Afioga tusia a le Atua. Ma o le Tusi Pa'ia o lo o ia taofia se vaega fa'apitoa na te suia ia tu uma lava a tagata. O lo o tu matilatila le Tusi Pa'ia ma e laualuga i tu ma aga a tagata, ma e oo lava i tu e lelei. O tu o lo o tupu a'e ma ese mai ia i tatou ma lo tatou iloa o le Atua ma lana Afioga e masani lava ona mana'omia ina ia iloilo i le fua e fuaina ai o le Tusi Pa'ia.

**O a nisi o mea o tatou faia o se eklesia e mafai ona tusia i lalo o le "tu"? Aisea e tāua ai pea lava ina ia tu'u ese'ese i latou mai a'oa'oga a le Tusi Pa'ia? Aumai lau tali i le Sapati.**

**O LE MEA UA TATOU ILOA MA MASANI AI**

Faitau le Roma 2: 4 ma le Tito 3: 4,5. E fa'apefea ona tatou iloa le lelei, ma le onosa'i, fa'amagalo, agalelei, ma le alofa o le Atua? Aisea e tāua ai ia lo tatou fa'atuatua ua le na o se mea o i o tatou manatu, poto ma le atamai, a o se mea ua tatou iloa ma masani ai? A o le taimi lava fo'i lea, o a ni auala e mafai ai e lo tatou iloa lea ona fete'ena'i ma le Tusi Pa'ia e oo lava i le ta'ita'ina sese o i tatou i lo tatou fa'atuatua?

---

O le mea lea ua masani ai o se vaega o i tatou. E a'afia ai o tatou lagona ma manatu i se auala sili. Na fuafuaina e le Atua i tatou i se auala ona o lo tatou feso'ota'iga ma Lana foafoaga, ma e oo lava i le Atua lava ia, e tāua lava le feso'ota'i atu ma fa'aleleia i mea ua tatou masani ai.

O le fa'anaunauga o le Atua ina ia tatou iloa le matagofie o le feso'ota'i po o mafutaga, o mea o faia ma musika, ma mea ofoofogia o le foafoaga, e oo lava i le olioli i lana fa'aolataga ma le mana o folafolaga o lana Afioga. O la tatou tapua'iga ma le fa'atuatua e sili atu i lo ua na o se a'oa'oga ma filifiliga fai. O mea ua tatou iloa na te fa'aleleia lo tatou taofi i le Atua e oo lava i lo tatou malamalamaga i lana Afioga. Peita'i tatou te mana'omia fo'i ina ia tatou va'ai ma le manino mea e gata mai ai ma le lē lava o mea ua tatou iloa pe a oo mai i le iloa o le Atua ma lona finagalo.

**O le a se lapata'iga o maua i le 2 Korinito 11: 1-3? O le a se mea o ta'u mai ia i tatou e uiga i le mea e gata mai ai lo tatou fa'atuatua i lo tatou iloa?**

---

O mea ua tatou iloa ma masani ai e mafai ona fa'aseseina ai i tatou. E tusa o le tala a le Tusi Pa'ia, o lo tatou iloa e mana'omia ia mautinoa. E tatau ona fua ma fa'amatalaina e le Tusi Pa'ia. O nisi taimi tatou te mana'omia ia iloa se mea e le o fa'atasi ma le Afioga a le Atua ma lona finagalo. O inei tatou te mana'omia ina ia tatou fa'atuatua i le Afioga a le Atua e oo lava i mea tatou te masani ma fa'anaunau i ai. E tatau lava ona puipuia i tatou ina ia mautinoa e oo lava i mea tatou te masani ai e o fa'atasi ma le Afioga a le Atua ma e le fete'ena'i ma le a'oa'oga manino o le Tusi Pa'ia.

**O le fa'atuatua o lo o avea ai le alofa i le Atua ma le alofa i isi (Mar. 12: 28-31) o ni polo'iga autū, ma o le fa'atuatua o ia i tatou e tāua. A o le taimi lava fo'i lea, aisea e tāua ai le tofotofo o i tatou i le Afioga a le Atua?**

**AGANU'U**

O tatou o tagata o i se vaega o se aganu'u faa'pitoa. Ua a'afia uma lava i tatou ma a'afia fo'i i aganu'u. E leai lava se tasi e mafai ona sola ese ai. O le mea moni lava, ia manatunatu i le tele o tala o le Feagaiga Tuai ia Isaraelu anamua na fa'aleagaina e aganu'u na si'omia i latou. O le a se mea o tatou manatu ai i le asō e i ai se ese'esega ma le taimi nei? O le Afioga a le Atua na tu'uina mai ia i tatou i se aganu'u fa'apitoa, e ui lava e leai se tuā'oi i le aganu'u lenei. A o lē ma'alofia le fa'amaoniga ma le uiga tosina o le aganu'u i lo tatou malamalamaga i le Tusi Pa'ia, a e le tatau ai fo'i ona leiloa atu i la tatou va'ai le upu moni ma lo tatou malamalamaga i le Tusi Pa'ia ona o le aganu'u fa'apitoa lea. E tatau fo'i ona tatou manatua o i le Tusi Pa'ia le mana e sili atu i le aganu'u ma ituaiga tagata, i mea na tatou ola mai ai po o ai fo'i i tatou. O le tasi lea o mafua'aga e laualuga ai le Tusi Pa'ia i so o se aganu'u lava a le fanau a tagata ma e oo lava i le toe fa'afouina ma fa'asa'oina le mea e mafai ona tatou agasala o maua ai i tatou i so o se aganu'u.

**Faitau le 1 Ioane 2:15-17. O le a le uiga o le upu a Ioane ina ua ia fai mai e le tatau ona tatou alolofa i mea o le lalolagi? E fa'apefea ona tatou soifua i le lalolagi a e lē a'afia i tatou i manatu o le lalolagi?**

---

Aganu'u e pei lava o isi mea fa'apitoa o le foafoaga a le Atua ua a'afia i le agasala. A e i'u atu ai fo'i i fa'amasinoga a le Atua. Ioe, o nisi vaega o la tatou aganu'u e mafai ona o fa'atasi ma lo tatou fa'atuatua, a e tatau lava ona tatou fa'aeteete i le ese'esega o mea nei e lua. E lelei lava le tatau ona lu'itau e ala i le Tusi Pa'ia, pe afai e tatau ai, o le aganu'u o lo o i ai ma le aganu'u e ese mai ia fa'amaonia i le Afioga a le Atua. Se'i vaganā se mea o lo o taula ia i tatou o lo o sau mai luga o i tatou, ma tatou tu'uina atu i e o si'omia i tatou.

Ua auamaia e Elena Uaita ni manatu o i lalo:

"O le au so'o o Iesu e tatau lava ona vavae ese mai le lalolagi mai tulafono fa'avae ma mea o fiafia i ai, peita'i e le fa'apea o le a tu to'atasi lava i latou mai le lalolagi. Na feoa'i pea lava le Fa'aola ma tagata, e le o le fa'amalosia o i latou ina ia faia se mea e le o fa'atasi ma le finagalo o le Atua, peita'i ina ia si'itia a'e ma fa'aeaia ia i latou." -Ellen.G.White, *Counsels to Parents, Teachers, and Students*, p. 323.

**O a ni vaega o lau aganu'u e matuā tete'e i le fa'atuatua a le Tusi Pa'ia? E fa'apefea ona tatou tumau e te'ena ia vaega ia o taumafai e fa'aleaga lo tatou fa'atuatua?**

## MAFUA'AGA

**Faitau le 2 Korinito 10: 5, 6; Fa'ataoto 1: 7; ma le Fa'ataoto 9: 10.** Aisea e tāua ai i o tatou manatu le usiusita'i ia Keriso? Aisea ua avea ai le mata'u ia Ieova o le amataga o le poto?

---

Ua tu'uina mai e le Atua ia i tatou le tomai e mafaufau ai ma filifili ai. So'o se mea lava e faia e le tagata ma so o se felafolafoa'iga lava fa'atatau i le Atua e tatau ai ona fa'aaogā lo tatou atamai e mafaufau lelei ai ma aumai ai fa'ai'uga fai. E le mafai ona tatou talia ia le fa'atuatuaga e leai se mafua'aga tatau o i ai. I le fa'ato'a tula'i mai o le sefuluvalu-seneturi i le tupulaga o le Malamalamama, po o tupulaga na tele ai le mau su'esu'ega i fa'atuatuaga ese'ese ua tula'i mai, na tele ai manatu o tagata, aemaise lava fa'apotopotoga i le itu i Sisifo, ua sili atu lona mamao i le mea e mafai ona tatou mafaufau i ai ma taunu'u i le fa'ai'uga sa'o.

I le fa'atusatusa atu i le manatu o lo o fa'avae lo tatou malamalamaga i le mea ua tatou masani ai ma iloa, ua oo mai ai le tasi taofi fa'atatau i le filifiliga a le tagata o le puna aupito i silisili lava lea e aumai ai le poto. O le taofi lea fa'apea o le upu moni e le o se mea o e lagona a o le poto po o le mea na aumai e le mafaufau. O le isi fa'aupuga, e i ai lava upu moni o lo o i ai, a ua na o a tatou lava filifiliga ma manatu na te mafaia ona fa'amaoopoopoina mai. Ua avea ai le filifiliga po o le manatu o le tagata o se iloiloga o le upu moni. O le filifiliga lea ua avea o se pule e fou a o le'i ioe i ai isi mea uma, e aofia i ai le pule a le ekalesia, ma e oo lava i le pule a le Tusi Pa'ia o le Afioga a le Atua. So o se mea lava e le o fa'amaonia i le mafaufau po o le mea ua filifili ai le tagata e fa'aleaogaina ma e fesiligia. O le uiga lenei ua a'afia ai se vaega tele o le Tusi Pa'ia. O wavega uma ma galuega mamana a le Atua, e pei o le toe tu mai o Iesu, o le fanau mai i le taupou, po o aso e ono o le Foafoaga, ua le o toe manatu fa'apea e moni ma talitonuina.

O le mea moni, e ao lava ona tatou manatu e oo lava i le malosi o lo tatou mafaufau e filifili ai, ua a'afia e le agasala ma e mana'omia ina ia i lalo ifo o le pule a Keriso. Ua pogisa le fanau a tagata i lo latou malamalamama ma ua tagata ese mai le Atua (*Efe. 4: 18*). Tatou te mana'omia le malamalamama mai le Afioga a le Atua. E le gata i lea, a o le Atua lo tatou Foafoa, o lo o fa'aalia ai pe a tatou tautala i le Afioga a le Atua, o le manatu po o le filifiliga a le tagata e le'i faia o se mea fa'apea e faia na o ia po o se mea fo'i a le Atua. A e "ona o le mata'u ia Ieova o le amataga lea o le poto" (*Fa'at. 9"10, 1:7*). Na o lo tatou taliaina lava o le fa'aalia a le Atua, o lo o tusia i le Afioga a le Atua, ua fa'asilisili i o tatou olaga, ma naunau ia mulimuli i le mea ua tusia i le Tusi Pa'ia, e mafai ai ona tatou filifili ma le tonu.

## O LE TUSI PA'IA

O le Agaga Pa'ia, ua fa'aalia ma osofia mea o i le Tusi Pa'ia i le fanau a tagata, na te lē mafai ona ta'ita'i ese i tatou mai le Afioga a le Atua pe ta'ita'i sese mai le Afioga a le Atua. O tagata Aso Fitu, ua avea le Tusi Pa'ia o se pule silisili lea nai lo tu ma aga a tagata, mea ua masani ai ma iloa, filifiliga, po o aganu'u. Na o le Tusi Pa'ia lava o le fua e iloilo ai mea uma o tatou mana'omia e tatau ona iloilo.

**Faitau le Ioane 5: 46, 47 ma le Ioane 7: 38. Ia Iesu Keriso lava ia, o le Tusi Pa'ia o le puna lava lea o lo tatou malamalamaga i mea fa'aleagaga. E fa'apefea ona fa'amausalī e le Tusi Pa'ia o Iesu o le Mesia moni?**

---

O nisi tagata fai ma ua latou maua se fa'aaliga fa'apitoa ma le fa'atonuga mai le Agaga Pa'ia, peita'i o le mea lenei e le talafeagai ma le fe'au manino a le Tusi Pa'ia. Ona o lo latou manatu o le Agaga Pa'ia o i ai le pule aupito i sili nai lo le Afioga a le Atua. Po o ai lava na te fa'aleaogaina tusitusiga ma Upuna osofia e le Atua ma ave'sea lana fe'au o lo o manino, o lo o savali i se ogaele'ele mata'utia ma e le o mulimuli i le ta'ita'iga a le Agaga o le Atua. O le Tusi Pa'ia ua na o le pau lava lea o lo tatou maluāpapa fa'aleagaga. Na o ia lava tatou te fa'alagolago i ai i mea uma lava i lo tatou fa'atuatuaga.

"E ala i le Tusi Pa'ia o lo o fetalai mai ai le Agaga Pa'ia i le mafaufau, ma una'ia le upu moni i totonu o le loto. Na te fa'aalia le mea sese, ma ave'esea mai le agaga. O le Agaga o le upu moni, o lo o galue e ala i le Afioga a le Atua, e pulea ai e Keriso ona tagata filifilia ia te ia lava." -Ellen G. White, *The Desire of Ages*, p. 671.

O le Agaga Pa'ia na te lē sua lava le Afioga a le Atua. A e o lo o ia galulue fa'atasi ma le Tusi Pa'ia ia tosina atu i tatou ia Keriso, o lea ua avea ai le Tusi Pa'ia ua na o le pau lava lea o le fua po o le tapula'a mo le mausalī fa'aleagaga o le Tusi Pa'ia. Ua saunia e le Tusi Pa'ia a'oa'oga moni (*1 Tim. 4: 6*), ma a o fa'atuatuaina le Afioga a le Atua ma ua taliaina atoatoa. Ua le o sa tatou galuega le fa'amasino o le Tusi Pa'ia. O le Afioga a le Atua, ua i ai le aiā tatau ma le pule ia fa'amasino ai i tatou ma o tatou manatu. A o le Afioga tusitusia a le Atua lava ia.

**Aisea ua avea ai le Tusi Pa'ia o se ta'iala e saogalemu ai i fesili fa'aleagaga nai lo tatou lagona ma o tatou lava manatu? O le a se mea e tupu pe afai tatou te le talia le Tusi Pa'ia o le tapula'a tatou te tofotofoina ma iloiloina ai a'oa'oga e oo lava i o tatou olaga fa'aleagaga?**

**SU'ESU'EGA FA'AOPPOPO:** Faitau Ellen G. White, "The Scripture a Safeguard," pp. 593-602, in *The Great Controversy*.

O tu, ma mea e masani ai, aganu'u, filifiliga fai, ma le Tusi Pa'ia e i ai uma lava pe afai tatou te manatunatu i le Afioga a le Atua. Peita'i tatou te fia fesili se fesili e filifili ai: O le fea o mea nei na te aumaia se tali ma o le pule mulimuli lava lea i lo tatou talitonuga i le Atua? E tasi lea mea e mafai ona tatou fa'amausaliina ai le Tusi Pa'ia, peita'i o se mea na te fa'atagaina le Tusi Pa'ia, e ala lea i le galuega a le Agaga Pa'ia, ina ia a'afia ma suia ai le olaga.

O le isi itu, o le aganu'u, ma le mea masani ai, filifiliga e oo lava i tu, i totonu ma i latou lava, e ono mafai lava ona fa'apea e lē leaga. Ua avea o ni fa'afitauli pe afai e fete'ena'i ma le mea o a'oa'o mai ai le Tusi Pa'ia. Peita'i o le mea lava lena e mafai ona tupu. A o le mea sili ona leaga, pe afai o mea nei ua sili atu i le Afioga a le Atua. Ma o le tele o le tala fa'asolopito i le o ese mai le Atua i le taimi o le Feagaiga Tuai ma le Feagaiga Fou pe afai e oo mai uiga tosina mai fafo atu ma fa'amuamua atu i le fa'aaliga fa'alelagi.

#### FESILI MO FELAFOLAFOA'IGA:

(1) Aisea e faigofie ai ona taofi i tala a tagata i tu ma aga nai lo le ola i le agaga o le tulafono a le Atua: ia alofa ia Ieova lo tatou Atua ma o tatou loto atoa ma le agaga atoa ma le manatu atoa ma alofa i o tatou tuā'oi e pei o oe ia te oe lava (*Mat. 22: 37-40*)?

(2) Talanoa i lau tali i le fesili fa'ai'u o le Ulua'i Aso. O le a se vaega o faia e le tu ma aga i la tatou ekalesia? O fea o e va'ai ai i le fa'amaniuiga ma lu'iga i tu ma aga a tapua'iga?

(3) E fa'apefea ona tatou mautinoa o le tu ma aga, tusa lava po o le a lona lelei, na te le suia ai lava le Afioga a le Atua o tapula'a mulimuli lava lea ma la tatou pule?

(4) Afai ua fai mai se tasi na fai lana miti lea na fetalai mai ai Ieova ia te ia, ua ta'u mai ia te ia o le Ulua'i Aso o le aso malolo moni lava lea e tapua'i ai i le taimi o le Feagaiga Fou. E fa'apefea ona e tali atu i le tagata lea, ma o le a se mea o a'oa'o mai ai tala fa'apea ia i tatou fa'atatau i le tatau lava ona iloilo le mea lea i le Afioga a le Atua?

(5) Fa'atalatalanoa le aganu'u lea ua mou atu i la outou ekalesia. E fa'apefea e le aganu'u lea ona a'afia lou fa'atatuaga? O le a se fa'ata'ita'iga e mafai ona tatou maua mai le tala fa'asolopito na sili ona a'afia ai le aganu'u ia le mea na faia e le ekalesia lea ua toe va'ai nei i ai, e lē lelei?

# Na o le Tusi Pa'ia Lava- Sola Scriptura

#### AOAULI O LE SAPATI

**FAITAUGA MO LE SU'ESU'EGA O LE VAIASO:** *I Kor. 4: 1-6; Tito 1: 9, 2 Tim. 1: 13; Mar. 12: 10, 26; Luk. 24: 27, 44, 45; Isa. 8: 20.*

**MATUA TAULOTO:** "Auā o lo o ola le Afioga a le Atua, o lo o matuā galue fo'i, o lo o sili fo'i lona ma'ai i pelu uma e fa'atauma'ai itu, o lo o vaevae fo'i e oo lava i le vavae'eseina o le loto ma le agaga, o gaugatino fo'i ma a'ano o ivi, o lo o fa'amasino fo'i i manatu ma filifiliga o le loto" (*Eperu 4: 12*).

Ua fai mai le au Porotesano "ua na o le Tusi Pa'ia lava" (*sola Scriptura*) o lo o ona si'itia le Tusi Pa'ia i le tapula'a moni ma o le puna o lo tatou talitonuga i le Atua. O le ese'ese gaugatino fo'i ma a'ano o ivi, o lo o fa'amamafaina le Tusi Pa'ia ma tu ma aga, ona o le talitonuga fa'a-Porotesano o lo o ona fa'amamafaina le upu o lo o fai ma ki o le "na o lea lava" (alone); o lona uiga, o le Tusi Pa'ia ua na o ia lava o le pule mulimuli lava lea pe afai o le a i ai ni fa'afitauli i le fa'atatuaga ma a'oa'oga.

O le Tusi Pa'ia lea ua na aumaia le malosi ma le pule i le Toe Fuata'ina a le au Porotesano ma lona tete'e atu i Roma ma mea sese o lo o ia a'oa'oina i le faitau seneturi. I le tete'e atu i le tele o le mau fa'aliliuga o le Tusi Pa'ia, i le mau uiga ese'ese o lo o faitauina i totonu o le mau o le Tusi Pa'ia, na fa'amamafaina ai e le Toe fuata'ina fa'a-Porotesano ia le tāua o le tala fa'asolopito o le fa'aliliuga o le Tusi Pa'ia, lea o lo o fa'atāuaina le fa'aliliuga sa'o o le gagana ma le uiga moni o le mau o le Tusi Pa'ia.

O le vaiaso nei o le a tatou va'ava'i ai i le *sola Scriptura* i ona fa'amatalaga au'ilili'i. O le a tatou a'oa'oina ai fo'i o le *sola Scriptura* e fa'auigaina nisi tulafono fa'avae o le Afioga a le Atua. O le avea o ni Porotesano, e ao lava ona tatou tutumau pea i le Tusi Pa'ia o se a'oa'oga o i ai le pule silisili.

*Su'esu'e le lesona o le vaiaso lenei e sauniuni ai mo le Sapati, Me 2.*

**O LE TUSI PA'IA O LE FUO PO O LE TAPULA'A E PULEA AI**

O le manatu lava o le ekalesia Aso Fitu mai le amataga ia i latou o tagata o le Tusi, o lona uiga, o Kerisiano e talitonu i le Tusi Pa'ia. O le fa'atumauina o le tulafono fa'avae o le Tusi Pa'ia o le *sola Scriptura* (na o le Tusi Pa'ia lava), ua tatou iloa ai le pule tu tasi lava a le Tusi Pa'ia. Ua na o le Tusi Pa'ia lava le tapula'a e pulea ai lo tatou talitonuga ma o le pule silisili lava o le olaga ma a'oa'oga. O isi mea, e pei o le iloa ma le masani i mea tau tapua'iga, manatu o tagata po o tu ma aga, e i lalo ifo uma lava i le Tusi Pa'ia. O le mea moni lava, o le fa'avae o le *sola Scriptura* na fa'aagaaga ina ia puipuia mai le pule a le Tusi Pa'ia mai le fa'alagolago atu i le ekalesia ma lana fa'aliliuga, ma e mafai lava ona pulea le tapula'a o lana fa'aliliuga e tatau lava ona sau mai fafo atu o le Tusi Pa'ia.

**Faitau le 1 Korinito 4: 1-6, aemaise lava le faiupu 6, lea e fai mai ai Paulo e ao lava ona tatou o i tala atu i le mea ua tusitusia. Aisea e tāua tele ai le mea lenei o lo tatou fa'atutuaga?**

---



---

Ia lē sopo'ia i tala atu le mea ua tusia e lē aofia i ai manatu mai isi vaega o le su'esu'ega, e pei o le su'esu'eina o mea i lalo o le ele'ele po o le tala fa'asolopito. O le isi vaega o lo o avatua le malamalamama i nisi o vaega o le Tusi Pa'ia ma le tala fa'asolopito o faitau o le Tusi Pa'ia, ma fesoasoani ja i tatou ia malamalamama atili ai i le mau o le Tusi Pa'ia. E le aofia fo'i i ai le fesoasoani mai isi tamaoaiga i le galuega o le fa'aliliuga, e pei o le gagana, lomi fefiloi, o le fa'asino tusi, ma isi tusi ma tusitusiga ese'ese. A e o le fa'aliliuga sa'o o le Tusi Pa'ia, o le mau o le Tusi Pa'ia e fa'amuamua i lo isi mea, e pei o le poto, ma fesoasoani maua mai. O le isi manatu e tatau ona va'ai i ai e tatau ona su'esu'e ma le fa'aeteete mai le manatu o le Tusi Pa'ia atoa.

O le mea ua tatou fa'amaonia pe afai tatou te fa'aaogaina le tulafono fa'avae o le *sola Scriptura* pe afai e tula'i mai ia fe'ese'esega i le fa'aliliuga o lo tatou fa'atutuaga, ona tau'avea loa lea e le Tusi Pa'ia le pule e i luga atu ma fa'amasono isi mafua'aga po o tu ma aga a le ekalesia. O le fa'a-Kerisiano ma mea o lo o aofia i ai, o le laugaina o le tala lelei e fa'alagolago i le ta'utinoga moni i le pule a le Tusi Pa'ia.

"Na o le Tusi Pa'ia lava o le Ali'i ma le Matai moni o tusitusiga uma ma a'oa'oga i le lalolagi." -Martin Luther, *Luther's Works*, vol. 32: *Career of the Reformer 11*, ed. Hilton C. Oswald and Helmut T. Lehmann (Philadelphia: Fortress Press, 1999), pp. 11, 12.

**Faitau le Galuega 17: 10, 11. E fa'apefea e mau nei ona iloa le mea o tatou talonoa ai e uiga i le sili o le Tusi Pa'ia?**

**O LE TASI O LE TUSI PA'IA**

O le Tusi Pa'ia lava ia fai mai "o Tusi Pa'ia uma lava o le mānāva a le Atua" (*2 Tim. 3: 16*) ma e leai se valo'aga o le Tusi Pa'ia fa'apea e sau mai le fa'aliliuga a le perofeta lava ia, ma o tagata ia "na fetalai mai le Atua e pei ona latou tau'aveina mai e le Agaga Pa'ia" (*2 Pet. 1: 20, 21*). O le avea o le Atua o le tusitala o le Tusi Pa'ia, e mafai ona tatou manatu i le tasi o le fa'avae ma le o fa'atasi o vaega ese'ese o le Tusi Pa'ia e uiga i fa'afitauli autū o lo o ia a'oa'oina mai.

**Faitau le Tito 1: 9 ma le 2 Timoteo 1: 13. Aisea i le tasi o le Tusi Pa'ia e tāua mo lo tatou talitonuga?**

---



---

Ua na o le fa'avae lava o le avea ma tasi e fa'avavau, o le tasi lea mai le musumusuga fa'alelagi, e mafai ai ona gaoioi le Tusi Pa'ia ma avea o lona lava fa'aliliu po o le fa'amatalaina e ia ia lava. Afai e le o i le Tusi Pa'ia ona tasi i ona a'oa'oga, ona le mafai loa lea ona tatou o gatasi i a'oa'oga i so o se fa'afitauli o i ai. A aunoa ma le tasi o le Tusi Pa'ia, o le a leai se mea e mafai ai ona tu'u ese'ese e le ekalesia le upu moni mai le mea sese ma te'ena a'oa'oga pepelo. O le a leai se tulafono fa'avae e mafai ai ona fa'aaogā le fua e fa'asa'o ai le upu moni mai le Atua. O le a leiloa atu e le Tusi Pa'ia le mana tosina e fa'asa'olotoina mai ai.

O Iesu ma le au tusitala o le Tusi Pa'ia, e ui lava ona sa latou taumafai ina ia avea pea le Tusi Pa'ia ia tasi, lea e fa'avae mai lona amataga fa'alelagi. O lo o mafai lava ona tatou va'alia le itu lea ia latou aga masani i le si'itia mai lea o tusi o le Feagaiga Tuai fa'apea e tutusa lava (*Roma 3: 10-18*; o inei o lo o fa'aaogaina ai e Paulo le si'itaga mai le Tusi Pa'ia mai le tusi o Failauga [7:20], Salamo [14: 2,3; 5:9; 10: 7], ma le Isaia [59: 7, 8]).

O tusitala o le Tusi Pa'ia o lo o latou manatu e le mafai ona tu'uese'ese se vaega o le Tusi Pa'ia, o se mea atoa e tasi o i ai ona sini e tatau ona fa'aaogā. E leai lava se mea e mafai ona tu'uese'ese ai le Feagaiga Tuai ma le Feagaiga Fou. O le Feagaiga Fou e le o se tala lelei fou po o se tapua'iga fou. O le Feagaiga Tuai o lo o ua fa'aalia i le Feagaiga Fou, ma o le Feagaiga Fou o lo o fausia a'e i luga o le Feagaiga Tuai. O le mea lea, o Feagaiga ia e lua o se feso'ota'iga ua fusia fa'atasi lea ua auina mai ai le malamalamama o le isi i le isi.

O le avea o le Tusi Pa'ia ia tasi o lo o fa'apea fo'i ona fa'atatau i Tusi Pa'ia uma lava (*tota Acriptura*) e tatau lava ona manatunatu lelei i ai pe afai tatou te su'esu'eina mataupu o le Tusi Pa'ia, nai lo le fausia a'e o a tatou a'oa'oga i faitau o lo o tutu ua na o i latou lava.

**O LE MANINO O LE TUSI PA'IA**

Ua so'o se mea lava o lu'itau mai ai na o le Tusi Pa'ia lava o le a itiiti lava sona tāua pe afai o le mau o le Tusi e le o manino mai lona uiga.

**Faitau le Mataio 21: 42; Mataio 12: 3, 5; Mataio 19: 4; Mataio 22: 31; Mareko 12: 10, 26; Luka 6: 3; Mataio 24: 15; ma le Mareko 13: 14. O le a se mea o toe ta'ua mai e Iesu e fa'atatau i le Tusi Pa'ia o fa'aaogaina e fa'atatau i le manino lelei o lana fe'au?**

---

O le molimau a le Tusi Pa'ia e sa'o lava ma manino: Ua lava le manino o le Tusi Pa'ia i le mea o lo o ia a'oa'o mai. E matuā manino lava ma malamalama le Tusi Pa'ia i le fanau fa'apea fo'i tagata matutua, aemaise lava ona a'oa'oga fa'avae. Ma e le uma avanoa mo lo tatou malamalamaga ma le poto e loloto ai lo tatou tuputupu a'e. Tatou te le o mana'omia ni failauga atamamai e ta'u mai ia i tatou le uiga o le Tusi Pa'ia. A o ona a'oa'oga fa'avae e mafai ona malamalama i ai le au fa'atuatua uma. O lo o tausisi pea i le avea o le au fa'atuatua o faiaulaga a e le o le fa'asāā lona fa'aliliuga i na o nai tagata laiti, e pei o nao faiaulaga faife'au. O le mea lea, ua fa'amalosia i tatou i le Tusi Pa'ia ina ia su'esu'e le Tusi Pa'ia mo i tatou lava ona e mafai ona tatou malamalama ai i le fe'au a le Atua mo i tatou.

Ua matuā fa'ailoa mai lava le fa'ata'ital'iga o tusitala o le Tusi Pa'ia o lo o fa'aalia ai o le Tusi Pa'ia ia tau'aveina lava e pei ona i ai i lona manino lelei, se'i vaganā ua manino ma iloa o lo o fa'afa'atusa....E leai lava se mea o le a tatou ave'esea ai le pa'u o lo o ufiufi ai, ina ia tatou iloa atu ai le a'ano o le mea lilo, o lo o natia, i lona uiga fa'afa'atusa, ua na o le tagata lava na ia amataina e mafai ona ia ave'esea ma su'esu'eina. O le malamalama lelei lava po o le manino o le Tusi Pa'ia e patino lava lea i le gagana, lagona, ma upu o le Tusi Pa'ia ona o lo o i ai le upu moni tonu na fa'aagaga e tusitala o le Tusi Pa'ia ia faaalia mai.

E leai lava se mea o mea nei fa'apea e i ai taimi tatou te faitau ai i mau ma le mafai ona tatou malamalama ai. A o le Afioga lenei a le Atua, a o i tatou lava o tagata agasala ua pa'u'u. A e ui lava i lea, ua lava le manino o le Afioga a le Atua i mea o lo o tatou mana'omia ia iloa ma malamalama i ai, aemaise lava ia lo tatou feso'ota'i atu i le fesili o le fa'aolataga.

**Manatunatu i le taimi na e le malamalama ai i ni mau o le Tusi Pa'ia a e mulimuli ane e malamalama ai. O le a se mea na e a'oa'oina mai ai atonu e mafai ona fesoasoani ai i isi o tauivi ma le fa'afitauli lava lea?**

**FA'AMATALA E LE TUSI PA'IA LE TUSI PA'IA**

Ona o le tasi o le fa'avae o le Tusi Pa'ia e mafai ai ona gaoioi ma fa'aaogaina le Tusi Pa'ia e fa'aliliu ma fa'amatala lava e ia ia lava. A aunoa ma le fa'avae lenei e tasi, o le a le mafai loa e le Tusi Pa'ia ona avea ma malamalama na te fa'aalia lona lava uiga moni, le avea o se vaega e tasi o le Tusi Pa'ia na te fa'amatalaina le isi vaega ma avea ai o le autū po o le sini e malamalama ai i isi faitau o feso'ota'i atu i ai.

**Faitau le Luka 24: 27, 44, 45. Na fa'apefea ona toe ta'ua e Iesu le Tusi Pa'ia e fa'amatala ai po o ai ia? O le a se mea o a'oa'o mai ai i tatou e uiga pe fa'apefea ona tatou mafai ona fa'aaogaina le Tusi Pa'ia?**

---

O le matagofie o le fa'atagaina o le Tusi Pa'ia ina ia fa'amatalaina le Tusi Pa'ia ona e fa'asoa atili atu ai le malamalama i lona lava uiga. O le faia o le mea lea, tatou te le o tu'u fa'atasia faitau nei ia fa'amaonia ai o tatou manatu. A o le a tatou va'ai toto'a i ai ma le fa'aeteete i mea o tusia i faitau ta'itasi nei. E tatau ona tatou su'esu'e lelei ma le fa'aeteete mea o i le tusi o lo o maua ai le faitau lea. E le gata i lea, e tusa ai ma le fa'amatalaga a Paulo i le Tusi Pa'ia, "o mea uma na tusia anamua na tusia ia e a'oa'o mai ai ia te i tatou" (*Roma 15: 4*), e ao lava ona tatou su'esu'e mea uma ua fai mai ai le Tusi Pa'ia i le mataupu o talanoaina.

"O le Tusi Pa'ia e i ai lava lona fa'amatalaga, e fa'atusatusa le Tusi Pa'ia i le Tusi pa'ia. E ao lava ona a'oa'o e tagata a'ogaga o le Tusi Pa'ia le upu atoa, ma va'ai i ona vaega uma o feso'ota'i i ai. E tatau ona ia maua le malamalama o lona sini autū, ia le pogai o le fuafuaga a le Atua i le lalolagi, ia le tula'i mai o le finaugue tele, ma le galuega o le fa'aolataga." -Ellen G. White, Ed, p. 190.

Pe afai tatou te fa'atusatusa le Tusi Pa'ia i le Tusi Pa'ia, e tāua tele ai le su'esu'e lelei o le Tusi Pa'ia. Pe a faigofie, e mafai ona tatou faia i le gagana na tusia ai, ia po o se fa'aliliuga sa'o ma fa'aliliuina i lona uiga moni e pei ona i ai i le fa'a-Eperu ma le fa'a-Eleni e pei ona amata mai ai. E ui lava o le iloa o ulua'i gagana nei e le o mana'omia ina ia tatou malamalama ai i le Tusi Pa'ia, a e matuā fesoasoani tele lava pe afai e mafai ai. A leai, o le su'esu'ega fa'amaoni ma le tatalo o le Upu, ma le uiga o le loto maulalo ma tu'uina atu atoatoa, tatou te mautinoa lava e fua tele mai.

**Manatunatu i se a'oa'oga, pei o le tagata oti, o i ai faitau e mafai ona sese ai pe afai tatou te le amana'ia isi faitau. O le a se mea o ta'u mai ia i tatou i le tāua i le aoao mai ma faitau le mea o fai mai ai le Tusi Pa'ia e uiga i le mataupu ia malamalama lelei i le mea o a'oa'o mai ai le Tusi Pa'ia?**

**SOLA SRIPTURA MA ELENA UAITA**

**Faitau le Isaia 8: 20. Aisea le mea e tāua ai le toe liliu i tua i le tulafono ma le mau e avea o le tapula'a o a tatou a'oa'oga? O le a le uiga o le galuega a perofeta ua le o avea o se vaega o le kanona o le Tusi Pa'ia?**

---

Pe afai tatou te talanoa i le *sola Scriptura* (na o le Tusi Pa'ia lava), o le Aso Fitu o le toe afio mai o lo o fesaga'i pea ma le fesili e uiga ia Elena Uaita, lea fo'i na musumusuina e le Agaga o le Atua ma galue o le ave fe'au a le Atua i ona tagata o totoe. O le a se feso'ota'iga o ana tusiga i le Tusi Pa'ia?

E oo lava i le faitauina o tusitusiga a Elena Uaita o lo o fa'aalia manino mai ai, le avea o le Tusi Pa'ia ma fa'avae ma ogatotonu o ona manatu uma ma lona talitonuga i le Atua. O le mea moni, na ia toe ta'ua ma fa'amausalī o le Tusi Pa'ia o le pule silisili ma o le fua sili lava ma o le tapula'a mo a'oa'oga uma, fa'atuatuaga, ma lona fa'atinoina (*Great Controversy*, p. 595). A e na ia fa'amainoina mai fo'i lona lagolagoina ma si'itia le tulafono fa'avae a le au Porotesano o le (*Great Controversy*, p. 9).

O le taofia lava o Elena Uaita ia, o ana tusitusiga, pe afai e fa'atusatusa ma le Tusi Pa'ia, ua o se molī ititi i ta'ita'i atu ai ali'i ma tama'ita'i i le molī telē, o le Tusi Pa'ia (*Advent Review and Sabbath Herald*, January 20, 1903). O ana tusitusiga ua le o se ala pu'upu'u po o se mea e sui tulaga i se su'esu'ega o le Tusi Pa'ia. O le mea moni lava, na ia fai mai: "E te le o masani ma le Tusi Pa'ia. Pe afai o le a e avea le Afioga a le Atua e te su'esu'e i ai, ma le fa'anaunauga ina ia e ausia le tapula'a a le Tusi Pa'ia ma tumau ai i le olaga Kerisiano atoatoa, e te lē mana'omia ni molimau. Ona ua e fa'atalalē e te fa'amasani ma le Tusi a le Atua lea o lo o sa'ilili ai ina ia maua oe e ala i molimau faigofie."-E.G.White, *Testimonies for the Church*, vol. 2, p. 605.

O le mea lea ua mo'omia ai tele ana tusitusiga. O lo o latou fa'asoatatu le agaga lava lea na musumusuina ai le au tusitala o le Tusi pa'ia, peita'i e ese'ese lo latou fa'aaogaina nai lo le Tusi Pa'ia. O ana tusitusiga e le o se fa'aopoopoga o le Tusi Pa'ia peita'i e i lalo ifo o Tusitusiga Pa'ia. E le i fa'atasi ona fa'aagaga ana tusitusiga ina ia sui tulaga i le Tusi Pa'ia, peita'i, na ia si'itia le Tusi Pa'ia e avea o le tapula'a lea e tasi mo lo tatou fa'atuatuaga.

**Manatunatu i se meaalofa sili ua tu'uina mai ia i tatou e ala i le galuega a Elena Uaita. E fa'apefea ona tatou a'oa'oina ina ia sili ona tatou fiafia i ai i le malamalama ofoofogia ua aumaia mai ia te ia a o ia taofi pea i le silisili o le Tusi Pa'ia?**

**SU'ESU'EGA FA'AOPOOPO:** I le mataupu o lo o i ai le fa'aliliuga o le Tusi Pa'ia i le tusi o i ai le talitonuga o le eklaesia Aso Fitu o le Toe afio mai, faitau le vaega o i ai upu fa'afa'atusa: "Tusi Pa'ia i lona lava fa'aliliuga," The Consistency of Scripture, and The Clarity of Scripture, pp. 64-66. Read Chapter 20, "Bible Teaching and Study," in the book *Education*, pp. 185-192; "The Primacy of the Word" in *Selected Messages*, book 3, pp. 29-33.

"O tagata a'oa'oina o le Tusi Pa'ia e ao ona a'oa'oina ia su'esu'eina le Tusi Pa'ia i le agaga ia a'oa'oina ai. E tatau ona tatou su'esu'eina ona laupepa, e le ona ia fa'amaonia ai o tatou manatu, peita'i ina ia tatou iloa ai le mea o fetalai mai ai le Atua. O le poto moni lava o le Tusi Pa'ia e mafai ona tatou maua a ua na o le fesoasoani mai lava o le Agaga lea na aumaia ai le Upu. A e ina ia tatou maua le poto lenei e tatau lava ona tatou ola ai. O mea uma lava ua poloa'i mai ai le Afioga a le Atua, e ao lava ona tatou usiusita'i i ai....O le su'esu'eina o le Tusi Pa'ia o lo o manaomia tele ai le mea sili tatou te mafai ona fai ma tausisi pea i ai. Pei o le tagata eli minerale o elia le auro o le tamaoaiga i le ele'ele, ia fa'apea ona naunau, ma tausisi pea lava, ma tatau ona tatou sa'ili mo le 'oa o le afioga a le Atua."- ellen G. White, *Education*, p. 189.

"Pe afai e te avea le Tusi Pa'ia o lau mea 'ai, o lau fasi poviai ma o lau mea inu, pe afai e te avea ona tulafono fa'avae e avea o lau amio, o le a sili atu ai loa ona e iloa atili le auala e te maua ai fautuaga mai le Atua. Ou te si'itia ma fa'aeaea i le tāua o le upu o i ou luma i le asō. Aua tou te toe ta'ua le mea ua ou fai atu ai." Su'esu'e le mea o fai mai ai le Ieova le Atua o Israaelu, ma faia loa le mea o lo o ia poloa'i mai ai."-E.G. White, *Selected Messages*, book 3, p. 33.

**FESILI MO FELAFOLAFOA'IGA:**

(1) **O a ni talitonuga sese i tagata ona talu ai o lo o latou va'ai i ni nai mau a e le o le mea o fai mai ai le Tusi Pa'ia?**

(2) **I le Mataio 11:11, na fetalai mai ai Iesu ia Ioane le Papatiso: E moni, ou te fai atu ia te outou, e le tu mai i e na fananau i fafine se sili ia Ioane le Papatiso, a o lē aupito i itiuti i le malo o le lagi, e sili lea ia te ia. O lo o fa'asino atu e Iesu i le perofeta i inei e le o i ai ni ana tusitusiga i le Tusi Pa'ia a ua ia fetalai mai mea ia ia te ia. O le a se mea ua ta'u mai e mea nei fa'atatau i se perofeta moni a e leai sana tusi i le Tusi Pa'ia a o lo o avea pea lava ma perofeta moni? O le a se fe'au e afai e i tatou Aso Fitu o le Toe afio mai ona tatou maua mai i le tala moni lenei?**

(3) **O i tatou o Aso Fitu o le toe afio mai, ua le na o i tatou o fai mai o le Tusi Pa'ia o le pule sili mulimuli lava lea. E fa'apefea isi ekalesia. A e fa'apefea la ona tatou fa'amatalaina a'oa'oga o feteena'i ai isi Kerisiano?**

# Aisea e Mana'omia ai se fa'amalamalamaga

## AOAULI O LE SAPATI

**FAITAUGA MO LE SU'ESU'EGA O LE VAIASO:** *Luka 24:36-45; 1 Kor. 12: 10; 1 Kor. 14: 26; Gal. 17: 16-32; IoNW 12: 42, 43.*

**MATUA TAULOTO:** “A leai fo'i se fa'atuatua e le mafai ona fiafia mai o ia, auā e tatau i le alu atu i le Atua ona talitonu o lo o soifua o ia, o ia fo'i na te tauia mai o e matuā sa'ili ia te ia” (*Eperu 11: 6*).

O le faitauina o le Tusi Pa'ia e mafai fo'i ona fa'auiga i le fa'aliliuina po o le fa'amatalaina o le Tusi Pa'ia. A e fa'apefea ona tatou faia lea mea? O a ni tulafono tatou te fa'aaogaina? E fa'apefea, mo se fa'ata'ita'iga, ona tatou fesaga'i ma ituaiga tusitusiga ese'ese o tatou maua ai i inei? Mo se fa'ata'ita'iga, o le faitau o tatou faitauina ai le fa'ataoto, o le miti fa'afa'atusa fa'avaloa'aga, po o se tala fa'asolopito o fa'amatalaina? O se filifiliga i se fesili tāua fa'apea i mea o i totonus o le Tusi Pa'ia o aofia ai le galuega o le fa'amalamalamaina.

E i ai taimi, o nisi tagata ua latou fa'aaogaina le Tusi Pa'ia ua o se faufautua fa'aleagaga: na ona tatala lava o le Tusi Pa'ia ma feso'ota'i atu i le faitau e pei ona maua ma ta'ita'i atu ai i se faitau e ese ma sese lona i'uga.

O se fa'ata'ita'iga, pe afai ua tu'ua e le tane lana avā ona o se tasi fafine, a e maua e le avā se mautinoaga ina ua na maua ni mau fa'apea: "Ou te fa'atupuina le feitaga'i ia te oulua ma le fafine" (*Ken. 3: 15*). Ua una'ia lava ia, e fa'avae mai i le faiupu lea, ma fa'apea ai o le mea lea ua faia e lana tane e le umi!

Ua so o se mau lava e aunoa ma le mea o mafua mai ai e vave lava ona avea o se mafua'aga o ou lava manatu. O le mea lea, ua i ai ai se mana'oga aupito i sili mo i tatou ia le na o le faitauina o le Tusi Pa'ia peita'i ia fa'aliliu ma fa'amalamalamaina sa'o.

*Su'esu'e le lesona o le vaiaso lenei e sauniuni ai mo le Sapati, Me 9*

## O MEA SA MANATU E TATAU ONA I AI

Faitau le Luka 24: 36-45. O le a se mea na taofia mai ai le au so'o, na masani ma le Tusi Pa'ia, i le va'ai i le uiga moni o le Upu a le Atua, e oo lava i le valo'ia mai o mea e tutupu ma fa'ailoa atu ia i latou?

E leai lava se tasi e faitau i mau o le Tusi Pa'ia fa'apea e gaogao le mafaufau. So o se tagata faitau lava, le au a'oa'oina o le Tusi Pa'ia, e sau i le Tusi Pa'ia ma se tala fa'apitoa ma le iloa e oe lava ia le a'afiaga e le ma'alofia ia le fa'aaogaina o le fa'aliliuga po o le fa'amalamalamaga. E oo lava i le au so'o i o latou lava manatu fa'apitoa po o ai le Mesia ma o le a lana mea sa tatau ona fai, e fa'avae i mea na tulimata'i i ai i lo latou lava taimi. O mea na una'ia malosi i ai i latou na puipuia mai ai i latou i le malamalamaga manino o mau o le Tusi Pa'ia, sa tatau ona fesoasoani ai ia i latou ina ia fa'amatalaina i le mafua'aga na latou lē malamalamama ai pea ia Iesu ma mea na tutupu i lona soifuaga, maliu, ma lona toe tu mai.

Ua tatuonu taofoi uma lava i le mau talitonuga e uiga i le lalolagi lenei, i le moni a'ia'i, o le Atua, ma isi mau mea, e tatau ona tatou i ai pe taliaina fo'i-e oo lava i le mea na tatou le'i mafaufauina po o le le'i manatu i ai - pe afai tatou te fa'amatalaina le Tusi Pa'ia. E leai lava se isi o su'esu'eina le mau o le Tusi Pa'ia fa'apea e gaogao le mafaufau. Pe afai o lea, o se fa'ata'ita'iga, e i ai se taofi o se tasi i le lalolagi e le o manatu i le fa'auilavea fa'alelagi a le Atua, o le tagata lea na te le o faitauina ma malamalamama i le Tusi Pa'ia ua o se tala moni i le mea ua faia e le Atua i le tala fa'asolopito, peita'i e ese lona fa'amatalaina po o lo o ia fa'aliliuina mai se tasi o lo o ona taliaina le moni o vasega fa'alelagi.

O le au fa'aliliu o le Tusi Pa'ia e le o mafai ona latou lafo'a'ia atoatoa i latou mai le taimi ua te'a, o mea na latou oo i ai, manatu i mea na latou nonofo ai, o latou manatu na i ai. Ma ua le o mafai ai ona latou malamalamama i le Tusi Pa'ia. O le su'esu'eina o le Tusi Pa'ia ma a'afiaga o le talitonuga i le Atua e masani lava ona fete'ena'i ma le tala fa'asolopito o le mea e tatau ona i ai e uiga i le natura po o uiga masani o le lalolagi ma le natura o le Atua.

Peita'i o se tala lelei ona o le Agaga Pa'ia na te mafai ona tatalaina ma fa'asa'o mea o lo o gata mai ai la tatou va'ai ma mea na tatou manatu e tatau ona i ai ina ua tatou faitauina upu o le Tusi Pa'ia ma o tatou loto fa'amaoni ua tatalaina atu. O lo o fa'amausaliina pea lava pea e le Tusi Pa'ia ia tagata i le ese'ese o mea e o mai ai na latou mafai lava ona malamalamama i le Afioga a le Atua ma le ta'ita'iga a le Agaga Pa'ia ia i tatou ina ia malamalamama i upu moni uma lava" (*Ioane 16: 13*).

## FA'ALILIUGA MA LE FAA'MALAMALAMAINA

O le Tusi pa'ia na tusia i le gagana anamua: o le Feagaiga Tuai na tusia ma matele i le fa'a-Eperu, ia ma nai faitau i le gagana Aramaika, a o le Feagaiga Fou na tusia i le Koini fa'a-Eleni. O le tele lava o le faitau o le lalolagi na latou le'i tautala ma faitau ia gagana nei mai anamua. O le mea lea, na tatau ai ona fa'aliliuina le Tusi Pa'ia i gagana ese'ese fa'aonapo nei.

Peita'i, i so o se tagata fa'aliliu lelei lava na te iloa, so o se fa'aliliuga lava e aofia i ai ni ituaiga o fa'aliliuga po o ni fa'amalamalamaga. O nisi upu i le gagana e tasi e le fa'apea e tutusa ma le isi. O le iloa ma le tomai o le fa'aliliuga ma le fa'aeteete ma le fa'amatalaina ma fa'amalamalamaina o mau i isi gagana e ta'ua o le (hermeneutics).

**Faitau le 1 Korinito 12: 10, 1 Korinito 14: 26, Ioane 1: 41, Ioane 9: 7, Galuega 9: 36, ma le Luka 24: 27. O faitau uma o i luga, ua tatou iloa ai se manatu o le fa'aliliuga ma le fa'amalamalamaga. I le Luka 24: 27 e oo lava ia Iesu e tatau ona ia fa'amatalina le uiga o le Tusi Pa'ia i le au so'o. O le a se mea o ta'u mai ia i tatou i le tāua o le fa'amalamalamaina?**

---

O le upu Eleni o le *hermeneuo*, ua maua ai le upu *hermeneutics* (o le fa'afa'amalamalamaina po o le fa'aliliuga o le Tusi pa'ia), e sau mai le atua o Eleni o Hermes. O Hermes sa manatu o se na auina atu ma o le ave fe'au a atua., ma o ia fo'i e gafa ma isi mau mea, na te fa'aliliuina fe'au fa'alelagi mo tagata.

O se manatu tāua mo i tatou e uiga i le hermenutics, se'i vagana ua tatou faitauina gagana na amata mai ai, ua na o le pau lava lea o le mea e mafai ona tatou iloa ai mau e ala lea i le fa'aliliuga po o le fa'amalamalamaina. O le tele lava la o fa'aliliuga o lo o latou faia se galuega lelei i le avatua lea o se uiga tāua. A e tatou te le o mana'omia ina ia tatou iloa le gagana na amata mai ai ina ia tatou malamalamana ai i upu moni tāua o lo o fa'aalia mai i Tusi Pa'ia, e tusa lava pe ia i tatou le poto lea i le gagana e mafai lava fo'i ona aogā. A e oo lava i le faa'liliuga e lelei, a o le fa'aaogaina sa'o o le mau e tāua, e pei ona tatou va'ai i ai i le Luka 24: 27. O le mafua'aga autu lava lea o le hermeneutics: ina ia avatu ai le uiga moni o mau o le Tusi Pa'ia ma fesoasoani ai ia i tatou ina ia iloa pe fa'apefea ona fa'aaogaina le a'oa'oga a le mau i o tatou lava olaga i le taimi nei. E pei o le mau i le Luka o i luga o lo o fa'aalia ai, na faia e Iesu le mea lenei mo ona so'o. Ia mafaufau i le mea e tatau ona i ai i le pei o le i ai o Iesu lava ia ma fa'amatala ma fa'amalamalamaina faitau nei mo oe!

## O LE TUSI PA'IA MA LE AGANU'U

**Faitau le Galuega 17: 16-32. I le Galuega 17, na taumafai ai Paulo e tu'uina atu le fe'au o le tala lelei i se auala e fou: o le poto i le aganu'u fa'a-Eleni. E fa'apefea e le mau aganu'u ese'ese ona a'afia ai ia le auala tatou te iloa ai le tāua o manatu ese'ese?**

---

O le tala fa'asolopito i le poto i le aganu'u a Sasa'e Lata mai e mafai ona fesoasoani e malamalamana ai i nisi o faitau o le Tusi Pa'ia. O se fa'ata'ita'iga, i le aganu'u fa'a-Eperu e pa'ū lava i luga o le tagata lava ia le mea na te le'i faia peita'i na ia fa'atagaina e tupu. O le mea lea, o tusitala o le Tusi Pa'ia na musumusuina na vivi'i i le Atua i lona faia o le mea lea i manatu o le itu i Sisifo e mafai ona tatou fa'apea ane na ia fa'atagaina ia pe na te le'i taofia mai ina ne'i tupu, mo se fa'ata'ita'iga, o le fa'ama'a'aina o loto o Farao.

O le aganu'u fo'i ua tula'i mai ai nisi o fesili tāua i le auala o tatou faitau ma malamalamana ai i le Tusi Pa'ia. Po o le Tusi Pa'ia ea e fa'atatau i le aganu'u a tagata na soifua i le taimi na tusia ai le Tusi Pa'ia? Po o le fe'au fa'alelagi na tu'uina atu i se aganu'u fa'apitoa ma si'itia le aganu'u fa'apitoa lenei ma tautala atu ai i tagata ola uma? O le a se mea e tupu pe afai o se aganu'u lea o le a avea ma fa'avae e fua ai la tatou fa'aliliuga o le Tusi Pa'ia?

I le Galuega 17: 26, na tu'uina mai ai e le aposetolo o Paulo se fa'amatalaga mata'ina ia le mea moni o lo o tatou misia pea pe a faitauina e tagata le mau lenei. Ua ia faia fo'i e ia o nu'u uma o tagata i le toto e tasi. A o tatou i ai i aganu'u ese'ese, e i ai lava le fusi e masani ai o lo o ia tu'u fa'atasia tagata uma, e ui lava e i ai ese'esega o a latou aganu'u, ma ona talu ai o le Atua o lo tatou Foafao mo tagata uma. O tatou uiga agasala ma lo tatou mana'oga o le fa'aolataga e le gata mai i se aganu'u e tasi. Tatou te mana'omia uma lava le fa'aolataga ua ofoina mai mo i tatou e ala i le maliu ma le toe tu o Iesu Keriso.

E ui lava na fetalai le Atua i tupulaga fa'apitoa, na ia silasila i ai o tupulaga lumana'i i le faitauina o le Afioaga a le Atua o le a malamalamana i upu moni ia o le a oo i tala atu o le loto i fale ma le si'osi'omaga i le taimi na tusia ai le Tusi pa'ia.

E tutusa lava ma le ituaiga matematika, lea na ulua'i maua i le iva o seneturi i Bagdad. Po o le uiga ea, o upu moni ma tulafono fa'avae o le ituaiga matematika nei e gata lava i lea taimi ma lea nofoaga? O le mea moni e leai.

O le tulafono lava fo'i lea o lo o fa'aaogaina i upu moni o le Afioaga a le Atua. E ui lava o le Tusi Pa'ia na tusia anamuā i se aganu'u e ese mai ma i tatou i le asō, a o upu moni o lo o i ai o lo o aogā mo i tatou nei e pei o i latou na mua'i ta'ua i ai.

**O TATOU NATURA AGASALA MA LE PA'Ū ESE**

**Faitau le Ioane 9: 39-41 ma le Ioane 12: 42, 43. O le a se mea o taofia ai tagata mai faitau nei mai le taliaina o le upu moni o le fe'au a le Tusi Pa'ia? O a ni upu o lapata'iga ma se fautuaga tatou te aumaia mai mea nei o lo o tutupu mo i tatou lava?**

---

E faigofie ona toe va'ai i tua ma le lē fiafia i ta'ita'i o tapua'iga na latou te'ena Iesu e ui lava na i ai fa'amaoniga malolosi. A e tatau lava ona tatou fa'aeteete ina ia aua tatou te faia le mea lava lea e tasi pe a su'esu'e lana Afioga.

E le fesiliglia ia le agasala ua na fa'aleagaina la tatou mafutaga ma le Atua. Ua a'afia e le agasala mea uma o i ai le fanau a tagata. Ua a'afia fo'i lo tatou tomai e fa'amatala ai le Tusi Pa'ia. Ua le na o lea o mea uma ua i o tatou manatu ua faigofie ona fa'aaogā i le i'uga agasala, a o tatou mafaufau ma o tatou manatu ua leaga i le agasala, o le mea lea, e tatau ai ona tatou fa'alatalata i le upu moni a le Atua. O uiga nei ua fa'aleagaina e mafai ona iloa i o tatou manatu: o le fa'amaualuga, fa'aseseina o oe lava, masalosalo, mamao ma le Atua, ma le lē usiusita'i.

O le tagata fa'amaualuga na te fa'asilisilia lava ia i le Atua ma lana Afioga. Ona talu ai o le fa'amaualuga na te ta'ita'i atua le tagata o lo o fa'amatalaina i le fa'amamafaina o le mea o manatu i ai le tagata i le upu moni, e tusa lava po o lo o i ai le upu moni i le Tusi Pa'ia. O le uiga lenei na te soloiesea le pule fa'alelagi a le Tusi Pa'ia.

O nisi tagata e fia fa'alogo na o manatu lava e fiafia i ai, e tusa lava pe ese'ese ma le finagalo fa'aalia o le Atua. Ua lapata'ina i tatou e le Atua fa'atatau i le mata'utia o le fa'aseseina o oe lava (*Fa'aa. 3: 17*). O le agasala fo'i lo o ia fa'amalosia le fa'alotolotolu ma le masalosalo, ua tatou ave'esea ai ma tatou manatu ai ia aua tatou te talitonu i le Afioga a le Atua. Pe afai e amata ona masalosalo, o le a le mafai loa ona avea loa le fa'aliliuga o le mau o le Tusi Pa'ia o se mea e mautinoa. A o le a avea le tagata masalosalo ona vave lava ona si'itia ia lava i se tulaga o le a na fa'amasinoina ai le mea e le o talia e le Tusi Pa'ia, ua o se laufanua e sili ona mata'utia ua tatou tutu ai.

Peita'i, e tatau ona tatou su'esu'eina le Tusi Pa'ia i le fa'atuuata ma gaua'i, a e le o se uiga o le faitio ma le masalosalo. O le fa'amaualuga, fa'aseseina o oe lava, ma le masalosalo e ta'ita'ina atu ai oe i se uiga e te mamao ai ma le Atua ma le Tusi Pa'ia ma e mautinoa ai fo'i e ta'ita'i atu ai oe i le lē usiusita'i, o lona uiga, o lou lē naunau lea ia mulimuli i le finagalo fa'aalia o le Atua.

**Ua maua ea oe i se uiga o le fa'asagatau i lou iloa i le mea na e faitauian i le Tusi Pa'ia-o lona uiga o le ta'ita'ina sa'o atu lea o oe ia faia le mea, a o lea lava e te mana'o ia fai le isi mea?**

**AISEA E TĀUA AI LE FA'AMALAMALAMAGA**

**Faitau le Ne'emia 8: 1-3, 8. Aisea e tāua tele ai lo tatou malamalamama i le Tusi Pa'ia, e le gata o tagata ta'ito'atasi a o le ekalesia?**

---

O le fesili aupito i sili o le Tusi Pa'ia o le fesili lea i le fa'aolataga pe fa'apefea ona fa'aolaina i tatou. O le a se isi mea e tāua? O le a se mea lelei o i ai, e pei ona ta'ua mai e Iesu lava ia ia i tatou, pe afai tatou te maua le lalolagi uma a e ma'imau o tatou agaga (*Mat. 16: 26*)?

Peita'i o le iloa o le mea o a'oa'o mai ai le Tusi Pa'ia e uiga i le fa'aolataga e fa'alagolago tele atu lea i le fa'aliliuga. Pe afai tatou te su'esu'e ma fa'aliliu pe fa'amatala sese le Tusi Pa'ia, e mafai ona tatou oo i se fa'ai'uga sese, e le gata i le malamalamaga i le fa'aolataga peita'i o isi mea uma o lo o a'oa'o mai ai le Tusi Pa'ia. O le mea moni lava, e oo lava i le taimi o le au aposetolo, na oo mai ai talitonuga sese i totonus o le ekalesia, e le o fa'ailoga fesili le falute mai o le mau a'oa'oga sese o le fa'aliliuga ma le fa'amatalaina o le Tusi Pa'ia.

**Faitau le 2Peteru 3: 15. O le a se mea o ta'u mai e mea nei ia i tatou e uiga i le tāua o le faitauina sa'o o le Tusi Pa'ia?**

---

O le mea moni lava pe afai o i tatou o tagata o le Tusi, o ai la o le a mana'o e ola i le Tusi Pa'ia na o le Tusi Pa'ia lava-ma leai seisi pule e pei o tu ma aganu'u, o talitonuga, po o se a'oa'oga o pulea ai le ekalesia ina ia fa'amatala le Tusi Pa'ia mo i tatou-onia avea loa lea o le fa'afitauli o le fa'amatalaga sese o le Tusi Pa'ia o le a tāua ona talu ai ua na o le Tusi Pa'ia lava o ia i tatou e ta'u maia ia i tatou le mea e tatau ona tatou talitonu i ai ma le auala tatou te ola ai.

O le fa'afitauli o le fa'aliliuga o le Tusi Pa'ia e tāua tele mo lo tatou talitonuga i le Atua ma le su'esu'eina o mea tau tapua'iga i le ekalesia. O le aunoa ma le fa'aliliuga po o le fa'amatalaina sa'o o le Tusi Pa'ia, o le a le tasi loa a'oa'oga ma lē tasi le ekalesia ma la tatou galuega. O se talitonuga leaga e mafai ona ta'ita'i atu ai i tatou i galuega leaga. A e pe afai o ia i tatou se fe'au e avatu i le lalolagi peita'i pe afai e le o manino ma malamalamama le uiga o le fe'au, e fa'apefea ona lava ma mafai ona tatou tu'uina atu le fe'au ia i latou o fia fa'alogi i ai?

**Faitau le fe'au a agelu e to'atolu i le Fa'aaliga 14: 6-12. O a ni fa'afitauli i talitonuga i le Atua o inei, ma aisea e tatau ai ona sa'o le malamalamaga?**

**SU'ESU'EGA FA'AOPPOPO:** Faitau Elena Uaita, "O le a le mea e fai pe afai e Masalosalo," pp. 105-113. *La'asaga ia Keriso*, mai le faitau "Methods of Bible Study,"

"I lau su'esu'ega o le upu, o lo o taoto ai i le faitoto'a ou manatu ma lou taofi ma le manatu na e ola mai ma oe. e le taitai e oo i le upu moni pe afai o e su'esu'eina le Tusi Pa'ia ina ia fa'aleleia ai ou lava manatu. Fa'ata'atia le mea lenei i le faitoto'a, peita'i i le loto maulalo ia e alu ma fa'alogi i le mea e fai mai ai le Ali'i ia te oe. Ma o le avea o se sa'ilii ma le loto maulalo i le upu moni ma nofo i a'ao o Keriso, ma a'oa'o mai ia te ia, o le a avatu loa e le upu ia te oe le malamalamaga. Ia i latou e popoto ma atamamai ia i latou lava ma su'esu'e le Tusi Pa'ia, ua fetalai mai Keriso, E tatau lava ona avea oe o le agamalu ma le loto maulalo pe afai o e fia poto i le fa'aolataga.

"Aua e te faitauina le upu i lou iloa na i ai muamua, peita'i, mai le mafaufau ua sa'oloto mai le fa'aitu'au, ia su'esu'e ma le fa'aeteete ma le tatalo. Pe afai e pei ona faitauina, ona e iloa loa lea, ona e va'ai loa lea i manatu o lo o e fa'apelepeleina e le o o gatasi ma le upu, aua ne'i e taumafai e avea le upu ia fetau ma manatu nei. Ia avea ou manatu ia fetau ma le upu. Aua ne'i e fa'atagaina le mea ua e talitonu i ai po le mea na e faia i le taimi ua te'a e pulea ai lou malamalamaga. Ia pupula mata o lou mafaufau ia iloa ai mea ofoofogia mai le tulafono. Ia iloa mea ua tusia, ma tu ou vae i le Papa e fa'avavau." - Ellen G. White, *Messages to Young People*, p. 260.

### FESILI MO FELAFOLAFOA'IGA:

(1) **Ua tatou ioe uma lava o i tatou o tagata agasala ma a'afia i le agasala. O a ni auala ua a'afia ai i tatou i le faitauina o le Tusi Pa'ia? O lona uiga, o le a se mea a le agasala ua faia ia i tatou e mafai ona fa'aliliu sese le upu a le Atua? Mo se fa'ata'ita'iga, e fa'apefea e lo tatou mana'o ia faia se mea ua fa'aleaga i le Tusi Pa'ia ua mafua ai ona tatou faitauina le Tusi Pa'ia i se auala ua te'i ua suia fa'afuase'i? O a nisi auala ua faia e le agasala i la tatou fa'aliliuga o le Tusi Pa'ia?**

(2) **E fa'apefea e lo tatou malamalamaga i le taimi o le Tusi Pa'ia ma le aganu'u ona fesoasoani i nisi o faitau o le Tusi Pa'ia? Aumai ni fa'ata'ita'iga?**

# Gagana, Mau, ma Mea o i ai

### AOAULI O LE SAPATI:

**FAITAUGA MO LE SU'ESU'EGA O LE VAIASO:** *Teu.* 32: 46, 47; *I Tupu* 3: 6; *Num.* 6: 24-26; *Ken.* 1: 26, 27; *Ken.* 2: 15-23; *Ken.* 15: 1-5.

**MATUA TAULOTO:** "Ia outou ave le tusi o lenei tulafono, ma tu'u ai i le itu o le atola'au o le feagaiga a Ieova lo outou Atua, ina ia i ai e fai ma molimau ia te oe" (*Teuteronomie* 31: 26).

E sili atu i le 6,000 gagana o lo o tautala ai le faitau piliona o le lalolagi. O le Tusi Pa'ia atoa uma ua fa'aliliuina i gagana e sili atu i le 600, ua i ai ma le Feagaiga Fou po o ni vaega ua fa'aliliuina e sili atu fo'i i le 2,500 isi gagana. E mautinoa o le matuā tele lava o gagana. Peita'i o le taimi lava fo'i lea, e sili atu ai fo'i i le afa ia gagana ua lauiloa o le lalolagi.

O le fuafua atu pe a ma le 1.5 piliona tagata e le o i ai lava se vaega o le Tusi Pa'ia o fa'aliliuina i la latou gagana muamua. A o lo o tele fo'i galuega e tatau ona fai, o taumafaiga a sosaiete o le Tusi Pa'ia o manatu o le faitau ono piliona o tagata nei e mafai ona latou faitauina le Tusi Pa'ia.

Ma o se fa'amaniuaga le i ai ia i latou ia o i ai le Tusi Pa'ia ia latou lava gagana. O le tele lava o taimi ua tatou fa'aaogaina ai ma galo ai ia i tatou ua le gata ua faia e le to'atele e le o i ai ni Tusi Pa'ia peita'i i le faitau seneturi i Europa, na taofia ai Tusi Pa'ia mai le to'atele. Fa'afetai i fale lomitusi ma le Toe Fuata'ina, ua le o toe fa'apea. O i tatou e mautinoa lava ua i ai le Tusi Pa'ia o lo o mata'i pea pe fa'apefea ona tatou mafaia, ma fa'atumuina i le Agaga, ia a'oa'o ina ia su'esu'eina le Upu ma iloa ai le Ali'i o lo o fa'aalia i ona laupepa.

*Su'esu'e le lesona o le vaiaso lenei e sauniuni ai mo le Sapati, Me 16.*

## IA MALAMALAMA LE TUSI PA'IA

Faitau le 2 Timoteo 3: 16, 17. O le a le mafua'aga na aumai ai le Tusi Pa'ia ia i tatou?

---

O le Tusi Pa'ia na tusia o se molimau i le galuega a le Atua i le tala fa'asolo, o lana fuafuaga mo le fa'aolaina o le fanau a tagata pa'u ese, ma ia fa'atonu i tatou i ala uma o le amiotonu. Ua filifili le Ali'i ina ia faia le mea lenei i le gagana a le tagata, ia fa'ailoa ona manatu ma taofi e ala i upu a tagata. I le fa'aolaina o Isaraelu mai Aikupito, na filifili ai e le Atua se malo fa'apitoa ia avatua lana fe'au i tagata uma. Na ia fa'atagaina lea malo ina ia feso'ota'i atu lana Upu e ala ia latou gagana, Eperu (ma se vaega itiiti o le fa'a-Aramaika, o le gagana e feso'ota'i atu i le fa'a-Eperu).

O le tula'i mai o le aganu'u fa'a-Eleni na aumaia ai se avanoa e fou, na fa'atagaina ai le Feagaiga Fou ina ia feso'ota'i atu ai e ala i le gagana a le atulaulau o le fa'a-Eleni lea, lea na to'atele tagata e tautala ai i lea vaega o le lalolagi i lea taimi. (O le mea moni lava, na i ai lava fo'i le fa'aliliuga fa'a-Eleni o le Feagaiga Tuai.) O le gagana a le atulaulau na mafai ai e le au aposetolo ma le ulua'i ekalesia ona fa'asalalau mamaao atu le fe'au na i ai ma misionare ma'elegā ina ua mavae le maliu o Keriso. Mulimuli ane, na molimau ai le aposetolo o Ioane i le upu a le Atua, ma le mau ia Jesu Keriso, i mea uma na ia va'aia" (*Fa'aa. 1: 2*). O le itu la lenei, na fa'aalia ai e le Tusi Pa'ia le fa'aauau ai pea lava ia le molimau lenei e pei ona musumusuina ma le mau mai le ulua'i tusitala o le Tusi Pa'ia se'ia oo atu lava i le tusitala mulimuli.

Faitau le Teuteronomie 32: 46, 47. Aisea e tāua ai tele mo le fanau a Isaraelu ia usiusita'i i "upu uma o le tulafono" (*Teu. 32: 46*), o le Torah, po o "fa'atonuga"? Na fa'apefea e le Afioga a le Atua ona fa'alevaleda ai o tatou aso? O le a se mea na fa'auiga i ai i lo tatou manatu i le asō?

---

O nisi tagata ua le gata na i ai le Tusi Pa'ia ua uma ona fa'aliliuina i la latou lava gagana peita'i ua oo lava i isi fa'aliliuga ese'ese ia latou lava gagana. O isi atonu ua na o le tasi lava se fa'aliliuga. Peita'i po o le a lava le fa'aliliuga o ia te oe, o le autu moni lava o le fa'apelepele lea o le Afioga a le Atua, ma e sili atu fo'i, ia usiusita'i i le mea o lo o ia a'oa'o mai ai.

Aisea ua le o se "mea fa'atauva'a ai" (*Teu. 32: 47*) le usita'i i le Afioga a le Atua ma a'oa'o ia outou fanau?

## O UPU MA O LATOU UIGA

O gagana uma lava e i ai lava upu e 'oa ma tamaoaiga ma e loloto le uiga e faigata fo'i ona fa'aliliu i se upu e tasi i le isi gagana. O ituaiga upu ia e mana'omia ai se su'esu'ega fa'alaua'itele i lo latou fa'aaogaina i le Tusi Pa'ia ina ia malamalama ai i le a'ano moni ma lona uiga.

Faitau le 1 Tupu 3; 6, Salamo 57: 3 Salamo 66: 20, Salamo 143: 8, ma le Mika 7: 20. E fa'apefea e le alofa tunoa o le Atua ma le agalelei ona oo atu i isi mea na ia faia?

---

O le upu fa'a-Eperu o le *chesed* (alofa mutimutivale) o le tasi o upu tamaoaiga ma sili ona tāua i le Feagaiga Tuai. O lo o ia fa'amatalaina ai le alofa o le Atua, alofa agalelei, alofa mutimutivale, ma le uiga o le osi feagaiga ma ona tagata. I nai faitau laiti nei, ua tatou iloa ia o lo o fa'aalia le telē o le alofa mutimutivale [chesed] i lau auauna o Tavita....Na e alofa tele [chesed] ia te ia" (*1Tupu 3: 6*). O le a ia avatua lona alofa mutimutivale [chesed] ma lana upu moni (*Sal. 57: 3*). Ona o le manatu tele ia Isaraelu, na ia avatu ai le upu moni ia Iakopo ma le alofa mutimutivale [chesed] ia Aperaamo" (*Mik. 7: 20*). O tusi atoa uma na tusia i luga o le upu *chesed*, o lo o taumafai ina ia tapu'e maia le loloto o le alofa mutimutivale o le Atua ma lona alofa ia i tatou.

Faitau le Numera 6: 24 -26, Iop. 3: 26, Sal. 29: 11, Isa. 9: 6, ma le Isa. 32: 17. I faitau nei, o le a le manuia po o le filemu po o le shalom o tautala ai ia i latou?

---

O le upu fa'a-Eperu *shalom* e masani lava ona fa'aliliu o le "filemu" po o le manuia. Peita'i o le uiga o le upu e sili atu ona loloto ma lautele nai lo lenei. E mafai fo'i ona fa'aliliuina o se mea atoa po o le atoatoa po o le tagata atoa. O le fa'amaniuaga a le Atua ma lona alofa fua na te tausia ai i tatou ma taofia i tatou i le tulaga o le filemu (*shalom*), ma o se mea alofa mai le Atua (*Num. 6: 24-26*). I le fa'atusatusa atu i ai, o le mea na oo ia Iopu o faigata ma fa'alavelave na fofoa mai ai le tulaga e le'i faigofie e le'i filemu fo'i, ona sa leai se filemu (*shalom*). O le lalolagi ua a'afia i le mau mea leaga, ua o se fa'amaniuaga sili pe a oo ina fa'afeiloa'i le Sapati ma i ai ma le upu *Shabbat shalom*, ona o la tatou mafutaga ma le Atua na te aumaia ai le filemu moni ma le atoatoa o lo o mana'omia i o tatou olaga.

## TOE TA'UA PEA, UPU O FAI MA ATA, MA LE UIGA

O manatu fa'a-Eperu, e tele lava le mau auala e fa'amatalaina ai manatu lea na te fa'amalosia le uiga ma fa'amamafa le tāua o manatu. E le pei o gagana fa'a-Europa, a o le fa'a-Eperu e leai ni fa'ailoga e vavae ai faiupu i le gagana na amata mai ai, ma o le fausia a'e o le gagana na fa'aaogaina ai isi auala ina ia feso'ota'i ai ia ituaiga manatu ia.

**Faitau le Kenese 1: 26, 27 ma le Isaia 6: 1-3. O a ni upu o lo o toe ta'ua i faitau nei? E fa'apefea e upu nei ona toe ta'ua ona fa'aaogaina atili e manatu ia na fa'ailoa muamua mai e ala i upu ia na toe ta'ua pea?**

---

O le tasi o auala e mafai ona fa'amamafa e tusitala Eperu o le uiga fa'apitoa lea o le Atua o le toe ta'ua lea fa'atolu. Ina ua oo mai le foafoaga a le Atua i le taualuga o lana galuega foafoa, na fa'amamafaina ai e le mau le tāua uiga ese o le faia o le tagata. O le faitau lea *bara*, "ia faia," ua na o le Atua lava e faia. O lona uiga, ua na o le Atua lava e i ai le mana ia faia e aunoa ma le fa'alagolago atu i se mea na i ai muamua. O inei ua fa'amatalaina ai e le mau le faiga o le tagata: "Ona faia lea e le Atua le tagata i lona fa'atusa, na faia e ia o i la'ua o le tane ma le fafine" (*Ken. 1: 27*). Maitau le toe ta'ua sautuatolu o le upu "faia". O le mea fo'i lea na fa'amamafaina e Mose fa'apea na faia le tagata e le Atua ma na faia fo'i i lona fa'atusa. O mea nei sa ia fa'amamafaina.

I le fa'aaliga na oo ia Isaia ma le vala'au, na toe ta'ua e le serafi upu "Pa'ia, pa'ia, pa'ia Ieova o Au" (*Isa. 6: 3*). O le fa'amamafa o lo o i le pa'ia o le Atua ofoofogia ma le mata'utia o lona fa'atasi ai ua tumu ai le malumalu. O lo o tatou va'aia fo'i le pa'ia lea i le galuega a Isaia, a o ia tu atu i luma o le Atua silisili ese: "Aue a'u nei! auā ai a'u a fano!" (*Isa. 6: 5*). E oo lava i se perofeta e pei o Isaia, na fa'ailoa i ai le pa'ia ma le amio a le Atua, na meia i lona le tusa ai. O le mea lea, e oo lava i inei, e muamua atu a o le'i ta'ua mai ia i tatou le taofi o Paulo i le olaga agasala o le tagata ma le mana'oga o le Fa'aola (*Roma 1-3*), o lo o mafai ona tatou iloa le Tusi Pa'ia o lo o ta'ua mai se fa'amatalaga i le natura pa'ū o le tagata, e oo lava i se tagata lelei e pei o Isaia.

I le Tanielu 3, o lo o i ai fo'i le toe ta'ua mai (ma nai suiga) o le faitau "o le tupua na faia e Nepukanesa" (*Tan. 3: 1, 2, 3, 5, 7, 12, 14, 15, 18*). O le faitau po o suiga na i ai, na toe ta'ua fa'asefulu mai i le mataupu ina ia fa'atusatusa galuega a Nepukanesa i le ita i le fa'atagata na fa'aalia e le Atua ia te ia e ala ia Tanielu (*Tan. 2: 31-45*). O le fa'amamafa na fa'aali e le Atua ia te ia o le sa'ilii lea o le tagata ina ia faia ia o se atua e ifo i ai, i le fa'atusatusa atu lea i le Atua moni e to'atasi, na o le Atua lava e tatau ona tapua'i ma ifo i ai.

## O MAU MA MEA O I MAU

O upu o i le Tusi Pa'ia o i totonu o le mataupu. E le o tutu na o i latou lava. O le upu o i ai ma le fa'amatalaga i totonu o le faiupu, ma o le mea lenei e mana'omia ina ia malamalamama muamua i ai. Ona i ai loa lea o fa'amatalaga lautele o le mea atoa i le mea na mafua ai le mataupu. E mafai ona avea o se vaega o tusitusiga, po o se mataupu, po o ni mataupu . Ma e matuā tāua tele ona malamalamama fo'i i ai, ina ia aua ne'i i'u i se fa'ai'uga sese.

**Fa'atusatusa le Kenese 1: 27 ma le Kenese 2: 7. Ona faitauina lea o le Kenese 2: 15-23. E fa'apefea ona tatou malamalamama mai faitau ese'ese ma mea o i ai i le fa'amatalaga o *atamu*, o le fa'a-Eperu mo le tagata?**

---

Ua uma ona tatou va'ai i le toe ta'ua o le upu *bara* i le Kenese 1: 27 o lo o fa'aalia ai le fa'mamafa i le faiga o le tagata. O lenei ua tatou va'ai i le tagata o le fa'amatalaina mai mea o lo o i totonu o le faiupu lenei o le "tane ma le fafine." O lona uiga o le faitau fa'a-Eperu o *atamu* e tatau ona malamalamama i le faitau lenei o se faa'matalaga e patino lava i le tagata.

E ui lava i lea, a o le Kenese 2: 7 o le faitau lava lea *atamu* o lo o fa'aaogaina e fa'atatau i le faiga o Atamu i le efuefu o le "ele'ele" (i le fa'a-Eperu *adama-hia* maitau le fa'aaogaina o upu). O inei ua na o le tane, o Atamu, o lo o fa'atatau i ai, ona e le'i faia Eva se'i a mulimuli ane ona faia i se auala sili ona ese mai. O le mea lea, i faitau ta'itasi nei, e oo lava i mea o i totonu o mataupu ia e lua, o lo o tatou iloa ai le ese'esega i le va o le fa'amatalaina o le *atamu* o le tagata (*Ken. 1: 27*) ma le tagata o Atamu (*Ken. 2: 7*). O le Atamu lea o le tagata lea na mulimuli ane fa'amaonia i le gata (*Ken. 5: 1-5, 1 N. Tupu 1: 1, Luka 3: 38*) ma o le faitau fo'i e fa'atatau ia Iesu, lea na avea o le Atamu lona lua (*Roma 5: 12-14*).

E pei lava fo'i o le upu Atamu o lo o i le mau fa'apitoa lea, o le mea lea o le fa'amatalaga i le faia o Atamu ma Eva o lo o maua lea i le tala o le Foafoaga atoa, e pei ona va'aia i le Kenese 1 ma le Kenese 2. O le uiga lenei i le va'ai lautele i ai. O le mea lenei o lo o fa'ailoa mai le fa'aliliuga po o le fa'amatalaina o autū o lo o fa'aopoopo i ai, o manatu, ma lona atina'e. Kenese 2: 4-25 o nisi taimi na ta'ua ai o le tala i le Foafoaga lona lua, peita'i o le mea moni lava peita'i ua na o sina ese'esega lava i mea o lo o fa'amamafaina (va'ai le mau o le vaiaso). O tala uma ia e lua, ua fa'aalia ai ia i tatou ia le amataga mai o le tagata.

**E pei fo'i ona tatou va'ai i ai, o le tane ma le fafine-tagata-o mea moni na fai e le Atua. O le a se mea o ta'u mai ia i tatou i le valea o le poto o le lalolagi (*1 Kor. 1: 20*) o le mea moni o lo o a'oa'o mai ai i tatou ua tatou i ai ona ua o se avanoa ua tatou maua.**

## O TUSI MA A LATOU FE'AU

O le vaega aupito i telē lava o le Tusi Pa'ia o tusi ia o le Tusi Pa'ia. O Tusi o le Tusi Pa'ia na tusia ona o mafua'aga ese'ese ma e ese'ese fo'i lona fa'atulagaina. O nisi na fa'aaogaina mo fe'au fa'a-perofeta, o nisi o le tu'u fa'atasiga, e pei o Salamo. E i ai ia tusi e ta'ua o tala fa'asolopito, e pei o le 1 ma le 2 Tupu, ma e i ai ma tusi i ekalesia ese'ese, e pei o tusi ia na tusia e Paulo ma isi.

A o tatou sa'ili ina ia tatou malamalama i le uiga o le tusi ma lana fe'au, e tāua tele ai le amata mai i le tusitala ma lona fa'atulagaina o le tusi. E tele tusi o le Tusi Pa'ia o tusitala na tofia. O ulua'i tusi e lima o le Feagaiga Tuai ua fa'ailoa mai le tusitala o Mose (*Ios. 8: 31, 32; 1 Tupu 2: 3; 2 Tupu 14: 6; 2 Tupu 21: 8; Ese. 6: 18; Ne'e. 13: 1; Tan. 9: 11-13; Mal. 4: 4*). O le mea lenei na fa'amaonia e Iesu (*Mar. 12: 26; Ioa. 5: 46, 47; Ioa. 7: 19*) ma le au aposetolo (*Gal. 3: 22; Rom. 10: 5*). O isi mea, o nisi o tusitala o le Tusi Pa'ia e le o ta'ua mai. (O se fa'ata'ita'iga, o tusitala o tusi o Eseta ma Ruta ia ma tusitala fo'i o le tele o tala fa'asolopito o tusi, e pei o Samuelu ma Nofoa'iga a Tupu, e le o ta'ua mai.)

**Faitau le Kenese 15: 1-5 ma le Kenese 22: 17, 18. O le a se aogā ia i tatou i le tusia e Mose o le tusi o Kenese?**

---

O le Eseoto e oo i le Teuteronomie na tusia e Mose mulimuli ane, o le mea moni lava, o le Esoto. Ona talu ai o le Kenese o le fa'avae ma avea o le tala fa'asolo o galuega a le Atua mai le Foaoaga se'ia oo atu i le taimi o le au pateriaka, o le mea lea e talafeagai ai le tusi lenei na tusia muamua atu i le Esoto.

"A o gasolo pea tausaga, a o ta'amilomilo Mose ma ana lafu manu i le vao tu'ufua, ma manatunatu i le sauāina o lona nu'u, na ia toe faitauina le feagaiga a le Atua ma ona tamā ma folafolaga o le tofi o le nu'u filifilia, ma talosaga mo Isarael na molia a'e i ao ma le po. Na fa'asoat atu e le au agelu a le lagi le malamalama ia te ia. Ma o inei i lalo ifo o le musumusuga a le Agaga Pa'ia, na ia tusia ai le tusi o Kenese." -E. G. White, *Patriarchs and Prophets*, p. 251.

Na ta'ua mai ia i tatou i le tusi o Kenese e le gata o lo tatou amataga mai a e peita'i o le fuafuaga o le fa'aolataga, po o le auala e fa'aolaina ai e le Atua le fanau a tagata pa'ū ese. O le fuafuaga lenei ua avea ma mea ua sili atu ona manino le feagaiga na faia e le Atua ma Apereamo, lea o lo o aofia i ai ana folafolaga ina ia faia ia ma nu'u e tele ma ana fanau e pei o fetu o le lagi ma le oneone o le matafaga" (*Ken. 22: 17*).

**SU'ESU'EGA FA'AOPPOPO:** Faitau Ellen G. White, "John Wycliffe," pp. 79-96; "Luther Before the Diet," pp. 145-170, in *The Great Controversy*; faitau le vaega e 4. a-j. mai le "Methods of the Bible Study", e maua lea i le tuatusi lea: [www.adventistbiblicalresearch.org/materials/bible-interpretation-hermeneutics/methods-bible-study](http://www.adventistbiblicalresearch.org/materials/bible-interpretation-hermeneutics/methods-bible-study).

"Na tu'uina mai e le Atua i tagata le malamalama po o le poto e mana'omia mo le fa'aolataga i lana afioga, E tatau lava ona talaina le Tusi Pa'ia e avea o le pule, o le fa'aaliga lē masesē o lona finagalo. Lea ua avea ma tapula'a o lana amio, o le fa'aaliga o a'oa'oga, ma o le fua e iloilo ai mea o tutupu...O le mea moni lava i le fa'aaliga o le finagalo o le Atua i tagata e ala i lana afioga, e le fa'apea o le a lē mana'omia ai le fa'atasi ai pea o le ta'ita'iga a le Agaga Pa'ia. O le ese'esega, na folafola mai le Agaga o lo tatou Fa'aola, ma tatalaina atu le Upu i ana auauna, ma ia fa'amalamalama ma fa'aaogā ana a'oa'oga. Ma talu ai o le Agaga o le Atua na musumusuina le Tusi Pa'ia, ma e faigata ai lava i le a'oa'oga a le Agaga ona ese'ese ma le upu." -Ellen G. White, *The Great Contorversy*, p. 9.

## FESILI MO FELAFOLAFO A'IGA:

- (1) E ui lava i le tele o fa'aliliuga o le Tusi Pa'ia o i ai i lau gagana, o le a se mea e mafai ona e faia ina ia sili atu ai ona fa'aaogaina le mea o ia te oe? E fa'apefea ona e a'oa'oina e fa'apelepele le Tusi Pa'ia o le Afioga a le Atua ma sa'ili, i le fa'atuatua, ia usita'ia mea o ia a'oa'o mai ai?
- (2) Manatunatu i le ese'esega i le mea o a'oa'o mai ai le afioga a le Atua i le amataga mai o le tagata (na faia i tatou e le Atua i le aso ono o le Foaoaga) ma o le a le mea a le fanau a tagata i le igoa o le poto fa'alelalolagi o a'oa'o mai ai, fa'apea na fa'asolosolo malie mai lava ona tatou i ai i le faitau piliona o tausaga. O a mea o ta'u mai ia i tatou i manatu nei e lua i le tāua i le pipi'i pea lava i le a'oa'oga a le Tusi Pa'ia, ma o le a le mamao e mafai ai e le tagata ona sua fa'afuase'i mai le Afioga a le Atua ma le mea o lo o manino ona a'oa'o mai?
- (3) O a ni auupega a le Tusi Pa'ia, o avanoa mo oe e mafai ona fesoasoani atili ai ia te oe ia malamalama ai i le Tusi pa'ia? Ma pe afai e leai ni mea faigaluega po o ni aupega, e fa'apefea ona e fa'aaogaina nisi o lesona na a'oa'oina i le vaiaso lenei i le auala e fa'aliliu ma fa'amatala ai le Tusi Pa'ia?
- (4) Na ta'u atu i le fanauga a Isarael ina ia a'oa'o a latou fanau i upu moni silisili na tu'uina atu ia i latou ma toe ta'u atu tala e uiga i le ta'ita'iga a le Atua i o latou olaga (*Teut. 4: 9*).

# Foafoaga: Kenese e fai ma Fa'avae - Vaega 1

## AOAULI O LE SAPATI:

**FAITAUGA MO LE SU'ESU'EGA O LE VAIASO:** *Ioane 1: 1-3, Ken. 1: 3-5, Eso. 20: 8-11, Fa'aa. 14: 7, Mat. 19: 3-6, Roma 5: 12.*

**MATUA TAULOTO:** "Sa i le amataga le Lokou, sa i le Atua le Lokou, o le Atua fo'i le Lokou. O ia lava sa i le Atua i le amataga. Na ia faia mea uma lava, e leai fo'i se mea e tasi na faia e le'i faia e ia. Sa ia te ia le ola, o le ola fo'i o le malamalama lea o tagata" (*Ioane 1: 1-4*).

O ulua'i mataupu o le Kenese o lo o fai ma fa'avae i isi vaega o le Tusi Pa'ia. O a'oa'oga tetele ma a'oa'oga o le Tusi Pa'ia e i ai lava mea e mafua mai ai i mataupu nei. O inei tatou te maua ai le natura o le aiga Atua o lo o galulue fa'atasi o le Tamā, Alo (*Ioane 1: 1-3; Epe. 1: 1, 2*), ma le Agaga (*Ken. 1: 2*) i le faia o le lalolagi ma mea uma o i ai, a e taualuga i le tagata (*Ken. 1: 26-28*). O le Kenese fo'i o lo o fa'ailoa mai fo'i ia i tatou le Sapati (*Ken. 2: 1-3*), o le amataga o le agasala (*Kenese 3*), o le Mesia ma le fuafuaga o le fa'aolataga (*Ken. 3: 15*), o le lalolagi uma, ma le lolo i le atulaulau (*Kenese 6-9*), o le feagaiga (*Ken. 1: 28; Ken. 2: 2, 3, 15-17; Ken. 9: 9-17; Ken. 15*), o le fa'asalalauina o tagata ma gagana (*Ken. 10, Kenese 11*), ma le gafa o lo o ona aumaia le va'ava'a atoa o le fa'asologa o le Tusi Pa'ia mai le Foafoaga ia Aperaamo (*Kenese 5, Kenese 11*). A e fa'ai'u i le mana o le Afioga na fetalaia mai e le Atua (*Ken. 1: 3, 2 Tim. 3: 16, Ioa. 17: 17*), o le natura o le fanau a tagata (*Ken. 1: 26-28*), o le amio a le Atua (*Mat. 10: 29, 30*), o le fa'aipoipoga i le tane ma le fafine (*Ken. 1: 27, 28; Ken. 2: 18, 21-25*), tausi mea a le lalolagi ma le mea na aumai ai (*Ken. 1: 26; Ken. 2: 15, 19*), ma le fa'amoemoe na folafolaina mai o le foafoaga fou (*Isa. 65: 17, Isa. 66: 22, Fa'aa. 21: 1*) ma mea uma e fa'avae mai i le mataupu muamua lenei, o le a avea ma tatou su'esu'ega o le vaiaso lenei.

*Su'esu'e le lesona o le vaiaso lenei e saunia ai mo le Sapati, Me 23.*

"I LE AMATAGA....."

**Faitau le Kenese 1: 1. O a ni upu moni loloto o fa'aalia mai i inei?**

---

O lo o tatalaina le Tusi Pa'ia i ni upu sili ona tāua, upu e faigofie a e lē mafuatia le loloto pe afai e su'esu'eina ma le fa'aeteete. O le mea moni lava, o le fesili aupito i sili a le au popoto fa'atatau ia i tatou po o ai i tatou, pe aisea ua tatou i ai ai i inei, ma e fa'apefea ona tatou i ai i inei ua uma ona tali i le faiupu muamua lava o le Tusi Pa'ia.

Ua tatou i ai nei ona o le Atua na ia faia i tatou i le taimi ua te'a. E le'i fa'asolosolo ona tatou o mai i le lalolagi, tatou te le'i o mai fo'i ona o se avanoa ua tatou maua, e aunoa ma se mafua'aga, ma leai se mea ua fuafua e aga'i i ai, e pei o le tele o mea o lo o a'oa'oina nei e le au popoto i le mea na amata mai ai. O le talitonuga o Tauini (Darwin) e ese mai le Tusi Pa'ia, ma o lo o taumafai nisi ia o fa'atasi ma le Tusi Pa'ia ma avea ai le au Kerisiano pei o vale.

E fa'apefea fo'i i tatou ona faia e le Atua i le taimi tonu lava lea: "i le amataga." O lona uiga na i ai le Atua muamua i le amataga lenei. O lona uiga, na i ai le Atua a o le'i faia le taimi ma na fa'amatalaina i le ta'aviliga faifai pea o le "afiaifi ma le taeao" ma o le faitau masina ma tausaga, na fa'ailoga uma lava e ala i le feso'ota'iga a le lalolagi i le la ma le masina. O le amataga tonu lenei o lo o fa'aleo ma lagolagoina e isi faitau o le Tusi Pa'ia, lea o lo o fa'amaonia ai pea lava le natura o auala o le galuega Foafoa a le Atua (*Ioane 1: 1-3*).

**Faitau le Ioane 1: 1-3 ma le Eperu 1: 1, 2. O ai sui o le foafoaga? Manatunatu i le uiga ona o ia fo'i na maliu i luga o le satauro.**

---

O lo o a'oa'o mai le Tusi Pa'ia o Iesu o le sui o le foafoaga. Fai mai le Tusi Pa'ia "Na ia faia mea uma lava, e leai fo'i se mea e tasi na faia e le'i faia e ia" (*Ioane 1: 3*). E ala atu ia Iesu na ia faia ai le lalolagi (*Epe. 1: 1, 2*). Ona o mea uma na amata mai ia Iesu i le amataga, e mafai ai fo'i ona ia i tatou le fa'amoemoe pe a oo i le i'uga o le a ia fa'aumaina le mea na ia amataina mai, ona o ia o le Alefa ma le Omeka," o le Muamua ma le Mulimuli" (*Fa'aa. 1: 8, Fa'aa. 22: 13*).

**O le a se ese'esega e iloa ai na faia oe e le Atua? Mafaufau pe afai e le talitonu i ai. E fa'apefea lava ona ese lau va'ai ia te oe ma isi, ma aiseā?**

## “O ASO O LE FOAFOAGA”

O nai tausaga e le'i mamao atu na i ai lava le va'aiga e masani ai i le vайасо o le Foafoga fa'apea e lē moni, o se fa'atusa, o se fa'ataoto, po o se fagogo. O le mea lenei na tula'i mai i le fa'ato'a tula'i mai o le talitonuga fa'a-evolusi, lea fai mai i le faitau tausaga na fa'asolosolo mālie mai ai lava ma i ai le ola i le paneta lenei o le lalolagi.

O le a se mea o a'oa'o mai ai le Tusi Pa'ia e uiga i lenei mataupu? Aisea e aso o le Foafoga e le Kenese 1 e tatau ona malamalama o aso moni lava, a e le o ni aso fa'afa'atusa?

**Faitau le Kenese 1: 3-5 ma le Esoto 20: 8-11. Na fa'apefea e le faitau "aso" na fa'aaogaina i le mataupu lea?**

---

O le fa'a-Eperu o le *yom*, po o le aso, na fa'aaogaina pea lava i le tala o le Foafoga o aso moni lava. E leai lava se mea o i le Foafoga i le Kenese o fa'apea mai ai le tusi o se mea e ese mai i aso moni nei na fa'auiga i ai, e pei ona tatou iloa le aso i le asō. O le mea moni, O nisi o le au su'esu'e o le Tusi Pa'ia latou te le talitonu fa'apea o aso e faitau sa'o lava ma e moni, a e ui lava i lea, tatou te iloa lava o le agaga o le tusitala o aso moni lava.

O se mea mata'ina tele ona o le Atua lava ia na ia fuafuaina le igoa lenei mo le vaega muamua lenei mo le taimi (*Ken. 1: 5*). *Yom*, po o le aso, o lo o fa'aalia ma le faitau "na i ai le afiafi ma le taeao" (*Ken. 1: 5, 8*). O le faitau o lo o fa'aaogaina i le numera tasi, e le o se numera tele, o lona uiga o le aso e tasi.

O le mea lea, o aso e fitu o le Foafoga e tatau ona malamalama o se vaega ua atoatoa o le taimi, na fa'ailoa mai e le numera o i ai totonu o le vaega atoa lenei e ta'ua o le (cardinal number) *echad* ("tasi") e mulimuli mai ai fainumera o lo o ia fa'ailoa mai le tulaga o i ai e ta'ua lea o "ordinal number (lua, tolu fa). O le ata lenei o lo o ona fa'ailoamai le fa'asologa o aso, a e fa'ai'u i le aso fitu. E leai lava se fa'aalia i le fa'aogaina o faitau po o le vaega o le mea o fa'amatala mai fa'apea o i ai se va i le va o aso nei. O aso e fitu o le foafoga e moni lava, o aso e fitu e pei ona tatou fa'asoloina aso i le asō.

E le gata i lea, o le uiga po o le natura moni o le aso na talia lava ina ua tusia e le Atua i lona lava a'ao le poloa'iga e fa, o lo o fa'aalia ai le amata mai o le Sapati aso-fitu o lo o fa'asolosolo sa'o lava i aso moni lava e fitu, le vайасо o le Foafoga.

**O le Foafoga i le Kenese ua le na o le pau lea o le foafoga i le Tusi Pa'ia. e i ai fo'i le toe-foafoga, i le Afio fa'alua mai, pe afai o le a toe fa'afouina e le Atua le tagata oti i le ola pea "e pei o le emo o le mata, i le ilia o le pu fa'auma" (I Kor. 15: 52).**

55.

## O LE SAPATI MA LE FOAFOAGA

O le asō ua matuā osofa'ia ai lava le Sapati aso fitu e fa'alapotopotoga a le lalolagi ma mea tau tapua'iga. O lo o mafai lava ona va'aia pea galuega a fa'alapotoptoga o le lalolagi, i le taumafai pea ina ia suia le kalena i le tele o atunu'u Europa ua latou fa'ailogaina le Aso Gafua o le aso muamua o le vайасо a o le Ulua'i Aso Aso Sa o le aso fitu; ma o le fa'asilasilaga talu ai nei lava a le pope i le suaia o le tau na ta'ua ai le aso fitu o le Sapati o le Sapati Iutaia ma fa'amalosia le lalolagi ina ia tausia le aso malolō ina ia fa'aitiitia ai le vevela ua lapata'ina ai le lalolagi (Pope Francis, *Laudato Si* [Vatican City, Vatican Press, 2015], pp. 172, 173).

**Faitau le Kenese 2: 1-3, Esoto 20: 8-11, Mar. 2: 27, ma le Fa'aalia 14: 7. E fa'apefea e le vайасо o le Foafoga ona feso'ota'i atu i le poloa'iga e fa? E fa'apefea ona feso'ota'i atu i fe'au a agelu e to'atolu?**

---

---

Fai mai le Tusi pa'ia, "Ua fa'auma e le Atua i le aso fitu lana galuega na faia e ia" (*Ken. 2: 2*). "Ina ua uma ona malolo i le aso fitu, na fa'apa'iaina loa e le Atua pe na vavae ese, o se aso e malolo ai le tagata." - Ellen G. White, *Patriarch's and Prophets*, p. 47. O le mafua'aga lea ua mafai ai e Iesu ona ia fa'apea mai, "Ua faia le Sapati mo tagata, a ua le faia tagata mo le Sapati" (*Mar. 2: 27*). E mafai e Iesu ona faia le faitau lenei e pei o se ua i ai le pule ona o ia na ia faia le Sapati o le fa'ailoga e fa'avavau ma o le fa'amaufa'ailoga o le feagaiga a le Atua ma ona tagata. O le Sapati e le'i faia na o tagata Eperu, peita'i e mo le fanau uma a tagata.

Na fa'aalia e le Kenese ni mea se tolou na faia e Iesu ina ua uma ona ia faia le aso Sapati. Muamua, na ia "malolō" (*Ken. 2: 2*), na ia tu'uina mai ia i tatou se fa'ata'ita'iga fa'alelagi o lona finagalo ina ia malolo fa'atasi ma i tatou. Lona lua, na ia "fa'amanuia" i le aso fitu (*Ken. 2: 3*). I le tala o le Foafoga, na fa'amanuia manu vaefa (*Ken. 1: 22*), ma Atamu ma Eva na fa'amanuia ina (*Ken. 1: 28*), peita'i ua na o le tasi lava le aso na fa'amanuia fa'apitoa o le aso fitu. Lona tolu, na "fa'apa'ia" e le Atua (*Ken. 2: 3*) pe na "faia fo'i ia pa'ia."

E leai lava se isi aso i le Tusi Pa'ia o maua ma i ai mea ia e tolou. O mea nei e tolou na toe ta'ua pea lava i le poloa'iga e fa, na tusia e le Atua i lona lava aao ma toe fa'asino atu i tua i le Foafoga o le fa'avae o le Sapati (*Eso. 20: 11*).

**O le Fa'aalia 14: 7 ma le Esoto 20: 11, o le poloa'iga o le Sapati na fa'asino tonu mai lava o le fa'avae o le tapua'iga i le Foafoga. E fa'apefea e le feso'ota'iga lenei i le Sapati ona feso'ota'i atu i mea tutupu i le iuga?**

56.

## O LE FOAFOAGA MA LE FA'AIPOIPOGA

O le sefulu tausaga ua mavae na molimauina ai suiga tetele i le auala na fa'amatalaina ai e le fa'alapotopotoga ma le malo le fa'aipoipoga. O le to'atele o le lalolagi ua latou fa'amaonia le tulaga o le fa'aipoipo o le tane i le tane po o le fafine i le fafine, ua liliuina le tulafono na puipuia mai ai le aiga i le fa'aipoipoga a le tane e to'atasi ma le fafine e to'atasi. O se mea lenei e le'i tupu muamua, ma na tula'i mai ai le mau fesili e fa'atatau i le faia o le fa'aipoipoga, i le va o le eklesia ma le malo, ma le fa'apa'iaina o le fa'aipoipoga ma le aiga e pei ona fa'amalamalamaina i totonu o le Tusi Pa'ia.

**Faitau le Kenese 1: 26-28 ma le Kenese 2: 18, 21-24. O le a se mea a mau nei o a'oa'o mai ai i tatou e uiga i le finagalo o le Atua i le fa'aipoipoga?**

---

I le aso ono, na taualuga ai e le Atua le Foafoaga, o le faia lea o le tagata. O se mea ofoofogia ina ua fa'aaogaina e le Atua le numera tele i le Atua i le Kenese 1: 26: "Ina tatou faia ia o le tagata i lo tatou fa'atusa." "O peresona uma o le aiga Atua i le feso'ota'iga a le tasi i le tasi lea ua latou faia se mafutaga fa'alelagi e ala i le fa'aipoipoga i le lalolagi.

"Ona faia lea e le Atua o le tagata i lona fa'atusa, o le fa'atusa o le Atua na ia faia ai o ia, na faia e ia o i la'u o le tane ma le fafine" (Ken. 1: 27). Ona fa'apea lea o Atamu, "o le ivi lava lenei o o'u ivi, ma le a'ano o o'u a'ano" (Ken. 2: 23), na fa'aigoaina e Atamu o le Fafine. O le mea lea e tu'ua ai e le tane lona tamā ma lona tinā a e mau fa'atasi ma lana avā, ona avea ai lea o i la'u ma tino e tasi" (Ken. 2: 24).

O le Tusi Pa'ia e lē masalomia le mafutaga lenei ia faia i le va o le tane ma le fafine, lea na amata mai mai lo latou tamā ma le tinā, e le gata i lea a o le tane ma le fafine. O le manatu na fa'amanino atili mai i le fa'atonuga na tu'uina atu i ulua'i matua o le lalolagi. "Ua fa'amanuia fo'i e le Atua ia te i la'u, ma ua fetalai atu le Atua ia te i la'u, Ia fanafanau ma ia uluola, ma ia tumu ai le lalolagi ma ia fa'ato'ilalo i ai (Ken. 1: 28). I le poloa'iga e lima, o le fanau ia ava i o latou tamā ma o latou tinā (Eso. 20: 12). E le mafai e le mafutaga lenei ona fa'ataunu'u i se isi lava mea peita'i na o le feusua'iga lava i le va o le tane ma le fafine.

**Faitau upu a Iesu i le Mataio 19: 3-6. O le a se mea o a'oa'o mai ai i tatou i le natura ma le fa'apa'iaina i le fa'aipoipoga? I le malamalamaga i upu a Iesu, ma a lē mafai ona fa'agalo le alofa o le Atua mo le fanau a tagata ma o i tatou uma o tagata agasala, e fa'apefea ona tatou tumau ma fa'amaoni i tulafono fa'avae o le fa'aipoipoga?**

57.

**ASO TOFI**

**ME 21**

## FOAFOAGA, O LE PA'Ū, MA LE SATAURO

Ua ta'ua mai e le Tusi Pa'ia le feso'ota'iga e lē mafai ona motusia i le va o le Foafoaga atoatoa, o le Pa'ū, o le folafolaga i le Mesia, ma le fa'aolataga mulimuli. O mea tetele nei ua avea ma fa'avae autū o le tala fa'asolopito o le fa'aolataga mo le fanau a tagata.

**Faitau le Kenese 1: 31, Kenese 2: 15-17, ma le Kenese 3: 1-7. O le a se mea na tupu i le Foafoaga atoatoa a le Atua?**

---

Na fa'ailoa mai e le Atua lana Foafoaga "ua lelei" (Ken. 1: 31). "Ua atoatoa le foafoaga...ua totogo a'e la'au i Etena. O lo o sa'oloto Atamu ma Eva i le la'au o le ola. E le'i pisia i le agasala po o se ata o se oti fa'apea ua fa'aleagaina ai le foafoaga."-Ellen G. White, *Patriarch's and Prophets*, p. 47. Ua lapata'ina e le Atua Atamu ma Eva pe afai la te ai i le fua o le la'au ua fa'asaina, o le a la oti loa (Ken. 2: 15-17). Na amata le talanoaga a le gata i le fesili ma fete'ena'i ai ma le mea na fetalai atu ai le Atua : "Lua te le oti lava" (Ken. 3: 4). Na folafola atu e Satani ia Eva le iloa po o le poto ma o le a avea ia e pei o se Atua. Ma e mautinoa lava na talitonu i ai.

**Na fa'apefea ona fa'amausalī e Paulo le faitau o i le Kenese 2: 15-17? Faitau le Roma 5: 12 ma le Roma 6: 23. E fa'apefea e a'oa'oga nei ona feso'ota'i atu i le talitonuga fa'a-evolusi?**

---

I totonu o le Tusi pa'ia e mafai ona tatou va'ai ai le mea na ulua'i fa'amaonia mai e le to'atele o tusitala o le Tusi Pa'ia ia faitau a le Tusi Pa'ia o aumaia ai le fa'aopoopoga o manatu na i ai. I le Roma 5-8, na tusi ai Paulo i le agasala ma le ofoofogia o le fa'aolataga: "Fa'apei ona oo mai le agasala i le lalolagi i le tagata e to'atasi, o le oti fo'i ona o le agasala, ona oo mai ai lea o le oti i tagata uma" (Roma 5: 12). Peita'i o le manatu fa'a-evolusi na i ai lava le oti i le faitau miliona o tausaga a o le'i faia le tagata. O le manatu lenei e fete'ena'i ma le a'oa'oga a le Tusi Pa'ia i le mea na amata mai ai le agasala. Pe afai o le oti e le feso'ota'i ma le agasala, ona avea loa lea o le totogi o le agasala e le o se totogi o le oti (Roma 6: 23), ona leai lava lea o se aogā po o se mafua'aga na maliu ai Keriso mo a tatou agasala. Ma o le mea lea, o le Foafoaga, o le Pa'ū, ma le Satauro e so'o fa'atasi. O le Atamu muamua e feso'ota'i ma le Atamu mulimuli (1 Kor. 15: 45, 47). O le talitonuga fa'a-evolusi, e tusa lava pe i ai nisi manatu i le Atua e tu'u i ai, o le a fa'aleagaina ai le fa'avae o le fa'a-Kerisiano.

58.

**ASO FARIALE**

**ME 22**

**SU'ESU'EGA FA'AOPPOPO:** "Faitau Ellen G. White, "The Creation," pp. 44-51; "The Literal Week," pp. 111-116, in *Patriarchs and Prophets*.

"O le mau fa'amaoniga, e fa'avae mai i le fa'atusatusaga, o tusitusiga, gagana ma isi lava mau taofi, ua aofia i ai vaega uma lava, ua i'u ai i le i'uga e tasi o le *yom*, aso (day) i le Kenese 1 o lo o fa'auiga o le 24 itula i le aso e moni. "O le tusitala o Kenese 1 ua le mafai ona faia se isi mea e fa'amalamalama a'i ma nisi auala e fa'amatala ai le manatu o le aso e moni e le o se mea e fa'a-fa'atusa, nai lo le mea ua uma ona filifilia." -Gerhard F. Hasel, "The 'Days' of Creation in Genesis 1: Literal 'Days' or Figurative 'Periods/EPOCHS' of Time?" *Origins* 21/1 (1994), pp. 30, 31.

"O mafaufau atamamai, pe afai e le ta'ita'ina e le upu a le Atua, o le a avea loa o se mea ua fenumia'i i lo latou taumafai lea e su'esu'e le feso'ota'iga a le poto fa'a-saienitisi ma le fa'aaliga. O le Foafoa ma lana galuega e sili atu nai lo le mea o latou malamalama i ai; ma talu ai o le mea lenei e le mafai ona fa'amatalaina e tulafono masani, o le mea lea ua fa'ailoa mai ai e le tala fa'asolopito o le Tusi Pa'ia lona lē fa'atuuatuaaina." - Ellen G. White, *Testimonies for the Church*, vol. 8, p. 258.

#### FESILI MO FELAFOLAFOA'IGA:

(1) **Va'ai i le si'itaga a Elena Uaita o lo o i luga. E fa'afia ona e va'ai i le asō e pei lava o le mea sa ia tusia anamua, fai mai e oo lava i le au Kerisiano na latou fa'ailoa mai le poto fa'asaienisi, e sili atu i le Tusi Pa'ia, lea na ia tusia ai, ua latou manatu e oo lava i le tala fa'asolopito o le Tusi pa'ia "e lē fa'atuuatuaaina"?**

(2) **Aisea e le faigofie ai ona tatou fa'atalalē i le Tusi Pa'ia ma tatou taliaina le talitonuga fa'a-evolusi? Afai e te iloa le fa'a-evolusi fai mai o le Kerisiano, aisea e te le fesili ai ia te ia ia fa'amatala mai le Satauro i le mea na tusi mai ai Paulo (*Roma* 5) fa'atatau i le feso'ota'iga i le pa'ū o Atamu ma le maliu o Iesu i luga o le satauro? O le a sana fa'amatalaga i ai?**

(3) **Afai o le Tusi Pa'ia o le fa'aaliga mai le Atua, pe o le a le pupula ea la mata o le au fa'atuuatua i le mea moni e sili atu e pei ona fa'amatalaina i le Tusi Pa'ia? E fa'apefea e le au Kerisiano i lea taimi na vala'uina mafaufau taofiofi mamau a o tu'uina atu o latou loto i upu moni o le Tusi Pa'ia na fa'aalia mai e le Atua silisili? O le mea moni lava, o le va'ai a le lalolagi i mea o i ai e sili atu lona pu mo'omo'o nai lo le va'ai a le Kerisiano i le lalolagi.**

# Foafoaga: Kenese e Fai ma Fa'avae - Vaega 2

## AOAULI O LE SAPATI

**FAITAUGA MO LE SU'ESU'EGA O LE VAIASO:** *Iopu* 26: 7-10; *Kenese 1; Kenese 2; Kenese 5; Kenese 11; I N. Tupu. 1:18-27; Mat.19: 4, 5.. Ioane 1: 1-3.*

**MATUA TAULOTO:** "Ua tala mai e le lagi le mamalu o le Atua, ua fa'aalia fo'i e le va nimonimo le galuega a ona a'ao" (*Salamo 19: 1*).

E to'atele le au fai mafaufau na musumusuina e le Tusi Pa'ia ia iloa ai le lalolagi na faia e le Atua, ma o lona i'uga, na fanaua mai ai le poto fa'aonaponei. O Johannes Kepler, Isaac Newton, John Ray, Robert Boyle, ma ulua'i saienitisi atamamai na latou talitonu o la latou galuega na fa'aalia ai e oo lava i le sili atu i galuega na faia i le foafoaga a le Atua.

Ina ua uma le fouvale a Farani, e ui lava o le sefuluiva seneturi na amata ai ona gaoioi le poto fa'assaienisi ma lē talitonu le au saienitisi i le Atua, ma ua matuā leai se nofoaga o le Atua i le poto fa'assaienitisi. O manatu po o le poto fa'a-filosofia lenei na fa'alaua'itele e Charles Darwin i le *Origin of Species* (1859). Talu mai lea taimi, na vavae ese mai ai lava le fa'assaienisi mai le fa'avae o le Tusi Pa'ia, na i'u ai ina toe fa'aliliuina le tala i le Kenese.

Na a'oa'o mai ea e le Tusi Pa'ia fa'apea ua tuai ua le o toe fa'aaogaina, e le talitonu i le fa'assaienitisi? Pe o le tala ea i le Tusi Pa'ia na aitalafu pe na nonō mai nu'u fa'apaupau? Pe o le aganu'u ea a le Tusi Pa'ia e fa'alagolago i le nofoaga ma le taimi, pe na musumusuina ea e le natura ia si'itia a'e i tatou i le va'ai lea i le amataga na mae'a lelei i le galuega fa'alelagi?

O nisi nei o fa'afitauli o le a tatou oo i ai i le lesona o le vaiaso lenei.

*Su'esu'e le lesona o le vaiaso lenei e saunia ai mo le Sapati, Me 30.*

## O LE LALOLAGI MAFOLAFOLA

E masani lava ona tatou talitonu ia le tele o le lalolagi anamua na manatu o le lalolagi e mafolafola. O le to'atele o tagata, i le tele lava o mafua'aga e tatau ai, na malamalama o le lalolagi e lapotopoto. E oo lava i le asō, e ui lava o i ai nisi fai mai o le Tusi Pa'ia lava ia o lo o a'oa'o mai o le lalolagi e mafolafola.

**Faitau le Fa'aaliga 7: 1 ma le Fa'aaliga 20: 7, 8. O a mea o i totonu o faiupu nei? A e tāua fo'i, o latou a'oa'oina ea o le lalolagi e mafolafola?**

---

O Ioane o le tusitala o mau nei, o lo o ia tusia valo'aga o le taimi o le i'uga o lo o fa'amatalaina mai ai agelu e to'afa o le lagi o lo o tutu i tulimanu e fa o le lalolagi, o lo o latou taofia matagi e fa (*Fa'aa. 7: 1*). Na ia toe ta'ua le upu fa fa'atolu i le au agelu i itu e fa.

I se taimi pu'upu'u lava, na ia fa'aaogaina ai le gagana fa'afa'atusa, e pei ona tatou faia i le asō pe a tatou fa'apea ane, o se fa'ata'ita'iga, ua goto le la po o le matagi ua agi mai sasa'e. Ina ia tausisi pea i le fa'aliliuga moni o mau fa'avaloa'aga nei ina ua fa'alia mai mea o lo o i ai le manatu i le fa'afa'atusa o le itu i matū, saute, sasa'e, ma sisifo e ave'esea ai faitau nei mai lo latou uiga na i ai ma a'oa'o mai se mea latou te le o a'oa'oina. Mulimuli ane, ina ua fetalai Iesu, "Auā ē alu a'e mai le loto o le manatu leaga, o le fasioti tagata, o le mulilua, o le faita'aga, o le gaoi, o le molimau pepelo ma le upu leaga" (*Mat. 15: 19*). E le o fetalai fa'atatau i vaega o le tino po o le fatu o le tagata, a e o lo o ia fa'aaogaina upu fa'afa'atusa o le gagana e ta'u atu ai le manatu o i ai.

**Faitau le Iopu 26: 7-10 ma le Isaia 40: 21, 22. O a mea o lo o latou a'oa'oina ai i tatou i le natura o le lalolagi?**

---

O le Iopu 26: 7, o lo o fa'aataata mai ai le lalolagi o lo o tautau i le va nimonimo: Ua ia folasia le itu i matū i luga o le va nimonimo, ua ia tautauina le lalolagi, a e leai se tautaulaga. O le lalolagi e lapotopoto, (*Iopu 26: 10*). Isaia 40: 22 fai mai, "O Ia le ti'eti'e i luga o le fa'ata'ali'oli'o o le lalolagi, a o ē nonofo ai e tutusa i latou ma sē, o ia le fofola le lagi e pei o se ie manifinifi, na te fa'amafolafolaina ai fo'i e pei o se fale ie e nofo ai".

## FOAFOAGA I TUSITUSIGA ANAMUA

Ua maua e le au su'esu'e i le ele'ele mau mai Aikupito anamua ma Sasa'e Lata mai o lo o i ai tala faa'solopito o le Foafoga ma le Lolo. O le mea lenei na mafua ai ona fesili nisi pe sa nonō mai le tala o le Kenese mai aganu'u nei pe na fa'alagolago atu fo'i i nisi mea na i ai. Peita'i o se mea moni ea?

**Faitau le Kenese 1: 1-2: 4, ona faitau lea o mea na aumai mai le *Atra-Hasis* Epic:** "Ina ua faia e atua a e le o tagata le galuega, na latou tau'aveina le uta/ e mamafaa tele le uta po o le avega a le Atua, / O le galuega e faigata tele, tele le mau fa'alavelave..." "Ia faia e le manava o atua fafine ia ni fanau,/ a ia tau'ave e le tagata le avega a atua!...O Geshtu, o le atua e poto ma atamai, / Na latou fasia i la latou fa'apopototoga. / Na ia palua fa'atasi le omea / ma lona tino ma lona toto..." - E i ai se ese'esega o mafai ona e va'ai i ai?

---

E ui lava e i ai mea e tutusa ai i le tala (fa'ata'ita'iga, o le tagata muamua lava na faia i le ele'ele), o le ese'esega e sili atu ona iloa lelei.

1. I le Atra-Hasis o lo o faigaluega le tagata mo atua ina ia mafai e atua ona malolo. I le Kenese, na faia ai e le Atua le lalolagi ma mea uma o i ai mo tagata o le taualuga o le Foafoga, ona malolo ai lea fa'atasi ma i la'ua. I le Kenese fo'i, tu'u fo'i le tagata i le fa'ato'aga ma ta'u atu i ai ina ia feso'ota'i atu i le Atua ma tausia lana foafoga-o se manatu e le o maua i le *Atra-Hasis*.

2. I le *Atra Hasis*, na fasiotia ai le atua la'iiti ma palu fa'atasi lona toto ma le ele ina ia faia ai ni tane ma fafine to'afitu. I le Kenese, na faia ai le Atamu muamua e le Atua, ma na ia manava atu i ai le ola ia te ia, a o le fafine na ia faia mulimuli ane e avea o lona fesoasoani. E le'i faia e le Atua Atamu ma Eva mai se toto o se atua na fasiotia.

3. E leai lava se fa'ailoga o se mea e fete'ena'i ai pe o se uiga sauā i le tala a le Kenese, e pei ona maua i le tala i le *Atra-Hasis*.

O le tala a le Tusi Pa'ia e silisili ese i le fa'ailoa mai o le Atua mamana o lo o ua ia saunia le fanau a tagata se uiga sili i le lalolagi ua atoatoa. O ese'esega nei ua mafua ai e le au atamamai o le Tusi Pa'ia ma i'u ai i se fa'ai'uga, ese le tala o le foafoga.

**O nisi ua latou fai mai, i le faitau tausaga, o le tala i le foafoga ma le lolo na tu'uina mai, ma na amata ona leiloa malie atu a ua le o le mea moni lea na tupu (a e i ai lava nai mea e tutusa ai), peita'i na sese a o fa'asolo mai le faitau tausaga. O le ese'esega la, o Mose e ala i le musumusuga a le Agaga Pa'ia, na fa'aalia mai le mea moni lava na tupu.**

## TE'ENA E LE KENESE LE FA'AFA'ALEPAUPAU

Na mamao lava se manatu o le Kenese ona fa'alagolago atu i tala fa'afagogo fa'apaupau anamua o le foafoaga, a e na foliga mai o le Kenese na ia tusia i se auala e fa'amaonia ai le sese o tala fatu nei ma vavae ese mai ai le Atua o le Foafoa mai ia i latou.

**Faitau le Kenese 1: 14-19. Na fa'apefea e mea ese'ese nei na fa'amatalaina mai i le aso fa, ma o le a fo'i lo latou aogā ?**

---

---

O le faitau lea "la" ma le "masina" na mautinoa lava na ave'esea ona o latou igoa fa'a-Eperu o igoa ia (na latalata tele i igoa) o atua o le la ma le masina o Sasa'e Lata mai anamua ma Aikupito. O le fa'aaogaina o le faitau "malamalama tele" ma le "malamalama itiiti" na fa'aalia mai ai na faia mo le fa'aaogaina fa'apitoa, ma fa'ailoga ma tau, ma aso ma tausaga ma avatua le malamalama i le lalolagi (*Ken. 1: 14, 15*). O le mea lea, ua fa'aalia manino e le mau le la ma le masina e le o ni atua a o mea na faia mo lo latou fa'aaogaina fa'apitoa, e pei ona tatou iloa ai i le asō.

**Faitau le Kenese 2: 7, 18-24. Na fa'apefea ona aofia le Atua i le faia o Atamu ma Eva?**

---

---

O aso anamua i Sasa'e lata mai o tala fatu nei na latou fa'aataina mai le faia o le tagata o se mea na mulimuli manatunatu i ai, na mafua mai ona o le taumafai ina ia fa'asa'oloto mai atua i le faigata o le galuega. O taofi nei o tala fatu e fetee'na'i mai le manatu o le Tusi Pa'ia i le tagata na tu'uina atu i ai le pule o le lalolagi a o le Atua o lo o fesoasoani i ai. E leai lava se mea i le faia o le tagata fa'apea o se mea na manatunatu mulimuli ane fai ai. Afai e i ai se mea, o lo o fa'asino mai e le mau ia i l'a ua o le taualuga o le tala i le Foafoga, o lo o fa'aalia atili ai le ese'esega o le fa'apaupau ma le tala moni a le Tusi Pa'ia i le foafoga.

O le Kenese la o lo o ia fa'asa'oina mai tala fatu nei i le lalolagi anamua. Na fa'aaogaina e Mose faitau nei ma manatu e lē tutusa ma manatu po o taofi o le au fa'apaupau. Ma na ia faia le mea lenei i lona fa'amatalaina mai o le malamalamaga moni o le Tusi Pa'ia, ma le vaega a le Atua ma mea na mafua ai i le Kenese.

## FOAFOAGA MA LE TAIMI

**Faitau le Kenese 5 ma le Kenese 11. Na fa'apefea e le Tusi Pa'ia ona iloa le tala fa'asolopito o le fanau a tagata mai ia Atamu se'ia oo ia Noa-ma Noa ia Aperaamo?**

E tasi le mea na mafua ai ona uiga ese le faa'sologa o gafa nei i le Tusi Pa'ia: ona sa i ai le taimi, na mafua ai e nisi o le au su'esu'e o le Tusi Pa'ia ina ia ta'ua sa'o le igoa o le ""gafa po o le tupuga." Ua tu'u uma i ai fa'amaumauga o mea na tutupu mai ai atoa ai ma le taimi na tutupu mai ai, ma pe afai o le tagata 1 sa ola i tausaga ua fa'aigoa o le x, ma na i ai ona atali'i ma afafine," Na fa'aopoopo e le Kenese 5 le fa'asologa o le faitau lenei, ma o aso uma o le olaga o le tagata 1 ua faitauina o tausaga z. O le auala lenei ua tu'u po ua lalaga fa'atasi e mafai ai ona puipua mai le tapēina po o le aveesea o nisi o tupulaga po o le fa'aopoopo fo'i i ai o nisi tupulaga. O le Kenese 5 ma le Kenese 11 o lo o i ai pea lava le fa'asologa mai o augā tupulaga, e pei ona o fa'atasi ma le 1 N.Tupu 1: 18-27, e le o fa'aopoopoina ai lava pe i ai fo'i se tupulaga fa'apea o misi mai ai. O le auala lenei ua fa'amatala ai lava e le Tusi Pa'ia ia lava.

Toetoe lava 2,000 tausaga, na fa'amatalaina ai e tagata Iutaia ma le au Kerisiano mau nei ina ia fa'amanino atili mai le tala fa'asolopito ma le auala sili e iloa ai le aso po o le taimi o le Lolo ma tausaga ua i ai le lalolagi, mai le fitu o aso o le Foafoga e pei ona ta'ua mai i le Kenese 1 ma le Kenese 2.

I le faitau o tausaga talu ai nei, na taumafai ai tagata e fa'aliliu le Kenese 5 ma le Kenese 11 ina ia fa'aofi atu i ai fa'apea e tele atu tausaga, e pei o nisi o le au su'esu'e na latou fa'aliliuina ia mea tutupu i le ele'ele ma le tala fa'asolopito. Na tula'i mai ai le mau fesili e uiga i tala fa'amaumau o le Tusi Pa'ia i lona mausalī ma le lē fa'agae'etia.

Peita'i pe afai tatou te malamalama i le fiafuaga a le Atua i le taimi ma lona fa'agasoilo mai i le tala fa'asolopito, e tatau ona tatou iloa o mataupu nei e lua e le gata o le tala fa'asolopito a e o lo o ta'ua fo'i i le su'esuega o le Tusi Pa'ia, o lo o feso'ota'i atu ai Atamu i le isi vaega o tagata ma feso'ota'i atu ai fo'i le Atua i le tagata. O le Kenese 5 ma le 11: 10-26 o lo o ta'ua mai le taimi ma le feso'ota'iga a tagata o le Atua ma le tagata na faia e le Atua o le taualuga o le foafoga i aso e ono i mea na tutupu i le paneta lenei". - Gerhard F. Hasel, "The Meaning of the Chronogenealogies of Gen.5 & 11," Origins 7/2, p. 69.

**E ui lava o mau nei i le Feagaiga Tuai mo lo tatou lelei ma na i ai ona o ni mafua'aga tāua, o le a se mea na fai mai ai Paulo i le 1 Timoteo 1: 4 ma le Tito 3: 9 tatou te mana'omia ina ia tatou fa'alogi i ai ma talanoa i ai fa'atatau i mau nei?**

## "FOAOFAGA I LE TUSI PA'IA"

Faitau mau o i lalo ma tusi i lalo na fa'apefea e tusitala ta'itasi nei ona ta'ua le Tusi o Kenese 1-11:?

Mat. 19: 4, 5 \_\_\_\_\_

Mar. 10: 6-9 \_\_\_\_\_

Luka 11: 50, 51 \_\_\_\_\_

Ioane 1: 1-3 \_\_\_\_\_

Gal. 14: 15 \_\_\_\_\_

Rom. 1: 20 \_\_\_\_\_

2 Kor. 4: 6 \_\_\_\_\_

Efe. 3: 9 \_\_\_\_\_

I Tim. 2: 12-15 \_\_\_\_\_

Iak. 3: 9 \_\_\_\_\_

1 Pet. 3: 20 \_\_\_\_\_

Iuta 11, 14 \_\_\_\_\_

Fa'aa. 2: 7; Fa'aa. 3: 14; Fa'aa. 22: 2, 3 \_\_\_\_\_

O Iesu ma le au tusitala atoa uma lava o le Feagaiga Fou e tapā lava le Kenese 1-11 e fa'alagolago i ai i le tala fa'asolo. Na ta'ua e Iesu tusiga a Mose ma le faia o le tane ma le fafine (Mat. 19: 4). E masani lava ona fa'aaogaina e Paulo le tala o le Foafoaga ina ia fa'amaonia ai le manatu o le Tusi Pa'ia i ana tusi. Na ia fa'ailoa atu i le au a'oao'ina i Atenai, "O le Atua na ia faia le lalolagi ma mea uma o i ai, ona o ia o le Ali'i o le lagi ma le lalolagi, e le mau i malumalu e faia e lima (Gal. 17: 24). O le itu lenei, na fausia a'e ai e le tau tusitala o le Feagaiga Fou le fa'avae o le Kenese ina ia fa'ailoa ai i le au faitau o le taimi nei le tāua o tusitusiga i mea nei na tutupu.

Faitau le Roma 5. Ia sili atu i le fa'aono, o lo o faia ai e Paulo se feso'ota'iga mai ia Atamu ia Iesu (Roma 5: 12, 14-19). O lona uiga, na ia tausisi pea i le i ai o le tala fa'asolopito o Atamu moni lava na i ai, o se tulaga na le'i manuia ona ua oo mai le fa'evolusi ma suia le faitauina sa'o o mau ia.

65.

**SU'ESU'EGA FA'AOPPOPO:** Faitau Gerald A. Klingbeil, ed., *The Genesis Creation Account and Its Reverberations in the Old Testament* (Berrian Springs, Mich.: Andrews University Press, 2015).

"O le Tusi Pa'ia e sili atu ona manino ma malamalamā ma o se tusi e sili ona fa'atonu ai i le tala fa'asolopito o lo o i le tagata. E sau sa'o lava mai le puna vai o le upu moni e fa'avavau, na puipuia ma malutia e le a'ao mai le lagī lona tulaga mamā mai augā tupulaga uma.

O inei tatou te maua ai le tala fa'asolopito o i tatou, e le'i fa'aleagaina e le fa'ailoga tagata po o le fa'amaualuga o le tagata." -Ellen G. White, *Testimonies for the Church*, vol. 5. p. 25.

Ua fa'ailoa mai ia te a'u a aunoa ma le tala fa'asolopito o le Tusi Pa'ia, e le mafai e gafa nei ona fa'amaonia mai se mea. O fa'atagata na maua i le ele'ele na aumaia fa'amaoniga o le tulaga i le ese'ese o le mau mea mai le taimi nei. Peita'i o le taimi na i ai, ma le umi na i ai mea nei i le ele'ele, ua na o le Tusi Pa'ia lava e mafai ona manino ma malamalamā ai. Atonu o se tulaga e mamā ma lelei ia se fa'ai'uga e lē sili atu i le mea o fai mai ai le tala fa'asolopito i le Tusi Pa'ia, pe afai o tatou manatu e le fete'ena'i ma le mea o lo o i totonu o le Tusi Pa'ia. Peita'i pe afai e tu'ua e le tagata le afioga a le Atua ona o le tala fa'asolopito o le foafoaga, ma sa'ilī ina ia fa'amatala galuega foafoa a le Atua e fa'avae mai tulafono o le natura o mea, ua latou pa'u'u atu loa i le vasalaloa o le lē mautinoa. E pei lava ona fa'uma e le Atua le galuega o le foafoaga i aso e moni lava e ono na te le'i fa'aalia lava i se tagata. O lana galuega foafoa e pei lava ona leai se isi e malamalamā i ai e pei lava fo'i ona i ai ia. "-Ellen G. White, *Spiritual Gifts*, book 3, p. 93.

## FESILI MO FELAFOLAFOA'IGA:

(1) Ina ua fa'amatalaina mai e le au saienitisi le moni i le mea ua i ai nei-o le a se mea e mafai ona tatou faia, fa'ologo, va'ai, iloilo ma toe iloilo-ua tumu i le mau finauga ma fete'ena'i, aisea e le to'atele o tagata ona lē fesili i le talia o mea uma fa'asaienitisi ua ta'ua ai fa'atatau i mea tutupu sa tatau ona tutupu i le faitau miliona pe faitau piliona fo'i tausaga ua mavae?

(2) O le poto fa'asaienisi i ona po nei o lo o galulue ma le manatu (a fa'apea e i ai mafua'aga e tatau ai) e le mafai ai ona e fa'aaogaina auala fa'alelagi e fa'amatala ai le natura o mea o tutupu. O lona uiga, e mafai lava ona e taumafai e fa'amatala, o se fa'ata'ita'iga, o se oge i le fai mai lea ua fetu'u e le fa'ataulaitu ia le lauele'ele. Peita'i, o fea o le a pau mai ai nei mea pe a oo mai i le tala o le Foafoaga e pei ona ta'ua i le Kenese? O le isi fa'aupuga, o le tala i le Kenese o se mea moni fa'alelagi na tupu. Afai e te fa'apea o le mea fa'alelagi le foafoaga, aisea e tatau ai ona sese isi mau taofii?

66.

LESONA 10

ME 30-JUNI 5

ASO FARAILE

ME 29

# O Le Tusi Pa'ia o le Tala Fa'asolopito

## AOAULI O LE SAPATI

**FAITAUGA MO LE SU'ESU'EGA O LE VAIASO:** *1 Samuelu 17, Isa. 36: 1-3, Isa. 37: 14-38, Tanielu 1, Tanielu 5, Mat. 26: 57-67, Epe. 11: 1-40.*

**MATUA TAULOTO:** “**O a'u o Ieova lou Atua, o le na aumaia oe nai le nu'u o Aikupito”** (*Esoto 20: 2 [Teut. 5: 6]*).

O le Tusi Pa'ia o se vaega o le tala fa'asolopito. O le tala fa'asolopito o le Tusi Pa'ia o lo ua aga'i atu lava i le itulagi sa'o mai le amataga, ina ua faia e le Atua o mea uma, se'ia oo atu i le sini, pe afai o le a ia toe fa'af'o'isia mai le lalolagi i lona Afio fa'alua mai.

O le natura i le tala fa'asolopito o le Tusi Pa'ia o le tasi o uiga e ese mai ai lava ia mai isi tusitusiga pa'ia a isi tapua'iga. O lo o tausisi pea lava le Tusi Pa'ia i le soifua pea o le Atua lea o lo o galue pea lava i le tala fa'asolopito; na te le o taumafai ina ia fa'amaonia. A o le amataga lava, na fetalai ai le Atua, ma oo mai ai le ola i le lalolagi (*Ken. 1: 1-3*). Na ia vala'au ia Aperamo i Kaletaia. Na ia lavea'ina ona tagata mai le pologa i Aikupito. Na ia tusia Poloa'iga e Sefulu i le papa ma'a i ona lava a'ao (*Eso. 31: 18*). Na ia auina atu le au perofeta. Na ia tu'uina atu fa'amasinoga. Na ia vala'auina tagata ina ia soifua ma ola ma ia fa'ailoa atu lana tulafono fa'alelagi ma le fuafuaga o le fa'aolataga i isi malō. A e mulimuli ane ai, na ia auina atu lona Alo o Iesu Keriso i le lalolagi, ma vavae ese mai ai le tala fa'asolopito e fa'avavau.

O le vaiaso nei, o le a tatou va'ai ai i nisi o fa'afitauli iloga i le tala fa'asolo e pei ona ta'ua mai i le Tusi Pa'ia mai nisi o fa'amaoniga mai lalo o le ele'ele e mafai ona fesoasoani ai i le fa'amaoniga ma le lagolagoina o le tala fa'asolopito e pei ona fa'amatalaina mai i le Tusi Pa'ia.

*Su'esu'e le lesona o le vaiaso lenei e sauniuni ai mo le Sapati, Iuni 6.*

## TAVITA, SOLOMONA, MA LE AIGA TUPU

O le puleaga a Tavita ma Solomona o le pulega na fifilemū ma manua ai le tala fa'asolopito o Israuelu. A e fa'apefea pe ana fai e leai Tavita ma Solomona, e pei ona fai mai ai nisi? O le a se mea e tupu pe ana fai o a la malō e le'i i ai e pei ona fa'amatalaina mai e le Tusi Pa'ia, e pei ona fai mai ai fo'i nisi? Ana leai Tavita semanu e leai se Ierusalem, o le laumua o le malō (*2 Sam. 5: 6-10*). Ana aunoa ma Tavita e le faia fo'i se malumalu e lona atali'i o Solomona (*1 Tupu 8: 17-20*). A o le mea mulimuli, ana leai Tavita e leai fo'i se Mesia i le lumana'i, ona e ala mai i le gafa o Tavita na folafolaina mai ai le Mesia (*Ier. 23:5, 6; Fa'aa. 22: 16*). O le tala fa'asolopito o tagata Israuelu e mana'omia lava ina ia toe tusia. Peita'i o le tala fa'asolopito lea e pei ona tusia i le Tusi Pa'ia, o le mea tonu lava lea na avatua ia Israuelu ma le ekalesia ma ese mai ai lava lana vaega ma lana galuega.

**Faitau le 1 Samuelu 17. Na fa'apefea e le Atua ona tapega le manumalō mo Israuelu? O ai na ia fa'aaogaina mo le manumalō lenei? O fea le nofoaga na manumalo ai?**

---

Maitau le mea tonu na tau ai le taua i le 1 Samuelu 17: 1-3. O le itu Khirbet Qeiyafa o lo o tu i luga o le mauga i le mea tonu lava lea na to lauapi ai Israuelu na fa'amatalaina mai e le mataupu lenei. O le mea lea na eli talu ai nei lava na iloa ai se a'ai malosi puipuia lelei mai le taimi o Saulo ma Tavita i le va'ai atu i le vanu. E lua faitoto'a na iloa ina ua eli mai. Talu ai o le tele o a'ai Israuelu anamua na o le tasi lava le faitoto'a, a o le mea lenei e mafai ona fesoasoani e iloa lelei ai le itu e pei o Saraima (*1 Sam. 17: 52*), o lona uiga i le fa'a-Eperu "o faitoto'a e lua."

Afai la o lea, ona tatou iloa ai lea i se taimi muamua lava ia le a'ai anamuā lenei o ta'ua mai i le Tusi Pa'ia. I le 2008 ma le 2013, e lua fa'amaumauga na maua e talitonu le to'atele o tusitusiga anamua fa'a-Eperu fa'ato'a maua. O le tasi o mea lona lua ia o lo o ta'ua ai le igoa o Esepa'ala, o le igoa lava lea e tasi e pei ona i ai le atali'i o Saulo (*1 N.Tupu 9: 39*).

I le 1993, o le eliina o le a'ai i matu o Tel Dan (Tanu) na aliali ai luga le faitau tusitusiga fa'amanatu na tusia e le Tupu o Asaeli o Tamaseko, lea na tusia lona manumalo i le tupu o Israuelu ma le tupu o le aiga o Tavita. O le auala lava lea e tasi na fa'amatalaina ai le aiga tupu o Tavita e pei ona fa'amatalaina mai i le Tusi Pa'ia, ma fa'aopoopo atili i ai fa'amaoniga o mea na eli mai le ele'ele e fa'amaonia ai na i ai Tavita i le tala fa'asolopito, e pei lava ona fai mai ai le Tusi Pa'ia.

## ISAIA, ESEKIA, MA SANERIVI

**Faitau le Isaia 36: 1-3 ma le Isaia 37: 14-38. I le tala i le osofa'iga tele na faia e Asuria ia Iuta, na fa'apefea ona lavea'ina e le Atua ona tagata?**

---

I le 701 B.C. na sau ai le osofa'iga a Sanerivi i Iuta. O lo o tusia le tala i le Tusi Pa'ia. Na fa'apea fo'i ona tusia i auala ese'ese e Sanerivi lava ia. I lana tala fa'amaumau ai mea o lea tausaga ma lea tausaga, na maua ai i le a'ai o le laumua o Nineva, na tautala ai ma le fa'amaualuga, "Fa sefulu ono o ona taulaga na i ai pa malolosi [Esekia] ma le mau nu'u laiti i o latou tuā'oi na ou si'osi'omia ma fa'ato'ilaloina. I le maota o Sanerivi i Nineva na ia samiina ai lona manumalo i le a'ai o tagata Iutaia o Lachish (Rakisi) i le ufitia atoa lea o pa o le potu ogatotonu o le maota ma le ata o lona si'omia o le a'ai i le taimi o le osofa'iga ma le taua.

O le eliina talu ai o Rakisi na alia'e ai i luga le fa'atafunaga o le a'ai ina ua uma ona susunu e Sanerivi. Peita'i na fa'asaoina fa'avavega Ierusalema. Na o le pau lava lea o le mea na mitamita ai Sanerivi: A o Esekia o sa Iuta, na taofia ia i totonu o lana a'ai e pei o le manulele i lona pa." E le'i i ai lava se fa'amatalaga o le fa'aumatia o Ierusalema, ma e leai fo'i se tala o le ave fa'atagataotaua ma fa'a-pologa.

E moni sa si'omia Ierusalema, peita'i na ta'ua e le Tusi Pa'ia na o le tasi lava le aso na si'omia ai, ina ua lavea'ina e le Agelu a Ieova Ierusalema. E pei ona valo'ia mai e Isaia, "O le mea lava lea o lo o fa'apea ona fetalai mai ai o Ieova i le tupu o Asuria. E le sau lava ia i lenei a'ai, e le fana mai ai fo'i se u, e le sau fo'i i ai ma se talita, e le tanu ai fo'i se mea maut'i eti'e. O lo o fa'apea mai Ieova, o le ala na sau ai o ia, o le ala lava lea e toe fo'i atu ai, a e le sau lava ia i totonu o le a'ai nei. Auā ou te fa'amamaluina le a'ai nei ia ola, ona o a'u nei lava, ona o Tavita la'u auauna" (*Ia. 37: 33-35*).

O se mea mata'ina, ua na o Rakisi lava na sili ona fa'ailoa mai i Nineva, o le laumua o Asuria. E le o maua Ierusalema i pa o le maota. Ua na o le pau lava lea o le mea na mitamita ai Sanerivi o lona fa'ato'ilaloina o Rakisi. O le fa'aaliga i le Atua o le lagi ma atua o Asuria o lo o fa'aalia i le lavea'iga o tagata o le Atua. Na ia iloa le galuega o le osofa'iga e Asuria. Na ia fa'afogofa i upu o le tatalo a Esekia. Na galue lava le Atua i le tala fa'asolopito.

**E fa'apefea ona mafai ona e manatua le Atua na lavea'ina fa'avavega Israuelu i le taimi ma le nofoaga lava lea le Atua lava lea o lo o e tatalo i ai, o lo o fa'alagolago i ai, ma talitonuinama fa'atuatuaaina i le asō?**

---

## TANIELU, NEPUKANESA, MA PAPELONIA

Ia Iulai 2007, na galue ai se tagata su'esu'e atamai i le Univesete o Viena i le fare mata'aga i Peretania na ia maua ai se papa ma'a i le taimi o Nepukanesa, le taimi o ali'i o Papelonua o lo o ta'ua i le Ieremia 39: 3. O Neputasekimo o le tasi o to'atele o ali'i nei, o tupu ma ali'i, na fa'afetai ai i le au su'esu'e i le ele'ele ina ua toe maua mai le taimi o Tanielu ma Nepukanesa.

**Faitau le Tanielu 1 ma le Tanielu 5. Na fa'apefea e le ulua'i filifiliga a Tanielu ona tali atu i galuega a le Atua i le fa'aogaina o ia o lana auauna ma le perofeta e tosina ai le faitau miliona o tagata i le tala fa'asolopito?**

---

"Na teu e Tanielu i lona loto" (*Tan. 1: 8*) ina ia tumau fa'amaoni i le Atua e uiga i le mea na ai ai ma tatalo. O uiga lelei nei, na fofoa mai ai lona taimi o talavou, na avea o se fa'ata'ita'iga na avatua ia te ia le malosi i le taimi umi o lona olaga. O le iuga na lelei lona mafaufau, poto, malamalamā ma le fa'autauta na sau mai lugā. Na iloa lelei lava e Nepukanesa ma Pelesara, o lea na tu'u ai ia i se tofiga maualuga i le malo. Peita'i, atonu e sili atu lona tāua, na i'u lava ina līua ai le Tupu o Nepukanesa lava ia (*Tan. 4: 34-37*).

O Neputanese o le atali'i o Napopolasa. Na la fauina fa'atasi le a'ai silisili, e le'i a'ea e se isi lava o le lalolagi anamua (*Tan. 4:30*). O le a'ai o Papelonua o se a'ai tele, e sili atu i le 300 malumalu, o le maota o le tupu sili ona matagofie, ma na si'omia e pa tetele ta'i satualua 12 ma le 22 futu le mafia. ma tu'u i ai ma faitoto'a tetele e valu, na fa'aigoaina uma lava i atua o tagata Papelonua. O le faitoto'a aupito i sili ona ta'utaua o Ishtar, lea na eli e le au Siamani ma toe faia ma ave i le fare mata'aga i Berlin.

I le Tanielu 7: 4, na fa'amatalaina ai Papelonua o se leona e i ai apa'au e fa apa'au o le aeto. O le auala e alu aga'i atu i le faitoto'a o Ishtar o lo o laina ai fa'atagata o leona e 120. O le fa'atagata o le leona telē o le aoso atu i le tagata lea na maua i le taimi na eli ai le ele'ele ma o lo o tu nei lava i fafo o le a'ai se'ia oo mai i le asō. O mea uma lava nei e molimau ai i le leona o se fa'atusa fetaui lelei lea mo Papelonua Tele. O le tala fa'asolopito o le Tusi Pa'ia ma lana fe'au fa'aval'aga ua mautinoa ma fa'amaonia lava.

**Tanielu 1: 8 fai mai na manatu Tanielu i lona loto." O le a lona uiga? O a nisi o mea e te mana'omia ina ia teu i lou loto e fa'atatau i le faia po o le le faia fo'i?**

---

## O IESU I LE TALAFĀ'ASOLOPITO

Faitau le Mataio 26: 57-67, Ionae 11: 45-53, ma le Ioane 18: 29-31. O ai Kaiafa, o le a lana vaega i le maliu o Keriso? O ai Ponotio Pilato, na fa'apefea ona sili ona tāua lana filifiliga mo le au Saneterini ia fa'ataunu'u ai ana sini?

O Kaiafa o le faitaulaga sili na ia amataina le fuafuaga ina ia oti Iesu. O lona i ai na tusia e Iosifa, o le tusitala Iutaia na ia tusia mo Roma. E le gata i lea o ia fo'i o Iosefa, lea na ia fa'aigoaina o Kaiafa, o le faitaulaga sili, ma tofia Ioanatana, o le atali'i o Ana, na avea ma faitaulaga sili muamua, e soso'o ma ia." -Josephus Complete Works (Grand Rapids, Mich.: Kregel Publications, 1969, book 18, chapter 4, p. 381).

I le 1990, na maua ai se tu'ugamau o se aiga i le itu i Saute o Ierusalema o i ai ni pusa e 12 po o pusa ma ivi o tagata oti. O tupe siliva ma ipu ele na i ai i le tu'ugamau na tusia pe o se mea o le ogatotonu o le ulua'i seneturi A.D. O le mea sili lava ona manaia lona teuteuina, ma le mau ivi na i ai, na i ai ma le igoa o Iosefa le atali'i o Kaiafa. O le to'atele lava la o tagata su'esu'e o le Tusi Pa'ia na talitonu o le tu'ugamau lenei ma pusa o ivi o tagata oti o Kaiafa, o le faitaulaga sili na auai i le maliu o Iesu.

I le 1961, na maua ai se ma'a i le fale mata'aga i Kaisaraia Maritima o i ai le fa'amatalaga i le igoa o Ponotio Pilato, o le kovana o Iutaia i lalo ifo o le ta'ita'i au o Tiperia.

O mea uma ia, ma nisi o mafua'aga na maliu ai Keriso na fa'amaonia ma lagolagoina e le tala fa'asolopito.

O le au tusitala o ulua'i seneturi e lua muamua na latou tautala mai fo'i ia Iesu le Nasareta. O Tacitus, o le tusitala Roma, na tusi fa'atatau ia Keriso, o lona fa'asalaina e Ponotio Pilato i le taimi o tupu ai Tiperia, ma ulua'i Kerisiano i Roma. O Pliny Younger, o le kovana Rona na tusi i le A.D. 112-113 i le ta'lau o Trajan, na ia fesilligia po o le a se mea o le a fai i le au Kerisiano. Na ia fa'amatalaina i latou e fa'atasitasi i le aso fa'apitoa a o le'i malamalamā i le mea na fai ai a latou pesega e pei o fai i le atua.

O mea nei na maua i le ele'ele ma mea na ta'ua e le au tusitala na aumai ai nisi o mea, e le'i ta'ua i le Tusi Pa'ia i le moni na i ai Iesu, na tapua'i i ai i le 50 tausaga ina ua mavae lona maliu. O tusi a le au fai Evagelia o fa'amaoniga sili lava ia e uiga ia Iesu, ma e ao lava ona tatou su'esu'eina ma le fa'aeteete ia iloa atili ai Iesu ma lona soifuaga.

E ui lava ina lelei le i ai o fa'amaoniga mai le ele'ele e lagolago ai lo tatou fa'atuatuaga, aisea tatou te le o fa'alagolago ai i mea ia, o se fesoasoani?

71.

ASO TOFI

IUNI 4

## FA'ATUATUA MA LE TALA FA'ASOLOPITO

Tatou te le o ola fa'apea ua na o i tatou lava. O a tatou filifiliga ua le na o i tatou e a'afia ai peita'i e fa'apea fo'i isi. O le ala lava lea e tasi, i olaga o tagata o le Atua anamua na telē lo latou aogā i le olaga lumana'i o isi e ese mai ia i latou. I le Eperu 11, o le mataupu sili ona lauiloa i le fa'atuatua, ua tatou va'ai ai i le taaofa'iga o le to'atele o toa o le fa'atuatua anamua.

Faitau le Eperu 11: 1-40. O a ni lesona e mafai ona tatou a'oa'oina mai toa anamua ma i le su'esu'eina o latou olaga?

Enoka \_\_\_\_\_

Noa \_\_\_\_\_

Aperaamo \_\_\_\_\_

Sara \_\_\_\_\_

Iosefa \_\_\_\_\_

Mose \_\_\_\_\_

Raava \_\_\_\_\_

Samasoni \_\_\_\_\_

O le fa'atuatua e le fa'apea ua na o se talitonuga i se mea po o se isi fo'i; o le gaioi lea i le tali atu i lea talitonuga. O le fa'atuatua lea e galue, o le mea lenei e ta'ua o le amiontonu. O galuega ia a le fa'atuatua na te suia le tala fa'asolopito. O galuega po o gaioiga ta'itasi nei e fa'alagolago atu i le fa'alagolago atoa atu lea i le Afioaga a le Atua.

Na gaioi Noa i le fa'atuatua ina ua na fausina le va'a, na fa'atuatua i le Afioaga a le Atua i le mea na iloa ma lana filifiliga tatau. Ona talu ai e leai lava se taimi na timu ai, o lona iloa ma lana filifiliga na manatu ai e leai ma se uiga e tupu ai se lolo. Peita'i na usiusita'i Noa i le Atua, ma fa'asao ai le fanau a tagata. O Aperaamo lea na igoa o Aperamo, na tu'ua Ulo i Mesopotamia, o se a'ai sili ona tamaoaiga i le lalolagi i lea taimi, ma na alu, na te le'i iloa le mea o le a ta'ita'i i ai ia e le Atua. Peita'i na ia filifili e gaioi i le Upu a le Atua. Na filifili fo'i Mose e avea o le leoleo mamoe e ta'ita'ina tagata o le Atua i le nu'u o le folafolaga a e le avea o se tupu o Aikupito, o le malo sili i lea taimi. Na filifili fo'i Raava e fa'atuatua i tala i le lavea'aiga a le Atua, na ia puipua mai ai tagata e to'alua na asiasi atu i le nu'u, ma avea o se vaega o le gafa o Iesu. E la'itiiti tele le mea tatou te iloa fa'atatau ia tatou filifiliga fai ona e a'afia ai olaga o le anoano o tagata i lenei tupulaga ma tupulaga fai mai!

O a ni filifiliga tāua o fa'amalumalu mai ia te oe? E fa'apefea ona e faia filifiliga o e faia, ma aisea fo'i?

72.

ASO FARAILE

IUNI 5

**SU'ESU'EGA FA'AOPPOOPO:** Faitau Ellen G. White, "David and Goliath," pp643-648, in *Patriarchs and Prophets*; "Hezekiah," pp. 331-339, "Deliverance From Assyria, pp. 349-366, in *Prophets and Kings*; section 4, k, in "Methods of Bible Study,"

O le Tusi Pa'ia e sili lona leva ma o se tala fa'asolopito e sili atu ona manino o lo o i le tagata. Na sau fou lava mai le puna o le upu moni e fa'avavau, ma o le faitau tupulaga na puipuia mai ai lava lona mamā e le a'ao o le lagi. Na ia fa'amalamalamaina le umi o le taimi ua te'a, i le mea na lapelapea ai sa'iliga a le tagata. A ua na o le Upu lava a le Atua tatou te iloa ai le mana e fai ai fa'avae o le lalolagi ma fofola atu le lagi. Ua na o inei lava o lo o tu'uina mai ai le tala fa'asolopito o i tatou e le'i fa'aleagaina e le fa'amaualuga ma le fa'ailoga tagata."-Ellen G. White, *Education*, p. 173.

"O Ia o lo o i ai le poto atoa uma o le Atua ma lana afioga o le fa'atuatua ua uma ona fa'atulagaina i le mana fa'alelagi o le Tusi Pa'ia. Na te le'i iloiloina pe tofotofoina fo'i le Tusi Pa'ia i manatu ma le poto fa'asainenitisi o le tagata. A e na ia aumaia manatu nei ina ia iloiloina ai le lē masesē o le fua o le Tusi Pa'ia. Na ia silifia o le Afioga a le Atua o le upu moni, ma o le upu moni e le mafai ona fete'ena'i ia lava, po o le a lava a'oa'oga fa'asainenitisi o lo o ta'ua, afai e fete'ena'i ma le upu moni o le fa'aaliga a le Atua e sese.

"O le poto moni lava, o le sa'iliga fa'asainitisi o lo o ia tatalaina mai le mau manatu ma le maufa'amatalaga ese'ese."-Ellen G. White, *Testimonies for the Church*, vol. 8, p. 325.

### FESILI MO FELAFOLAFOA'IGA:

(1) **Talanoa atili fesili i le fa'ai'uga o le su'esu'ega i le Aso Lulu.** E lelei pe afai e maua fa'amaoniga na eli mai lalo o le ele'ele e mafai ai ona fa'amausalīina atili le tala fa'asolopito a le Tusi Pa'ia. A o le a se mea e tupu pe a maua mai faamaoniga e le au su'esu'e i lalo o le ele'ele e fa'aliliu ma e fete'ena'i ma le tala a le Tusi Pa'ia? O le a se mea e ta'u mai ia i tatou i le mea lenei fa'atatau e tatau lava ona tatou fa'alagolago i le Afioga a le Atua o le Upu a le Atua ma fa'atuatua i ai, tusa lava po o le a le mea o fai mai ai le au su'esu'e i lalo o le ele'ele, po o se isi lava poto ese mai.

(2) **Manatunatu i valo'aga uma o le Tusi Pa'ia lea ua fa'ataunu'u i le taimi ua tea, mai le taofi po o le manatu i le asō, e mafai ai ona tatou iloa ua fa'ataunu'uina.** Manatu, mo se fa'ata'ita'iga, i le tele o malo o le Tanielu 2 ma le Tanielu 7. E fa'apefea ona tatou a'oa'oina mai valo'aga nei, ua fa'ataunu'u i le tala fa'asolopito, ma fa'atuatua i le Ali'i e uiga e valo'aga o lo o i le lumana'i?

# O Le Tusi Pa'ia ma le Valo'aga

## AOAULI O LE SAPATI

**FAITAUGA MO LE SU'ESU'EGA O LE VAIASO:** *Tan. 2: 27-45, Ioane 14: 29, Num. 14: 34, Tan. 7: 1-25, Tan. 8: 14, 1Kor. 8: 14, 1 Kor. 10: 1-13.*

**MATUA TAULOTO:** "Ona fa'apea mai ai lea o ia ia te a'u, Sei'a atoa afiafi ma taeao e lua afe ma le tolu o selau, ona fa'apa'iaina ai lea o le malumalu" (*Tanielu 8: 14*).).

O le valo'aga o le Tusi Pa'ia e tāua ona e iloa ai i tatou ma la tatou galuega. O lo o ona aumaia vaega uma i totonu ma fafo ina ia fa'amaonia ai le moni a'ia'i o le Afioga a le Atua. Ua fetalai mai Iesu, "Ua ou fai atu nei fo'i ia te outou a o le'i taunu'u, ina ia outou talitonu mai pe a taunu'u" (*Ioane 14: 29, Ionae 13: 29*). O le mea o i ai nei ma le fesili tāua: E fa'apefea ona tatou falamatala sa'o le Tusi Pa'ia ina ia tatou iloa pe afai e taunu'u?

I le taimi o le Toe Fuatalīga, na mulimuli lava ta'itali'i i le tala fa'asolopito. O le auala lava lea na fa'aaogaina e Tanielu ma Ioane o le ki o a la'ua fa'aliliuga. O le auala lenei o le mulimuli o le fa'aliliuga i le tala fa'asolopito, o lo o va'ai i le valo'aga o se mea o alualu pea ma fa'aauau pea le fa'ataunu'uina i le tala fa'asolopito, na amata mai i le taimi ua te'a ma fa'ai'u i le malo o le Atua e fa'avavau.

O le vaiaso lenei, o le a tatou su'esu'eina ai poutu o le fa'aliliuga po o le fa'amatalaina fa'avaloi'aga i le tala fa'asolopito. "Tatou te va'ai i le tala fa'asolopito le fa'ataunu'uina o le valo'aga, ia su'esu'eina galuega a le Atua po o le tausiga ma le ta'italīga a le Atua i se auala sili ona aga'iga'i i luma, ma ina ia malamalama i le aga'iga'i i luma o mea tutupu ma le fa'atulagaina lelei o malo mo le taua mulimuli o le finauga tele." - Ellen G. White, *Testimonies for the Church*, vol. 8, p. 307.

*Su'esu'e le lesona o le vaiaso nei ia saunia ai mo le Sapati, Iuni 13.*

O le auala sili o lo o fa'aogaina e le Aso Fitu o le Toe afio mai i le su'esu'eina o valo'aga o le Tusi Pa'ia e ta'ua o le *Historicism*, O le taofi lea i le tele o valo'aga tetele o le Tusi Pa'ia o lo o mulimuli i le tala fa'asolopito e lē motusia, amata mai i le taimi ua te'a se'ia oo i le taimi nei, ma le lumana'i. E tai foliga lava i le auala o lo o e su'esu'eina ai le tala fa'asolopito i le a'oga. Ua tatou fa'aaogaina le auala lenei ona o le auala lea na fa'aliliuina ai e le Tusi Pa'ia ia lava ia valo'aga nei mo i tatou.

**Faitau le Tanielu 2: 27-45. O a ni vaega o le miti na fa'aalia le i ai pea lava, le fa'asolosolo mai o pule na tula'i mai i le tala fa'asolopito? O le a se auala ua fa'aalia ai ia i tatou e le Tusi Pa'ia pe fa'apefea ona fa'amatala ma fa'aliliu fa'a-apokalifa (taimi o le i'uga) le valo'aga?**

---

Ia maitau le malo o Nepukanesa sa iloa o le ulu auro. O le mea lea na ta'ua ai e Tanielu Papelonia o le malo muamua (*Tan. 2: 38*). Ona fai mai ai lea o Tanielu, "A mavae atu oe ona tu lea o le tasi malo, e le tusa ma oe, ma le tasi o lona tolu fo'i o malo, o le apa memea lea" (*Tan. 2: 39*) ma lona fa (*Tan. 2: 40*). O le fa'asolosologa lenei ina ua mavae le tasi e aunoa ma se va na fa'apea fo'i ona fa'atatau i le tupua lava ia, ona o malo ta'itasi nei o lo o ta'ua mai i vaega nei i tino telē e amata mai le ulu e aga'i atu i tamatama'i vae. O lo o so'o fa'atasi, e pei lava ona soso'o mai i lona taimi ma le tala fa'asolopito.

I le Tanielu 7 ma le 8, ua le o se tupua, a e o manu fe'ai ua fa'aaogaina fa'apitoa, peita'i o le mea lava e tasi lea o lo o a'oa'oina mai. Ua tu'ua mai ia i tatou se fa'asologa e le o motusia i malo nei e fa o le lalolagi (tolu i le Tanielu 8). Na amata mai i le taimi ua te'a anamua, ma aga'i atu i le tala fa'asolopito, se'ia oo i le taimi nei ma le taimi o lumana'i, pe a toe afio mai Keriso ma fa'atuina e le Atua lona malo e fa'avavau.

O le mea lea, o le tupua o le Tanielu 2 ma le fa'asologa o fa'aaliga o le Tanielu 7 ma le Tanielu 8 ua na aumaia se fa'avae i le fa'aliliuga fa'a-Porotesano o le tala fa'asolopito o valo'aga, lea o lo o taofia pea e le ekalesia Aso fitu o le toe afio mai se'ia oo i le asō.

**Faitau le Ioane 14: 29. O le a se mea o fai mai ai Iesu ina ia fesoasoani ia i tatou ina ia tatou malamalama i le fa'aaogaina o le valo'aga?**

---

O le tasi o ki po o autū o le fa'aliliuga e mulimuli i le tala fa'asolopito e fa'vae mai i le tasi le tausaga i le aso e tasi. O le to'atele o le au su'esu'e i le faitau seneturi na latou fa'aaogaina le tulafono lenei i taimi fa'avaloo'aga o le Tanielu ma le Fa'aaliga. Na latou aumaia le tulafono fa'avae lenei mai le mau mau ma mea o lo o tusia i valo'aga lava ia.

**Faitau le Numera 14: 34 ma le Esekielu 4: 6. Na fa'apefea ona ta'u atu e le Atua le tausaga e tasi e tusa ma le aso e tasi i le mau fa'apitoa lenei ?**

---

---

I mau nei, ua mafai ona tatou va'ai manino lava i ai i le manatu tulafono i le aso ma le tausaga. A e fa'apefea ona sa'o le fa'aaogaina o le tulafono lenei i nisi o valo'aga, e pei o le Tanielu 7: 25 ma le Tanielu 8: 14, e pei fo'i o le Fa'aaliga 11: 2, 3. Fa'aaliga 12: 6, 14, ma le Fa'aaliga 13: 5?

E tolu nisi mea e lagolagoina le tulafono lenei o le taura i le aso e tasi i valo'aga nei o le Tanielu ma le Fa'aaliga: o le fa'aaogaina lea o fa'atusa, o taimi u'umi, ma fa'amatalaga fa'apitoa.

Muamua, o le natura fa'afa'atusa o manu fe'ai ma nifo o le ata lea o malo na fa'amatalaina mai i o latou taimi e tatau fo'i ona malamalama fa'afa'atusa. O manu fe'ai ma nifo e le tatau oan fa'aliliu sa'o. O fa'atusa o se mea. O le mea lea, ona talu ai o le isi vaega o le valo'aga e faafa'atusa, e le o se mea moni, aisea la e tatau ai ona tatou fa'aliliuina sa'o taimi fa'avaloo'aga? O le tali, o le mea moni lava, e le tatau.

Lona lua, o le tele o mea tutupu ma malo o lo o ta'ua mai i valo'aga o lo o faitauina le taimi i le tele o seneturi, e faigata ai tele pe afai pe a fa'apea o le taimi fa'a-valo'aga a e tatou te fa'aliliuina sa'o. O le taimi lava tatou te fa'aaogaina ai le tulafono lea o le tasi o le aso i le tausaga e tasi, ona fetau loa lea o le taimi i le mea na tupu i se auala sili ona ofoofogia, o se mea e faigata pe afai o taimi fa'avaloo'aga o le a tatou fa'aliliuina sa'o i le mea o ta'ua mai ai.

O le mea mulimuli, o le fa'amatalaga fa'apitoa na fa'aaogaina ai ia taimi nei e manatu ai e tatau ona fa'amatala fa'afa'atusa. O le isi fa'aupuga, o le auala o fa'amatalaina ai le taimi i valo'aga (mo se fa'ata'ita'iga, le 2,300 afiafi ma taeao" o le Tanielu 8: 14) e le o se auala masani lea e fa'amatalaina ai se taimi, o lo o fa'aalia mai ia ia i tatou o le vaega taimi lenei o lo o ta'ua e tatau ona fa'amatala fa'afa'atusa a le o le fa'amatala sa'o e pei ona i ai.

**Va'ai i le valo'aga o le 70 vaisosa o le Tanielu 9: 24-27. Ua tatou faitauina o le oo atu o le poloa'iga ia toe fausia pa o Ierusalem i le Ali'i le Mesia (*Tan. 9: 25*) pe fa'amatala sa'o ea le 69 vaisosa, pe na o le tasi ea le tausaga ma masina e fa ma le vaiaso e tasi.**

I le faitau seneturi, na ta'ua ai e Porotesano o le Toe fuata'iga le pule a le nifo itiiti o le Tanielu 7 ma le Tanielu 8 o le ekalesia Roma. Aisea?

### Faitau le Tanielu 7: 1-25 ma le Tanielu 8: 1-3. O a ni uiga masani o le nifo itiiti i mataupu uma ia? E fa'apefea ona tatou iloa?

E fitu uiga masani o le nifo itiiti o le Tanielu 7 ma le Tanielu 8: (1) O i la'ua uma na fa'amatalaina o le nifo; (2) Na i ai uma ia i la'ua le pule e fasiotia ai (*Tan. 7:21, 25; Tan. 8: 10, 24;*) (3) o i la'ua uma e fa'asilisili ma fai upu faifai (*Tan. 7: 8, 20, 25; Tan. 8: 10, 11, 25,*) (4) o i la'ua uma o lo o mataitau i tagata o le Atua (*Tan. 7: 25, Tani. 8: 24;*) o i la'ua uma o lo o fa'amatala mai a la galuega fa'apitoa i le taimi fa'avalو'aga (*Tan. 7: 25, 26; Tan. 8: 17, 19;*) ma le (7) o i la'ua uma o le a fa'aumati mai le lagi (*Tan. 7: 11, 26; Tan. 8: 25.*)

Na fa'ailoa mai e le tala fa'asolopito le ulua'i malo o Papelonia (*Tan. 2: 38*), o le malo lona lua o Metai ma Peresia (*Tan. 8: 20*), ma le lona tolu o Eleni (*Tan. 8: 21*). O le tala fa'asolopito e mautinoa pe a uma malo nei ona soso'o mai ai lea ma le malo Roma.

I le Tanielu 2, na avea Roma o le u'amea se'ia oo lava i vae o le u'amea ma le omea, se'ia oo i le i'uga. O le nifo itiiti o le Tanielu 7 na sau mai le manu fe'au lona fa peita'i na tumau pea o se vaega o le manu fe'ai lona fa lenei.

O le a le pule na sau mai Roma ma i ai pea lona aafiauga i le fa'alemalu ma le fa'alelotu i le 1,260 tausaga (*Tan. 7: 25*)? Na o le tasi lava le pule e fetaui lelei i ai le tala fa'asolopito ma le valo'aga-o le pope. O le pule a le pope na sau mai totonu o ituaiga e sefulu o Europa na ta'ua o Barbarian o ni tagata sauā ma na latou fa'ato'ilaloina ia malo e to'atolu o i latou ia e to'a sefulu (*Tan. 7: 24*). O le pope e ese lava ia mai isi na muamua atu ia te ia (*Tan. 7: 24*), e fa'aalia mai ai lona uiga ese pe a fa'atusatusa atu i isi o ituaiga. O le pope o lo o tautala i upu fa'asausili i le Silisili ese (*Tan. 7: 25*) ma fa'asilisili o ia ua oo lava i ave 'au (*Tan. 8: 11*) i lona fa'amalosia ona fai le vaega a Iesu ma suaia i le pope. O le pope, na ia fa'ataunu'uina le valo'aga o le sauāina po o le fa'aumatiaina "le au pa'ia a le Silisili ese" (*Tan. 7: 25*) ma ua ia lafona i le ele'ele nisi au (*Tan. 8: 10*) i le taimi o le toe fuata'iga na faia e Katoliko Roma, ina ua fasiotia ma fa'asauaina le au Porotesano. Na sa'ili ai le pope, ina ia suaia le taimi ma le tulafono, (*Tan. 7: 25*) e ala lea i le ave'esea o le poloa'iga e lona ma suaia le Sapati i le Ulua'i Aso po o le Aso Sa (Sunday).

**I le Tanielu 2, Tanielu 7, Tanielu 8, ina ua mavae Eleni a e tasi le pule na tula'i mai se'ia oo i le taimi o le i'uga. O le a lea pule?**

77.

**ASO LULU**

**O LE FA'AMASINOGA SU'ESU'E**

O le va'ava'a fa'avalو'aga na su'esu'eina i le vaiaso lenei na sili ona lagolagoina tele e le au Porotesano talitonu i tala i le fa'asolopito talu mai le Toe Fuata'iga. Peita'i fa'ato'a oo i le taimi na tula'i mai ai e na talitonu ia Miller (Millerite movement) i le amataga o le 1800 na su'esu'eina ai ma iloilo ma le fa'aeteete le 2,300 aso ma le fa'amasinoga su'esu'e. Va'ai i ata o lo o i lalo:

Daniel 7	Daniel 8
Babylon (lion) Papelonia	
Media-Persia (bear) Metai ma Peresia	Media-Persia (ram) Metai ma Peresia
Greece (leopard) Eleni	Greece (he-goat) Eleni (oti po'a)
Pagan Rome (fourth beast) Roma Fa'apaupau	Pagan Rome, Roma fa'apaupau (horn moves horizontally)
Papal Rome (little horn) Roma Pope	Papal Rome, Roma Pope (horn moves vertically)

### Faitau le Tanielu 7: 9-14 ma le Tanielu 8: 14, 26. O le a se mea na tupu i le lagi e pei ona ta'ua mai i mau nei?

Ina ua uma le taimi o sauaga, lea na fa'auma i le 1798 i le fa'atagataotauaina ma pu'ea fa'amalosi le pope e le ta'ita'i 'au a Napoleone o Petia (*Fa'aa. 13: 3*), na tautala ai loa le Tanielu 7 ma le 8 i le fa'amasinoga. O le fa'amasinoga e faia i le lagi i le mea o nofoia ai le fa'amasinoga (*Tan. 7: 10*) ma le tasi e pei o le Atali'i o le tagata, ua oo fo'i ia i Lē ua mai anamuā ona aso (*Tan. 7: 13*). O le va'aga lenei i le fa'amasinoga lea na tula'i mai ina ua uma le 1798 ma e muamua a o le'i toe afio mai Iesu.

O le va'aiga lenei o le fa'amasinoga i le Tanielu 7 e fetaui tonu lava ma le fa'amamaina o le malumalu i le Tanielu 8: 14. O le mea lava e tasi o lo o tautala i ai. E tusa ai ma le Tanielu 8: 14, o le taimi o le fa'amamaaga lenei o le malumalu, o le aso lea o le Togiola, e 2,300 afiafi-ma taeao, po o aso. O le i ai o le aso i le tausaga, o aso la nei e 2,300 tausaga.

O le mea e amata mai ai le 2,300 tausaga o lo o maua lea i le Tanielu 9: 24, lea o lo o vavae ese mai ai le 70 vaiasosa (490) tausaga fa'avalو'aga mai le 2,300 aso i le fa'aaliga (*Tan. 9: 24*). O le mea moni lava e to'atele le au su'esu'e o le Tusi Pa'ia o lo o sa'o i le 2,300 aso (tausaga) valo'aga o le Tanielu 8: 14 ma le 70 vaiasosa fa'avalو'aga (490) tausaga o le Tanielu 9: 24-27 o vaega e lona o le valo'aga e tasi. O le faiupu e soso'o ai o le valo'aga i le 70 vaiasosa, Tanielu 9: 25, o lo o aumai ai le amataga o le taimi, i le oo atu o le poloa'iga ia toe fausia pa o Ierusalem. O le taimi o le mea lea, o le fitu o tausaga o le nofoa'iga a le Tupu o Aletaseta, (*Esara 7: 7*), po o le T.L.M 457. O le faitauina i luma o le 2,300 tausaga tatou te oo ai i le 1844, e le'i umi lava ona uma le 1798 ma a o le'i toe afio mai Iesu.

78.

**ASO TOFI**

**AUALA FA'APITOA E FA'ALILIU AI LE VALO'AGA**

**IUNI 11**

O ata fa'afa'atusa o valo'aga fa'a-apokalifa, e pei ona maua i le Tanielu ma le Fa'aaliga, na o le tasi lava lona fa'ataunu'uga. O se fa'ata'ita'iga, o le otu po'a na fa'ataunu'uina ia Eleni, o le malo e tasi (*Tan. 8: 21*). Mulimuli ane, na oo tonu mai lava le mau ma ia fa'aigoaina mo i tatou! E manino lelei.

O le auala fa'apitoa lenei, o lo o taula'i i tagata tonu lava, o mea tutupu, po o mea na faia i le Feagaiga Tuai lea na maua i le moni o le tala fa'asolopito peita'i o le manatu lea na va'ai ai aga'i i luma i le mea moni ma le telē i le lumana'i. O le fa'aaogaina o le auala lea e fa'aliliuina ai e toe va'ai ai i tua ia Iesu ma le au tusitala o le Feagaiga Fou, ma o lo o maua fo'i i le Feagaiga Tuai. Ua na o le pau lava le ta'iala e iloa ai le ituaiga fa'atusa lea pe afai o le tusitala o le Tusi Pa'ia lea na musumusina e le Atua ia fa'ailoa atu le mea lea.

**Faitau le 1 Korinito 10: 1-13. O a ni mea na tutupu i le tala fa'asolopito na fa'atatau i ai e Paulo a o fautua atu i le eklesia i Korinito? E fa'apefea ona feso'ota'i mai le mea lenei ia i tatou?**

Na toe fa'atatau i tua e Paulo i le moni o le tala fa'asolopito o le Esoto ma fausia a'e ai le ituaiga fa'aliliuga lenei e fa'avae mai i le mea na tupu i tagata Eperu anamua i le vao. O le auala lenei, na fa'aaliai ai e Paulo o le Atua lea na musumusina Mose ia tusi mea nei na tutupu, na fa'aagaga o mea nei ua avea ma tatou fa'ata'ita'iga" (*I Kor. 10: 6*), o le mea lea o le fautuaina o Isaraelu fa'aleagaga ina ia tumau i fa'aosoosoga a o tatou ola i aso o le i'uga.

**Faitau mau o i lalo ma tusi i lalo fa'ataunu'uga o mea ta'itasi ma ona fa'atusa e pei ona fa'amatalaina mai e Iesu ma tusitala o le Feagaiga Fou?**

*Mat.12:40*

*Ioane 19:36*

*Ioane 3:14, 15*

*Roma 5: 14*

*Ioane 1: 29*

O mea ta'itasi nei, na fa'aaogaina e Iesu ma le au tusitala o le Feagaiga Fou le fa'aliliuga o le mea moni ma lona ata fa'afa'atusa na te fa'atagaina le tāua o le fa'avalو'aga ina ia iloga ma iloa lelei lona tu mai. O le auala lenei, na fa'asino atu ai i lona fa'ataunu'uga sili o le moni o le tala fa'asolopito.

**Manatu i le sauniga o le malumalu fa'alelalolagi, na fa'aaogaina o se ata o le fuafuaga atoa o le fa'aoalataga.**

**SU'ESU'EGA FA'AOPPOPO:** Faitau Clifford Goldstein, 1844 *Made Simple* (Boise, Idaho: Pacific Press, 1988) o le tasi o nofoaga e maua ai le mau fa'amatalaga i le 2,300 aso fa'avalو'aga, Va'ai le 1844madesimple.org.

**Study this chart below: Su'esu'e le pusa o i ai fa'amatalaga o i lalo.**

Tanielu 7	Tanielu 8
Papelonia (leona)	
Metai-Peresia (urosa)	Metai-Peresia (ram)
Eleni (nameri)	Eleni (he-goat)
Roma Fa'apaupau (manu fe'ai lona fa)	Rome Fa'apaupau (horn moves horizontally)
Rome Pope (nifo itiiti)	Rome Pope (horn moves vertically)
<b>Fa'amasinoga i le lagi</b>	<b>Fa'amamā le malumalu fa'alelagi</b>

O se manatu e tatau ona va'ai ai i inei o le va'aiga lea i le fa'amasinoga i le Tanielu 7, na tupu ina ua uma le 1,260 tausaga o le sauaga (*Tan. 7: 25*), o le mea lava e tasi ma le fa'amamaina o le malumalu i le Tanielu 8: 14. Ma o le va'aiga lenei o le fa'amasinoga i le lagi o lo o ta'ita'i atu ai i tatou, i le fa'atuina o le malo o le Atua e fa'avavau i le taimi o le i'uga fa'anoanoa o le tala fa'asolopito o le lalolagi pa'ū ese lenei. O le mea lea, ua ia i tatou se fa'amaoniga sili ona malosi ma sili ona tāua ona o Tusiga Pa'ia o i le Tanielu 8: 14 ma mea na tutupu na fa'ailoa mai ai.

#### **FESILI MO FELAFOLAFOA'IGA:**

(1) **Toe va'ai i le Tanielu 2. Va'ai i le manino o le auala o fa'aliliuina ai i le tala fa'asolopito i inei: ia le lē motusia o le fa'asologa mai o malo o le lalolagi, na amata mai anamuā ma fa'ai'u i le fa'atuina o le malo o le Atua e fa'avavau. Na tu'uina mai ia i tatou e le Atua le ki e fa'aliliuina ai valo'aga nei. O le a se mea na fai mai ai, e uiga i le tulaga o le lalolagi Kerisiano i nai Kerisiano to'aitiiti lava o lo o latou fa'aaogaina le auala o le tala fa'asolopito i le fa'aliliuga o valo'aga? Aisea ua sili atu ai ona fesoasoani i le fe'au fa'apitoa o le Afio mai i le lalolagi i le taimi nei?**

(2) **O le a lou malamalamaga i le 2,300 aso fa'avalو'aga o le Tanielu 8: 14? Afai e te le malamalama ai, aisea e le fa'aalu ai sou taimi ina ia e a'oa'oina ma tufa atu i lau vasega? E mafai ona e maofa i le mausalī o le fa'avae i le fa'aliliuga moni o le valo'aga lea.**

# Feagai ma Faitau (Mau) Faigata

## AOAULI O LE SAPATI

**FAITAUGA MO LE SU'ESU'EGA O LE VAIASO:** *2 Tim. 2: 10-15, 1 N. Tupu 29: 17, Iak. 4: 6-10, Kal. 6: 9, Gal. 17: 11.*

**MATUA TAULOTO:** "Ia outou manatu o le onosa'i o lo tatou Ali'i o le olataga lea-fa'apei ona tusi atu ia te outou e Paulo lo tatou uso pele, e tusa ma le poto ua foaina atu ia te ia, fa'apei o ana tusi uma lava, o lo o talatalaina ai nei mea, o i ai nisi upu fa'amatalagatā, ua fa'auigaeseina e tagata e le'i a'oa'oina, ma ua le fa'atumauina, fa'apei o isi tusi fo'i e oo ai lo latou lava malaia" (*2 Peteru 3: 15, 16*).

Pe afai e talanoaina tusi a le aposetolo o Paulo, na tusi ai Peteru i ai, fa'apea fo'i nisi o tusi o le Tusi Pa'ia, o i ai "nisi mea e faigata ona malamalama i ai" (*2 Pet. 3: 16*). O upu nei e femilosa'i ma ta'ita'i sese ai le au lē a'oa'oina ma tagata fa'aletumau" (*2 Pet. 3: 16*) ma oo ai i lo latou lava malaia. E le o fai mai Peteru o mea uma lava e faigata ona malamalama i ai-peita'i ua na o nisi o mea ia.

Ma ua tatou iloa, tatou te le o iloa ea? O a mau ia e le i oo i ai le au faitau fa'amaoni o le Tusi Pa'ia e foliga mai e ese ma faigata ona malamalama i ai? E mautinoa lava, i nisi itu, ua tatou oo uma lava i le tulaga lea.

O le mafua'aga lea o le a tatou va'ai ai i le vaiaso lenei, e le o le tele o mau nei e faigata na o ia lava, peita'i o le a tonu lava le mafua'aga mo lu'iga nei ma e fa'apefea, e fa'apei lava o e sa'ilili'i fa'amaoni o le upu moni mai le Afioga a le Atua, e mafai lava ona tatou galulue ina ia iloa. Auā o le i'uga, o nisi o faitau nei o lulu'i mai atonu e leai lava se auala e mafai ona fo'ia ai i le itu lagi lenei. A o le taimi fo'i lava lea, o le mau i le Tusi Pa'ia na te le o aumaia ni faigata, ma e le o mana'omia ina ia fa'atagaina ni nai fainumera laiti o faigata ina ia fa'avaivaia lo tatou fa'atuuwaga i le mea o tatou fa'alagolago i ai ma le pule atoa uma o le Afioga a le Atua.

*Su'esu'e le lesona o le vaiaso lenei e saunia ai mo le Sapati, Iuni 20.*

81.

**ULUA'I ASO**

**MAFU'AAGA FAIGOFIE E ILOA AI LE FETE'ENA'I**

**Faitau le 2 Timoteo 2: 10-15. Na fautuaina e Paulo Timoteo ina ia fa'autauta ma ia vaevaetonuina le upu moni. O le a se fe'au tāua o lo o ia aumaia mo i tatou uma i ine?**

E leai lava se tagata mafaufau lelei ma le faamaoni o a'oa'oina le Tusi Pa'ia o ia natia le moni o i ai mea i le Tusi Pa'ia e faigata ona malamalama i ai. O le tulaga lenei e le tatau ona fai ma fa'alavelave ia i tatou. O le mea moni, e tatau lava ona i ai faigata ia. Mulimuli ane, o i tatou lava o tagata e le atoatoa, ma e leai lava se tagata o i ai se malamalamaga i mea uma o a'oa'oina ai, ma e itiiti si mea tatou te iloa i mea a le Atua. O le mea lea, pe afai o i tatou o tagata e le'i a'oa'oina ma pau mai lo tatou iloa o lo o taumafai ina ia tatou malamalama i le poto o le Atua lē mafuatia o le Tusi Pa'ia, e i ai ia faigata. O ituaiga faigata ia i le malamalama i a'oa'oga o le Tusi Pa'ia, e leai lava se mea e fa'amaonia ai le mea ua fa'amaonia e le Tusi Pa'ia fa'apea e le moni.

O i latou o ave'esea ma fa'aleaogaina a'oa'oga o le Tusi Pa'ia o le fa'aaliga fa'alelagi ma le musumusuga a le Agaga, e masani lava ona latou fai mai i faigata ia e fete'ena'i ma e sese. Ona o lo latou manatu o le Tusi Pa'ia ua na o se tusi a le tagata, ua latou talitonu o le Tusi Pa'ia e tatau ona i ai ia mea lē atoatoa ma sese. O le ituaiga mafaufau lenei, e leai lava so latou taumafai mamafa ina ia va'ai mo se fa'amatalaga ina ia manatu ai i le tasi ma le fa'atuuwaina o le Tusi Pa'ia na aumai mai le musumusuga fa'alelagi. O tagata o lo o latou fesiligia ia laupepa muamua o le Tusi Pa'ia, i le tala i le Foafoaga (mo se fa'ata'ita'iga), e mafai ona vave lava ona masalosalo ma lē mautinoa i le tele o le isi fo'i vaega o le Tusi Pa'ia.

O nisi o nai ese'esega i le Tusi Pa'ia atonu ona o nai mea sese ona o le lolomiga ma fa'aliliuga. Fai mai Elena Uaita: O nisi o lo o va'ava'ai mai ia i tatou ma matuā fai mai, "E te le manatu ea e i ai mea sese i lē na lolomia ma le au fa'aliliu? O le mea lenei e mafai lava ona tupu, ma o le mafaufau pu mo'omo'o e musuā ma fa'aletonu ai lava i le mea lenei e ono tupu ona fa'aletonu ai lava lea ma su'esu'e masei ia i ai se fa'afitauli ina ia lē talitonu ai i le musumusuga lilo a le Agaga Pa'ia, ona o latou mafaufau vaivai ua latou le o mafai ona va'ai i le mafua'aga o le fuafuaga a le Atua. Ioe, e faigofie ona latou fa'aletonu i le manino o le mea moni e mafai ona talia e le to'atele, ma iloa le Atua, ma le mea o lo o fa'aalia mai e le Atua e manino ma lelei, o lo o tumu i mea lololo ma lelei. O mea sese uma latou te lē fa'atupuina ni fa'alavelave i se agaga e tasi, pe tautevateva ai fo'i ni vae o se tasi, e leai ni faigata e maua i le upu moni o lo o manino ma faigofie." -*Selected Messages*, book 1, p. 16.

82.

**ASO GAFUA**

**IUNI 14**

**IUNI 15**

**FEAGAI MA FAIGATA FA'AMAONI MA FA'AETEETE**

Ua e tau ea i se mau po ni mau sa e le malamalama ai, pe ua e iloa e faigata ona o fa'atasi ma isi mau? E faigata ona mafaufau i ai ona e i ai taimi lua te le'i fesaga'i ai lava ma se fa'afitauli fa'apea. O le fesili la, e fa'apefea ona e tali atu i ai? Pe sili atu fo'i lona tāua, *e fa'apefea ona tatau ona e tali atu i ai?*

**Faitau le N. Tupu 29: 17, Fa'ataoto 2: 7, 1 Tim. 4: 16. O a mea o fai mai ai mau nei e mafai ona fa'aogaina i le fesili pe fa'apefea ona feagai ma fetaia'i ma faitau faigata nei o le Tusi Pa'ia?**

---

Ua na o lo tatou fa'amaoni lava e mafai ai ona tatou fetaia'i ma faigata nei. O le fa'amaoni na te malu puipuia i tatou ma mafai ai ona tatou le o ese mai faigata nei po o le taumafai e aua ne'i o tatou iloa. O le fa'amaoni na te taofia i tatou mai le avatua o le tali e le sa'o e le'i su'esu'eina lelei. E fiafia le Atua i le fa'amaoni ma le fa'autauta lelei. O le mea lea, e tatau ai lava ona tatou fa'ata'ita'i lana amio i mea uma tatou te faia, e oo lava i lo tatou su'esu'eina o le Tusi Pa'ia.

O le tagata fa'amaoni e fetaia'i ma faitau faigata o le Tusi Pa'ia i se auala e matuā fa'aeteete i lona le avatua o ni fa'amatalaga e ese mai le mea o i ai, mimilo le upu moni i gagana, po o le ta'ita'ina sese o isi i se auala e ave'esea ai le fa'amaoniga. E sili atu ona lelei le fa'atalitali i se tali mautinoia nai lo le taumafai avatua o se tali e le fa'amatelieina ai. O le itu lelei o le fa'amaoni i la tatou su'esu'ega o le Tusi Pa'ia na te fausia le fa'atuatua, ma le talitonu o le tafu'e lea o le mafutaga soifua maloloina lelei uma. Na te una'ia tagata e sili atu nai lo na o se tali le sa'o. E sili atu ona fa'apea atu i ai e te le iloa ona tali le fesili pe e te le iloa fo'i fa'amalamalama le mau, nai lo lou taumafai e fai atu le mea o mana'o e fai atu a le o le mea lena o fai mai ai le mau.

O le tagata fa'aete'ete e naunau i le fia iloa o le Afioga a le Atua, ma o le mea lea, e tausisi lava ina ia mautinoia e le fa'anatinatia i le fa'ai'uga e fa'avae mai i le poto e gata mai po o fa'amaoniga e le mautinoia. O le tagata fa'aeteete lelei e manatu ina ia aua ne'i misi ia te ia se isi lava mea po o se fa'amatalaga e tāua ma aogā. E le fa'anatinatia ona manatu, a e mafaufau lelei ma le fa'autauta i la latou su'esu'ega o le Afioga a le Atua ma fa'amatalaga uma e feso'ota'i atu i ai.

**O le a se mea o e faia, po o le a fo'i se mea e tatau ona e faia, i mau e te le o malamalama i ai pe le o foliga e fetaui ma lou malamalamaga i le upu moni?**

**Faitau le Iakopo 4: 6-10, 2 N.Tupu 7: 14, ma le Sefanaia 3: 12. Aisea e tāua ai tele le loto maulalo pe afai tatou te taumafai e fo'ia faitau faigata o le Tusi Pa'ia?**

---

E to'atele tagata ua iloa ma le ofo le malamalamaga loloto latou te fa'alagolago atu i se mea po se isi i fafo atu o i latou. Ua latou iloa e le o i latou o i ai tali o mea. O tagata nei latou te manatu e sili atu le aogā o le upu moni nai lo latou manana'o ia sa'o, ma ua latou iloa fo'i o le upu moni e le o se mea ua fai mai ai i latou e sa'o. Atonu o le upu moni silisili lava ona o tagata nei ua latou malamalama ia ua na o si mea itiiti lava o lo o latou iloa i le upu moni. Ua latou iloa, e pei ona tusia e Paulo, o lo o latou va'ai ma le fa'anenefu i le fa'ata (*1 Kor. 13: 12*).

O le fa'amaniuaga o le loto maulalo lenei i le mafaufau e tele mea ese'ese e i ai: o le masani lava i le loto maulalo, o le fa'avae o le tuputupu a'e i le poto, ona e tupu ai le sa'olotoga e maua ai le agaga ia a'oa'oina. E le fa'apea o le tagata loto maulalo e sese lava i taimi uma, ia pe o i latou ia e masani lava ona suisui o latou mafaufau ma e leai lava se lagona mautinoia o i ai. A o lona uiga o i latou ia ua tu'uina atu i le upu moni o le Tusi Pa'ia. Latou te iloa ma fa'aeteete i le mea e pau mai ai lo latou iloa ma o le mea lea, e mafai ai ona fa'atele atu lo latou poto po o latou atamai ma malamalama i le Afioga a le Atua i se auala na o le tagata fa'autauta lelei na te faia, a e le faia e tagata fa'amaualuga ma le fa'alialia.

"O i latou uma e o i le Afioga a le Atua mo le ta'ita'iga, ma le loto maulalo, mafaufau ia iloa, ma ia tonu i le manatu ina ia iloa le fa'aolataga, o le a malamalama i le mea o fai mai ai le Tusi Pa'ia. Peita'i o i ai i latou o e su'esu'eina le Upu ma le agaga e le o fa'amaonia e le Tusi Pa'ia, o le a avesea mai la latou su'esu'ega le agaga e le'i foaina atu i ai. E le fetalai atu le Ali'i i se mafaufau e le o naunau. Na te le fa'ama'imauna ana fa'atonuga i se tagata e le naunau pe leaga ma lē manatu mamafa i ai. Peita'i o lē taufa'osooso ua na a'oa'oina mafaufau uma lava ina ia gaua'i i mea uma ua fai mai ai ma naunau ina ia aua lava ne'i gaua'i i le tulafono Pa'ia a le Atua.

"E tatau ona fa'amaulalo o tatou loto ma ia fa'atāuaina ma ava ia sa'ilil le Upu o le ola; ona ua na o le pau lea o le ituaiga mafaufau loto maulalo ma le loto momomo e mafai ona va'ai i le malamalama." -*Advent Review and Sabbath Herald*, August 22, 1907.

**E fa'apefea ona e fa'apalenia le loto maulalo ma le mautinoia? E fa'apefea ona e talia le moliaga lea , e fa'apefea e tagata Aso Fitu ona mautinoia e sa'o oe i le Sapati a e toetoe sese uma tagata uma?**

Faitau le Kalatia 6: 9. A o tautala Paulo i inei fa'atatau i lo tatou tausisi ia faia le mea lelei i isi, o le uiga lava lea e tasi e mana'omia pe afai tatou te fesaga'i ma fesili faigata. Aisea e tāua ai mea ua tonu i o tatou manatu ma le onosa'i i le fo'ia o fa'afitauli?

---

O le fa'amaniuaina moni lava e mana'omia lava le tumau ma tausisi pea lava. Pe afai e faigofie ona tatou maua tatou te manatu māmā fo'i i ai. O faitau faigata o le Tusi Pa'ia na te auamai ai ia i tatou ina ia fa'aaogaina ma galue le mafaufau, ma o le manatu naunau ma le tausisi pea ina ia maua le fofō na te fa'aalia ai ia i tatou le tāua o le fa'afitauli lenei ia i tatou. So o se taimi lava o tatou fa'aalua e su'esu'e ai le Tusi Pa'ia ina ia taumafai ina ia iloa atili lona uiga ma le fe'au o se taimi aogā lea. Atonu o le su'esu'eina fa'amaoni o le Tusi Pa'ia mo se tali, e tusa lava pe umi le taimi e alu ai, o le a avea o se fa'amaniuaga sili nai lo le tali i le fa'afitauli pe afai e i'u ina tatou maua. E ui lava i lea, afai tatou te maua le tali i se fa'afitauli lavelave, o le a avea ma mea sili ona pele ma tāua ia i tatou.

E moni i le le mafai ona tatou fo'ia fa'avavevave se fa'afitauli e le fa'apea e fa'amaonia ai e le mafai ona fo'ia. Ua o se mea ofoofogia le tele o taimi e misi ai i la tatou va'ai le fa'amaoniga lenei. E to'atele i latou pe a latou fetaia'i ma faigata nei i totonu o le Tusi Pa'ia, ma itiiti lo latou manatu e fai i ai ma le va'ai ai i se tali e tatau ai, ona oo loa lea i se fa'ai'uga fa'apea e le mafai ona fo'ia le fa'afitauli. Peita'i e le tatau ona tatou fa'agaloina e tatau ona i ai se fofō faigofie e tusa lava pe gata mai le mea tatou te iloa-po o le valea-ua le o iloa. O le a sou manatu i se tagata fa'ato'a amata i le matematika (algebra) ua fiu i taumafai i le afa itula e fo'ia le fa'afitauli faigata lenei, a ua fai mai e leai lava se tali i le fa'afitauli lenei ona ua le mafai ona ia maua se tali i ai? E tutusa lelei lava le moni mo i tatou o su'esu'eina le Tusi Pa'ia.

Pe afai e i ai nisi faitau faigata e tusa lava po le a lou taumafai malosi ia fo'ia, tu'u ese mo sina taimi, a o le taimi la lea, ia fa'ata'ita'i i le mea ua uma ona fa'aali mai e le Atua ia te oe. Nisi o manatu lelei e o mai pe a uma ona tatou naunau e mulimuli i le mea ua uma ona ta'u mai e le Atua ia i tatou ina ia faia. Ma ia e tausisi pea ma le onosa'i i lau su'esu'ega o le Tusi Pa'ia. E ui lava i nei mea uma, o le onosa'i o le uiga lea o le au fa'atuatua i le taimi o le i'uga (*Fa'aaliga 14: 12*).

**O le a se mea e mafai ona tatou a'oa'oina mai isi tagata o lo o su'esu'eina ma le fa'amaoni ma le onosa'i faitau o lo o lu'itau mai ai le Tusi Pa'ia? E fa'apefea ona e fa'amalosia isi ia aua nei fa'avaivai a e sa'ilili le upu moni?**

85.

**ASO TOFI**

**IUNI 18**

**FEAGAI MA FAIGATA I LE TUSI PA'IA MA LE TATALO**

Faitau le Galuega 17: 11; Galuega 8: 35, ma le Galuega 15: 15. O le a se mea na faia e le au aposetolo ma tagata o le ulua'i ekalesia pe a fesaga'i ma fesili faigata? Aisea ua avea ai pea le Tusi Pa'ia o auala sili e fa'amatala ai lava e ia ia lava?

---

O le tali aupito i sili i faitau faigata nei o le Tusi Pa'ia o lo o maua lava i le Tusi Pa'ia ia. O fa'afitauli o le Tusi Pa'ia e sili atu ona fa'afetaia'ia pe afai latou te su'esu'eina le Tusi Pa'ia i le malamalamama i Tusi Pa'ia atoa uma a e le na o le fetaia'i ma na o le mau e tasi e tu to'atasi mai isi pe mai le Tusi Pa'ia atoa. O le a'oa'oina ina ia iloa upu moni sili o lo o maua i le Tusi Pa'ia o le tasi lea o mea sili ona tāua e mafai ona tatou faia.

Afai e te le malamalamama i se faitau o le Tusi Pa"ia, taumafai ina ia aoao mai sina malamalamama mai isi faitau o le Tusi Pa'ia o lo o ta'ua ai le mataupu lava lea e tasi. E tatau lava ona taumafai ia su'e se faitau e manino o le Tusi Pa'ia ina ia fa'asoa atu ai le malamalamalma i faitau e le o manino lelei. E fa'apea fo'i ona tāua ina ia aua ne'i fa'apouliuligaina ma auaoa faitau o lo o manino i le Tusi Pa'ia i le avatua lea i ai o mea e fa'afaigata ai ona malamalamama i le faitau lea. E ao lava ona tatou fa'atagaina le mau o le Tusi Pa'ia lava ia ina ia fa'aalia mai ai ia i tatou le uiga a e le o le aumaia o le mau filosofia po atamai fa'asaienisi e fa'amatala ai le uiga o le Tusi Pa'ia.

Ua uma ona ta'ua mai o lo o i o tatou tulivae ua tatou va'ai tino ai i faigata mai se va'aiga fou. Ona o le tatalo, ua fa'ailoa mai ai ia i tatou o lo o tatou mana'omia le fesoasoani fa'alelagi i le fa'aliliuina ma malamalamama i le Tusi Pa'ia. I le tatalo, o lo o tatou sa'ilili ai i le fa'amalamalamaina o tatou mafaufau i le Agaga Pa'ia lava lea e tasi na musumsuina e le au tusitala a le Tusi Pa'ia ina ia tusia le mea ua latou tusia.

I le tatalo, o lo o tatalaina ai o tatou lagona, ma e mafai ona tatou ta'u atu i le Atua aisea tatou te fia malamalamama ai i le mea ua tatou faitauina. I le tatalo, ua tatou ole atu ai i le Atua ina ia pupula o tatou mata i lana Afiofa ma avatu ia i tatou le agaga e naunau ai ia mulimuli ma ia faia lana upu moni. (O le mea lenei e tāua!) Pe afai e ta'ita'i le Atua ia i tatou e ala i lona Agaga Pa'ia i le tali atu lea ia tatou tatalo, E le o fete'ena'i ma le mea ua uma ona ia fa'aalia mai i le Tusi Pa'ia. O lo o galue pea lava le Atua ia o fa'atasi ma le Tusi Pa'ia, ma fa'amautuina ma fausia i luga i le mea ua ia musumsuina o le au tusitala lea o le Tusi Pa'ia ina ia feso'ota'i mai ia i tatou.

**E fa'apefea ona fesoasoani le tatalo ina ia sa'o le mafaufau ina ia mafai ona malamalamama e malamalamama ma sili atu ona usita'i ai i le Upu a le Atua?**

86.

**ASO FARAILE**

**IUNI 19**

**SU'ESU'EGA FA'AOPOOPO:** Faitau Elena Uaita, "What to Do With Doubt?" pp. 105-113, in *Steps to Christ*. Read Section 8 in the document "Methods of Bible Study,"

I le Tusi Pa'ia o lo o tele ai le mau mea lilo e le mafai e le mafaufau pu mo'omo'o o le tagata ona malamalama ai i mea faigata nei ma e loloto mo i tatou ina ia fa'amatalaina atoatoa. O le mea lea e mana'omia ai le loto maulalo, ma ia a'oa'oina ma le tatalo mai le Tusi Pa'ia. O le fa'amaoni i le Tusi Pa'ia o lo o fa'atagaina le mau o le Tusi Pa'ia-e ui lava o lona uiga lea tatou te le talia-o le tau atu lea o le mea tonu e tatau ona i ai. O le fa'amaoni i le Tusi Pa'ia latou te si'itia le mau a e le o le soloia o le mau (ioe, o nisi ua i'u ina latou suia mau) po ua latou ave'esea lona uiga moni.

Pe afai o le a tatalaina le afioga a le Atua e aunoa ma le mata'u ma aunoa ma le tatalo, pe afai o le a le fo'ia e le Atua manatu ma a'afiaga, po o le o fa'atasi fo'i ma lona finagalo, o le a pogisa loa le mafaufau ma masalosalo, ma o le su'esu'eina o le Tusi Pa'ia, e malosi ai fo'i ma le masalosalo. Ua pulea e le fili mafaufau, ma na faia fa'aliliuga e le sa'o. So o se taimi lava e leai ai le afioga a le Atua i tagata ma loloto le sa'iliga ia o fa'atasi ma le Atua, ona avea loa lea o le mea na latou a'oa'oina, o le a latou fa'alagolago atu i le mea sese i lo latou malamalamaga i le Tusi Pa'ia, ma e le o se mea lelei le fa'atuatua i la latou fa'amatalaga. O i latou o e va'ava'ai i le Tusi Pa'ia ia su'esu'e masei ma sese e leai se atamai fa'aleagaga o i ai. O le femoumou'a'i o la latou va'ai o le a latou va'ai ai i le tele o mafua'aga e masalosalo ai ma lē talitonu i mea o lo o manino ma faigofie." - Ellen G. White, *Steps to Christ*, pp. 110, 111.

### FESILI MO FELAFOLAFOA'IGA:

- (1) Aisea ua manatu ai fa'apea i le Tusi Pa'ia na tatou talanoaina i le vaiaso lenei o le fa'avae mo lo tatou malamalamaga sa'o i le Tusi Pa'ia? O a nisi manatu i le Tusi Pa'ia o e talitonu i ai e tāua i le fesoasoani ia te oe ia sili atu ona malamalama ai?
- (2) Aisea tatou te le maofa ai ina ia sa'ili ia mea i totonu o le Tusi Pa'ia e faigata ona fa'amatala ma malamalama ai? E fia ni mea o le lalolagi lava ia e i ai taimi e le malamalama ai? I le asō, i se fa'ata'ita'iga, o le vai (water) ua tumu i mea lilo.
- (3) O le avea o i tatou o Aso Fitu, e fa'apefea ona tatou talia le fesili i le Luka 23: 43, i le mea o ta'ua ai e Iesu le fao mea o le a fa'atasi ma Iesu i le lagi i le aso lea?

87.

LESONA 13

IUNI 20-26

# Ola i le Afioga a le Atua

## AOAULI O LE SAPATI

**FAITAUGA MO LE SU'ESU'EGA O LE VAIASO:** Fil. 2: 12-16; Luka 4: 4, 8, 10-12; Sal. 37: 7; Sal. 46: 10; Sal. 62: 1, 2, 5; Kol. 3: 16. .

**MATUA TAULOTO:** "A ia fai outou ma e 'ana'ana i le upu, a e aua le na 'ona fa'alogologo i ai, o fa'aseseina ai outou e outou" (*Iakopo 1: 22*).

O le auala sila lava ona su'esu'eina ai le Tusi Pa'ia ona e lē aogā pe afai tatou te le ola ai i le mea ua tatou a'oa'oina mai le Tusi Pa'ia. O le mea moni lava i le a'oa'oga masani e moni lea i le su'esu'eina fa'apitoa lava o le Tusi Pa'ia: e sili le mea e te a'oa'oina ia le na o le faiatuna pe na o le fa'alogo, peita'i o le faia lea o le mea ua e iloa. O le ituaiga usiusita'i lenei o lo o ona tatalaina le oa atoatoa o le pale o fa'amaniuiaga fa'alelagi semanu o le a tapunia ma i tatou, ma ta'ita'ina atu ai fo'i i tatou i mea ofoofogia ma toe fuata'ina ai le olaga ma fa'aopoopo mai lo tatou malamalamaga ma le poto. Pe afai o le a tatou le tumau i le Afioga a le Atua ma tatou lē naunau ia faia le mea ua tatou su'esu'eina, tatou te lē tutupu lava. Ma o le a vaivai fo'i la tatou molimau ona ua le o gatasi o tatou olaga ma a tatou upu.

O lo o tatou tutupu i le alofa tunoa ma le poto i auala ua musumusuina ai lea ua fa'amatalaina mai ia i tatou le uiga o le soifua ma ola i le Afioga a le Atua. E leai lava se fa'ata'ita'iga sili ma e leai fo'i se malosi e sili atu ona malosi nai lo Iesu Keriso. Ua ia tu'uina mai ia i tatou le fa'ata'ita'iga ia mulimuli ai. Na ia soifua i le olaga e o gatasi ma le finagalo o le Atua.

O le vaiaso nei, o le a tatou su'esu'eina ai le uiga o le ola i le Afioga a le Atua ma le i lalo ifo o lana pule fa'alelagi.

*Su'esu'e le lesona o le vaiaso lenei e saunia ai mo le Sapati, Iuni 27.*

88.

ULUA'I ASO

IUNI 21

## O LE AFIOGA OLA A LE ATUA MA LE AGAGA PA'IA

O le su'esu'eina o le Afioga a le Atua ma le fa'aeteete ma le auala sa'o e su'esu'e ai o se ala sili ona tāua. Peita'i, e pei lava fo'i ona tāua, ma sili atu fo'i, o lo tatou fa'atinoina lea o mea na tatou a'oa'oina. O le sini lava o la tatou su'esu'ega o le Tusi Pa'ia, e le fa'alagolago i le tele o so tatou poto. O le sini e le fa'apea ua tatou maitauina uma le Afioga a le Atua peita'i o le Afioga a le Atua ua na iloa i tatou, ma suia o tatou olaga ma le auala tatou te mafaufau ai. O le mea sili lena ona tāua. O le naunau ia ola i le upu moni ua tatou a'oa'oina o lona uiga ua tatou naunau ina ia tu'uina atu i tatou i le upu moni lea. O filifiliga nei i nisi taimi e aofia i ai faigata o fetaia'i, ona o lo o tatou tauina le taua po o ai o le a u'umia le pule i lo tatou manatu ma o tatou olaga. Ma o le iuga, ua na o le lua lava itu tatou te filifili mai ai.

**Faitau le Filipi 2: 12-16. O a nei faiupu o fai mai fa'atatau i le auala e tatau ona tatou ola ai?**

Ioe, o lo o galue le Atua i totonu ia i tatou, a o lo o ia faia e ala i le Agaga Pa'ia, ua na o ia lava na te avatua ia i tatou le poto ma le malamalamaga o le Tusi Pa'ia. E le gata i lea, o i tatou o tagata agasala, tatou te tete'e pea lava i le upu moni a le Atua, ma fai le mea tatou te manana'o ai, ua tatou le usita'i i le Afioga a le Atua (*Roma 1: 25; Efe. 4: 17, 18*). A aunoa ma le Agaga Pa'ia, e leai lava se lagona o le fe'au a le Atua. Ua leai se fa'amoe, e lē fa'atatuaina, leai se alofa e tali atu ai. E ala i le Agaga Pa'ia, o lo o galue mai ai le Atua i totonu ia te outou i mea e finagalo malie ai o ia ma ia outou galulue ai" (*Fil. 2: 13*).

O le Agaga Pa'ia o le faia'oga o lo o naunau e ta'ita'i i tatou i se malamalamaga loloto o le Tusi Pa'ia ma se fiafia i le Afioga a le Atua. Na te aumaia le upu moni a le Atua ia i tatou ma aumaia manatu fou ia i tatou i upu moni ia, ina ia avea o tatou olaga ia amio i le fa'amaoni ma le alofa usiusita'i i le finagalo o le Atua. "E leai se tasi na te mafai ona fa'amatalaina le Tusi Pa'ia e aunoa ma le fesoasoani mai a le Agaga Pa'ia. Peita'i pe afai e te avea le Tusi Pa'ia ma le loto maulalo, ma le loto ia a'oa'oina, o le a fa'atasi atu loa le au agelu a le Atua ia te oe ina ia una'ia oe i fa'amaoniga o le upu moni." - Ellen G. White, *Selected Messages*, book 1, p. 411. O le auala lenei, e fa'amatalaina mea fa'aleagaga i mea fa'aleagaga (*1 Kor. 2: 13, 14*), ma mafai ai ona tatou olioli ma fiafia ia mulimuli i le Afioga a le Atua i lea taeao ma lea taeao (*Isa. 4: 5*).

## A'OA'O MAI IA IESU

E leai lava se isi mea e sili ma sili ona avea o se fa'ata'ita'iga o le musumusuga a le Agaga nai lo le mulimuli ia Iesu Keriso. E masani ma le Tusi Pa'ia, ma e naunau e mulimuli i le Afioga tusia a le Atua ma tumau ai.

**Faitau le Luka 4: 4, 8, 8-12. Na fa'apefea ona fa'aaogaina e Iesu le Tusi Pa'ia e fa'afetaia'i ai fa'aosoosoga a Satani? O le a se mea o ta'u mai ia i tatou e le mea lenei e uiga i le fa'aogatotonu o le Tusi Pa'ia i lo tatou fa'atatuuaga, aemaise lava taimi o fa'aosoosoga?**

---

Na silafia lelei lava e Iesu le Tusi Pa'ia. Na matuā masani ma le Afioga a le Atua ona na mafai ona tauloto mai lona loto. O le masani lenei i le Afioga tusia a le Atua na maua mai i le fa'aaluina o lona taimi ma le Atua i le su'esu'eina o le Tusi Pa'ia.

Pe ana fai na te le silafia ia upu tonu lava i le Tusi Pa'ia ma mea o i ai, e faigofie lava ona fa'aseseina ia e le ti'apolo. E oo lava i le ti'apolo na ia si'itia mai le Tusi Pa'ia, ma fa'aaogaina i lana taufa'asese. O le mea lea, o lou mafai ona si'itia o le Tusi Pa'ia e pei ona faia e le ti'apolo, e le lava lea. E mana'omia e le tagata ia iloa isi Tusi Pa'ia i le mea o fai mai ai i le matapu ma iloa lona uiga sa'o. Ua na o le pau lava lea o le ituaiga mea e tatau ona fa'amasani ai ma le Afioga a le Atua e fesoasoani ai ia i tatou, e pei o Iesu, e le'i fa'avaleaina e le fili a e na mafai ona tete'e atu i osofa'iga a Satani. Tatou te faitauina i lea taimi ma lea taimi fa'atatau i le fa'apupulaina e Iesu o mafaufau o ona so'o ina ia malamalamama i le Tusi Pa'ia e ala lea i le fa'asino atu o i latou i le "mea ua tusia" (*Luka 24: 45, 46; Mat. 11: 10; Ioa. 6: 45*). Na manatu ia i latou o faitauina le Tusi Pa'ia ia sa'o lo latou malamalamama i lona uiga: "o le a le mea ua tusia i le tulafono? O le a lau faitau i ai?" (*Luka 10: 26*). O le manatu o Iesu i le mea ua tusia i le Tusi Pa'ia o se masani lea e tatau ona tatou ola ai

I le Ioane 7: 38, O Iesu-o le Afioga a le Atua ua liu tino tagata-na fa'asino atu i tua i ona so'o i le mea na fai mai ai le Tusi Pa'ia. Ua na o le Tusi Pa'ia lava ua tatou iloa ai o Iesu o le Mesia na folafola mai. O le Tusi Pa'ia na molimau ia te ia (*Ioa. 5: 39*). O Iesu lava ia na fa'anaunau ina ia tumau i le Tusi Pa'ia, le Afioga a le Atua na tu'uina atu ina ia tusia. Pe ana fai e finagalo ia faia le mea lea, o le a la se mea o ta'u mai ai ia i tatou e uiga i le mea e tatau fo'i ona tatou faia?

**O le a lou lava iloa i le fa'aaogaina o le Tusi Pa'ia i lau taua ma le fa'aosoosoga? O lona uiga pe afai e fa'aosoosina oe, na amata ea ona e faitauina le Tusi Pa'ia pe si'itia mai tusi o le Tusi Pa'ia?**

90.

**ASO LUA**

**ASO GAFUA**

89.

**IUNI 22**

**IUNI 23**

## E ESE'ESE EA IESU MA LE TUSI PA'IA?

**Faitau le Ioane 5: 45-47. O le a se fe'au sili ona malosi ua tu'uina mai e Iesu ia i tatou i inei e uiga i lana mafutaga ma le Tusi Pa'ia?**

---

O nisi tagata fai mai pe a fetalai Iesu na te tu'uina ana upu i le ese'esega iloga ma upu o le Tusi Pa'ia, e pei ona tatou maua i le Feagaiga Tuai. Ua latou fai mai o upu a Iesu e sili lona maualuga i upu o le Tusi Pa'ia.

I le Feagaiga Fou, ua tatou faitauina ai le mea na fetalai ai Iesu: "Ua outou fa'alogi i le mea na fetalai mai ai...a e ou te fai atu a'u ia te outou... (Mat. 5: 43, 44, fa'atusatusa Mat. 5: 21, 22, 27, 28, 33, 34, 38, 39). Ina ua fetalai mai Iesu i upu nei i le Lauga i luga o le Mauga, e le'i taumafai e lafoa'i pe soloia le Feagaiga Tuai, e pei ona fai mai ai nisi o le au fa'aliliu. Peita'i, na tali atu i le mau fa'aliliuga ese'ese o le Tusi Pa'ia ma fetalai atu i tu na fa'aaogaina e nisi o e na fa'aliliuina le Tusi Pa'ia o lona taimi ina ia fa'asa'o ai le amio a isi tagata lea e le i talia e le Atua ma le i poloa'i atu ai fo'i, e pei o le ino'ino i lou fili (Mat. 5: 43).

E le'i soloia e Iesu le Feagaiga Tuai i se mea lava e tasi ma fa'aitiitia lana pule. A o le Feagaiga Tuai lava e moni, na faamaonia po o ai Ia. Petia'i, na ia fa'amamafaina le uiga o faitau o le Feagaiga Tuai i le fa'asino atu lea o i tatou i le ulua'i fuafuaga a le Atua.

O le fa'aaogaina o le pule a Iesu ia fa'aleaogaina ai le Tusi Pa'ia pe fa'aleaogaina ai nisi vaega o le Tusi Pa'ia fa'apea e le i osofia e se musumusuga a le Agaga atonu o le tasi lea o mailei poto, ma e mata'utia, o le faitioina o le Tusi Pa'ia, ona o lo o faia i le igoa o Iesu. O lo o ia i tatou fa'ata'ita'iga a Iesu i le tele o le pule na ia avatua i le Tusi Pa'ia, i lona taimi, e aofia i ai le Feagaiga Tuai. O le a la se isi fa'amaoniga o tatou mamana'o i ai pe fa'apefea ona tatou va'ai i le Feagaiga Tuai.

E mamao lava ma le fa'aitiitia o le pule a le Tusi Pa'ia, na taofia lava e Iesu le Tusi Pa'ia o ta'ala e fa'alagolago i ai ma fa'atuatuaina. O le mea moni lava, na ia fa'amano atu i lana lauga lava lea i luga o le Mauga: "Aua tou te manatu ua ou sau e sōlōia le tulafono po o le au perofeta: Ou te le'i sau e soloia a ia fa'ataunu'uina" (Mat. 5: 17). Ma fa'aauau pea lana fetalai i le fa'apea atu ai se na te fa'aleaogaina o se na te tatalaina se poloa'iga e tasi e aupito itiiti o nei poloa'iga, ma fa'apea ona a'oa'o i tagata, e ta'ua ia e aupito itiiti i le malo o le lagi" (Mat. 5: 19).

**O a nisi a'oa'oga autū i aso nei o fa'avae i le Feagaiga Tuai? Mafauafu i se fa'ata'ita'iga, o le Faofoaga (Kenese 1, Kenese 2) ma le Pa'ū (Kenese 3). O a isi upu moni tāua fa'a-Kerisiano o maua i le Feagaiga Tuai?**

91.

## TAIMI TO'AFILEMU MA LE AFIOGA A LE ATUA

O tatou olaga ua a'afia ma tupu i le mau mea tula'i mai ma le popole. O nisi taimi e tatau ona tatou galulue malosi ia maua - ia tatou ola ma i ai mea ai i le laulau. O isi taimi, e tusa lava pe i ai mea e mana'omia o le olaga, tatou te galulue fa'amalosi ma fa'anatinati ona tatou o lo tatou mana'o lasi. Tatou te manana'o i mea fa'apea tatou fiafia ma malilie ai. Peita'i, e pei o Solomona i le tusi o Failauga o lo o lapata'i mai ia i tatou, e le masani ona tupu pea.

Po o le a lava le mafua'aga, e mafai lava ona tatou pisi i o tatou olaga, ma e faigofie tele, mai le pisi lenei, ona avesea ai le fiafia i le Atua. E le fa'apea ona ua tatou le talitonu, a e ina ua le fa'aalua taimi tāua i le faitau, tatalo, ma fa'alatalata i le Ali'i, o i ai lau mānava i ona a'ao" (Tan. 5: 23). E amfai fo'i ona līua i tatou i isi mau mea ina ia maua ai se taimi tāua mo le Atua. Tatou te mana'omia uma lava se taimi paganoa ina ia mafuta ai ma lo tatou Fa'aola o Iesu. E fa'apefea e le Agaga Pa'ia ona fetalai mai ia i tatou pe afai tatou te lē fa'atali e fa'alogi? O le taimi paganoa fa'apitoa lava ma le Atua, i le faitauina o lana Afioga i le feso'ota'i atu i le tatalo, o le puna lava lea o lo tatou ola fa'aleagaga.

**Faitau le Salamo 37; Salamo 46: 10; Salamo 62: 1, 2, 5. O a mea a mau nei o a'oa'o mai ai i tatou e uiga i le taimi paganoa ma le Atua. Aisea e tāua ai le taimi fa'apitoa lenei ma le Atua?**

---

Afai e te alofa i se tasi, e te fiafia fo'i e fa'aalu sou taimi ma le tagata lea o pele ia te oe. Filifili le mea e mafai ona e faitauina ai ma toe manatu i le Afioga a le Atua e aunoa ma se mea e fa'alavelave mai. I lo tatou olaga pisi i le mau mea, na o le tasi lava le mea e fa'amanuiaina ai i tatou o le manatunatu lea i se auala e fa'afetaia'i ai mea o fa'alavelave mai. E masani lava i le amataga o le aso o le taimi sili lea ona to'afilemu ma manatunatu lelei ai. Ituaiga taimi ia a o le'i amataina galuega o le aso e mafai ona avea o se fa'amanuiaiga i isi taimi o totoe o le aso atoa, ona o manatu sili ona aogā e te maua o le a mafuta ma oe i le tele o itula o le aso. Peita'i ia maua sou taimi sa'o ma lelei ina ia lua fetaia'i ai ma le Atua e aunoa ma se mea e fa'alavelave mai.

O le feso'ota'i atu e ala i le tatalo ma le Atua soifua o le Tusi Pa'ia e a'afia ai lou olaga e pei ua leai lava se isi mea e toe mafai i ai. A e fa'ai'u lava, o se mea lelei e fai ma sao i le avea o oe ia sili atu ona pei ai o Iesu.

**O le a le telē o lou manatu ina ia sa'ililia se taimi e fa'aalu na o oe ma le Ali'i? Fa'ape'i foliga o ia taimi, ma e fa'apefea ona fesoasoani ia te oe ia iloa atili ai le moni ma le alofa o le Atua?**

92.

## MANATUNATU MA MAFAUFAU MA LE PESE

**"Ua ou teu i lo'u loto lau Afioga, ina ne'i o'u agasala ia te oe"** (*Salamo 119: 11*).

O le toe fa'amanatu mai o le Tusi pa'ia na te aumaia le tele o fa'amanuiaga. Pe afai tatou te teuina faitau tāua o le Afioga a le Atua i o tatou mafaufau, e mafai ai ona tatou aumaia le ola i le mea ua uma ona tu'uina atu i le mafaufau ma fa'aogaina i se mea fou po o se si'osi'omaga fo'i ua sui. O le auala lea, e mafai ona fesoasoani ai le Tusi Pa'ia ina ia ta'ita'i sa'o o tatou mafaufau, o a tatou filifiliga, ma a'afia ai a tatou amio ma le fa'atāuina o i tatou. O le taulotoina o Tusi Pa'ia na te aumaia le Tusi Pa'ia ia ola i o tatou olaga i aso uma. E sili atu fo'i i lena, e fesoasoani ia i tatou ina ia tatou tapua'i i le Atua ma soifua i se olaga fa'amaoni e tusa ai ma le Tusi Pa'ia.

O le manatua pea o le upu o le Tusi Pa'ia o se saogalemū lea e tete'e atu ai i fa'aseseega ma le sese o fa'aliliuga. O le a'oa'oina o le Tusi Pa'ia i le loto e mafai ai ona tatou si'itia le Tusi Pa'ia, tusa lava pe leai se tusi Pa'ia o ia i tatou. O le mea lenei e mafai ona avea o se malosi sili ona ofoo fogia mo le lelei i tulaga pe afai e oo mai fa'aosoosoga, pe tatou te fesaga'i fo'i ma lu'iغا ese'e. O le toe fa'amanatu mai o folafolaga a le Atua, ma tu'u atu o tatou mafaufau i le Atua, o lē o i ai auala e afe e fesoasoani ai ina ua leai se mea tatou te iloa.

**Faitau le Efeso 5: 19 ma le Kolose 3: 16. E fa'apefea ona mafai ona peseina le Afioga a le Atua ona atia'e ma fa'amalosia le Afioga a le Atua i o tatou mafaufau?**

---

---

O le peseina o upu o le Tusi Pa'ia o le isi lea auala sili e tauloto ai le mau o le Tusi Pa'ia. O le peseina o upu o le Tusi Pa'ia e sili atu ona faigofie ona manatua. O le tu'u fa'atasia o upu o le Tusi Pa'ia ma le fati leo malie o le a taula ai ma mausalī le mafaufau, ma o se auala sili ona a'afia ina ia avesea ai o tatou olaga popole. E faigofie e faitau o le Tusi Pa'ia ona so'o fa'atasi peita'i o le matagofie o leo e gatasitasi e faigofie ona usuina e le fanau fa'apea fo'i tagata matutua. O le Tusi Pa'ia o le mea na fa'aosofia ai le to'atele o fai musika ta'uta'ua o le lalolagi, ma isi musika na tosina i ai le aganu'u fa'a-Kerisiano i le faitau seneturi. O le tu'u fa'atasia o musika ese'e nei na te si'itia i luga o tatou mafaufau ma ta'ita'i atu o tatou manatu i le Atua ma lana Afioga o se fa'amanuiaga ofoo fogia ma o se uiga tosina i o tatou olaga.

"O le musika ua ia faia se vaega o le tapua'iga i le Atua i le fale fa'amasino i le lagi, ma e ao ona tatou taumafai, ia tatou pese o vi'iغا, ia fa'alatalata atu i le vave e mafai ai ia o gatasi ma pesega a le lagi." -*Patriarchs & Prophets*, p 594.

**SU'ESU'EGA FA'AOPPOPO:** Faitau Elena Uaita, "The Privilege of Prayer," pp. 93-104, in *Steps to Christ*.

"O tatou mata ua masani ai e le mafai ona va'ai i le filemū ma le matagofie o Keriso. O le pupula atu o le Agaga Pa'ia i totolu, e fa'aalia ai i le agaga le moni o le leai o sona fa'amoemoe, leai se fa'amoemoe e aunoa ma le alofa mutimutivale ma le fa'amagal o Lē o tau'aveina agasala-o le tumu atoatoa o Keriso-ua na o le pau lava lea o le mea e mafai ai e le tagata ona ia su'esu'e lona alofa mutimutivale lē fa'atūāoia, lona alofa lē mafuatia, agalelei, ma le vi'iغا." -Ellen G. White, *The Upward Look*, p. 155.

"Vaega o le Tusi Pa'ia, e oo lava i mataupu atoa, e mafai ona tauloto, ia toe fa'amanatu pe afai e oo mai Satani ma ana fa'aosoosoga...Pe afai o le a ta'ita'i e Satani le mafaufau ia saofa'i ma nofo i le lalolagi ma le tu'inanau, o le a sili atu ona a'afia ma te'ena ia le "ua tusia." - *Advent Review and Sabbath Herald*, April 8, 1884.

### FESILI MO FELAFOLAFOA'IGA:

(1) E fa'apefea e le loto fa'aitalia ona fai lana vaega ia tatou filifiliga uma e uiga i le fa'atuuata ma usita'i? E ui lava o le tele o itu o tatou olaga e i fafo atu o la tatou pule, e fa'atatau i mea tāua, mea e patino i le ola e fa'avavau, e i ai lava filifiliga e faia i la tatou fa'aitalia. O le a lau mea o fai i le fa'aitalia ua avatu e le Atua ia te oe? O le a se ituaiga filifiliga fa'aleagaga o e faia?

(2) Mafaufau i le vaega a le Sapati e tatau ona fai i le avatua lea ia i tatou o le taimi to'a filemu ma le Atua. E fa'apefea e le tausia o le Sapati ona puipuia mai oe i le maua o e faigaluega ma fai mea e le o fa'aalu ai lou taimi ma le Atua e tatau ona fa'aalu ai? E fa'apefea ona e a'oa'oina ia faia le Sapati ia tele fa'amanuiaga fa'aleagaga e tatau i ai?

(3) O le a lou iloa i le fa'aalu o le taimi ma le Atua i le na o le tatalo ma su'esu'e? E fa'apefea e le fa'atinoga fa'aleagaga lenei ona a'afia ai lou fa'atuuata? E fa'apefea ona tatau ona a'afia ai lou fa'atuuata? I le vaega, afai e fiafia i ai, talanoa i lou lava taimi o le faitau ma le tatalo ma le mea ua e maua mai ai. E fa'apefea e isi ona fa'amanuiaina mai le mea na e a'oa'oina mai?

(4) O nisi o mau e te fiafia i ai o e taulotoina? O le a se mea o i ai ua e fiafia ai i ai? E fa'apefea e le taulotoina o mau ia ona avea o le fa'amanuiaga ia te oe?

Ua ia tatou le avanoa tatou te auai ma Keriso i lana galuega o le laveaina o isi. O le mea lena o le a taula i ai la tatou va'ai i le fa'asinoala o le isi kuata, ua fa'aulutalaina "O le faia o ni Uō mo le Atua: O le fiafia i le fa'asoa atu lea o le Galuega a le Atua, e Mark Finley.

O le agaga o le galuega o le fa'amuamua lea o le Atua o lo o fa'amano mai e le Tusi Pa'ia atoa uma. Ua ta'uua fa'apea mai e Solomona: Ua tu'uina e le Atua le manatu e fa'avavau i lona loto" (*Failauga 3: 11*). Pe afai e fanau mai le tagata i le lalolagi lenei, ona tu'u lea i ai e le Atua le mana'o i le ola e fa'avavau i totonu o ia. E le gata na tu'u e le Atua ia i tatou uma ta'ito'atasi le naunau mo Ia lava - peita'i na ia auina mai fo'i lona Agaga Pa'ia ina ia tosina atu i tatou ia te Ia lava. Ina ua fa'asalaina le fanau a tagata i le oti e fa'avavau, a ua saunia fo'i e le Atua lona alofa. O le a tu'ua e Keriso le mamalu ma le pupula o le lagima afio mai i lenei lalolagi pouliuli ma le pogisa i le agasala ona o lana galuega fa'aola. A o le'i tu'uina atu ia te ia o tatou ola, ua ia saunia le fa'aolataga ia i tatou e ala i lona maliu. Ua tatou fulitua ia te ia, peita'i ua liliu mai ona fofoga ia i tatou. Ua tatou lē popole ma amana'aina ia, peita'i ua sili ona manatu mai mo i tatou. Ua le o sa tatou galuega ia fa'aolainia le lalolagi ua leiloa, a o le galuega a le Atua. Peita'i o lo tatou tiute fai ina ia tatou galulue fa'atasi ma le olioli ma fiafia ma le Atua i le mea ua ia faia i le lavea'ina o e ua leiloa. Ia avea lenei ta'iala e fesoasoani ai ia i tatou ina ia sili ona manino ma malamalama la tatou vaega i le galuega.

### Lesona 1 – Aisea E Molimau ai?

#### O le Va'aiga i le Vaiaso:

ULUA'I ASO: **O le Saunia o Avanoa mo le Fa'aolataga** (*Iakopo 5: 19,20*)

ASO GAFUA: **Faia ia Fiafia Iesu** (*Sef. 3: 17*)

ASO LUA: **Tupu i le Foa'i** (*Luka 6: 38*)

ASO LULU: **Fa'amaoni i le Poloa'iga a Keriso** (*Isa. 49: 6*)

ASO TOFI: **Fa'aosofia e le Alofa** (*2 Kor. 5: 14, 15, 18-20*)

**MATUA TAULOTO – 1 Timoteo 2: 3, 4,**

**Manatu Tāua o le Sapati:** Pe a tatou malamalama po o ai le Atua ma iloa le ofooofogia o lona alofa tunoa ma le mana o lona alofa, e leai lava se isi mea tatou te faia a o le molimau i isi e uiga ia te Ia.

## MOLIMAU IA TE OE LAVA

#### O le Va'aiga i le Vaiaso:

ULUA'I ASO: **Molimau e le Mana'omia** (*MAR. 5: 15-20*)

ASO GAFUA: **Fa'ailoa Keriso ua Toe tu Mai** (*Mar. 16: 1-11*)

ASO LUA: **Sua Olaga Illoa le Ese'esega** (*Galuega 4: 13*)

ASO LULU: **Fa'asoa atu Mea na oo ia i Tatou** (*Gal. 26: 8*)

ASO TOFI: **O le Malosi o le Molimau ia te oe lava.** (*Gal. 26: 1-32*)

#### Matua Tauloto – *Galuega 4: 20*

**Manatu Tāua o le Sapati:** Pe afai e fai mai se tagata, "Sa i ai le taimi na leai ai so'u fa'amoemoe. Na fa'atumuina a'u i le agasala a o lenei ua ou to'a filemu. Sa leai lava sa'u sini i le olaga, peita'i o le taimi nei ua i ai la'u sini, o le mea lea, e oo lava i tagata masalosalo e mafai lava ona iloa le malosi o le mana o le tala lelei. O le molimau lenei o lo o sili ona matuā mana'omia e le lalolagi.

---

**Lessons for People Who Are Legally Blind** The *Adult Sabbath School Bible Study Guide* is available free in braille, on audio CD, and via online download to people who are legally blind or physically disabled. This includes individuals who, because of arthritis, multiple sclerosis, paralysis, accident, and so forth, cannot hold or focus on normal ink-print publications. Contact Christian Record Services for the Blind, Box 6097, Lincoln, NE 68506-0097. Phone: 402-488-0981; email: [services@christianrecord.org](mailto:services@christianrecord.org); website: [www.christianrecord.org](http://www.christianrecord.org).